



প্রথম প্রকাশ : জ্যৈষ্ঠ ১২৬০

প্রকাশক

স্বামীচরণ মুখোপাধ্যায়

১৮এ, টেমার লেন

কলকাতা-৯

মুদ্রাকর

শ্রীঅবনীমোহন রায়

তারকনাথ প্রিন্টিং ওয়ার্কস

১২ বিনোদ সাহা লেন

কলকাতা-৭০০০০৬

মূল্য : ১২'০০

বলি

[মকঃবল শহরের ডেপুটি ম্যাজিস্ট্রেটের ড্রয়িং রুম। ডানদিক দিয়ে বাইরে যাবার আর বাঁদিক দিঘে ভেতরে যাবার রাস্তা। পেছনের দেওয়ালে দরজা আছে। সেটা আর একটা ঘরের ইঙ্গিত দেয়। ঘরের মধ্যে ডেপুটি ম্যাজিস্ট্রেটের স্ত্রী কমলা অথবা উর্মিলা অস্থিরভাবে পায়চারি করছে। বাইরে থেকে বেয়ারার সাড়া পাওয়া গেল।]

স্ত্রী : ভেতরে এস। কি? কি বললেন?

বেয়ারা : আসছেন। বললেন খাবার যদি বিলকুল রেসি থাকে তাহলে একটু খেতে পারেন।

স্ত্রী : যাও তুমি, বল গিঘে খাবার তৈরীই আছে [টেবিলের উপর রাখা একটা ঘণ্টা বাজায়—একজন বর্ষীয়সী ঝি ঢোকে] কালোর মা, ঠাকুরকে বল মাংস গরম করতে, আর ঘি গরম রাখুক, সাহেব এলেই যেন লুচি ভাজতে শুরু করে।

ঝি : যাই। তা খবর কিছু পেলেন?

স্ত্রী : কৈ আর! তুমিও যেখানে আর্মিও সেখানে। ভেবে পাইনা, হাজত থেকে পালায় কি করে লোকটা। যত সব ইন্ডিয়ট।

ঝি : ইন্মাইল বেয়ারা বলতেছিল ও নাকি চাষা খাশানে শুদ্ধর নোক। আগে যেমন সব সেই স্বদেশী ভাকাত হোত না, সেইরকম। কোন্-জমিদারের নায়েবকে নাকি খুনও করেছে!

স্ত্রী : তাই নাকি? তা ওয়া সব পারে। নিজের চেয়ে বড় ওদের কাছে কিছু নেই। স্বার্থপর!

ঝি : না না! যে দুধওয়ালটা বিকালে দুধ দেয় না, সে বলতেছিল
বলি-১

বলি

নোক নাকি ভাল। গরীবির দিকি খুব টান। সেই আগে যেমন
ছ্যাল না? বলতেছিল—

শ্রী : থামো! দুধওয়ালা ত সব জানে। আমার আর জানতে কিছু
বাকী নেই। [বাইরে একটু দূরে কথার আওয়াজ পাওয়া যায়।
শ্রী দরজার কাছে গিয়ে দেখে] উনি বাগানের গেটের কাছে এসে
পড়েছেন। শীগগীর যাও। ঠাকুরকে বল এখুনি সব রেডী
করতে। আর শোন, দেরি দেখলে ঠাকুরের সঙ্গে একটু হাত দিও—

কি : সে আর তোমাকে বলতে হবে না। [বেরিয়ে যায়। বাইরে
থেকে ডেপুটি ম্যাজিস্ট্রেট ঢোকেন এই মহিলার স্বামী। ঢুকতে
ঢুকতে মাথা থেকে ছাট্টা খোলেন, শ্রী হাত থেকে ছাট্টা নেয়।]

শ্রী : বোস। দেরি হবে না, এখুনি খাবার আনছে। কি, কোন হৃদিস
পাওয়া গেল?

স্বামী : এতই সোজা! ওরা সব ঘাগী লোক। একবার যখন বেরুতে
পেরেছে, ওকি সহজে ধরা দেবে?

শ্রী : হ্যাঁ। শুকলাম, লোকটা নাকি পলিটিক্যাল?

স্বামী : হ্যাঁ। ও, ঐ ছোট দারোগাটাকে যদি না আমি—

শ্রী : ও তাই বল, ওনারই কীর্তি।

স্বামী : ইডিরট, ঐ রকম একটা আসামীকে ঐ রকম একটা ঘরে রাখে।

শ্রী : ঠিক হয়েছে। ওকে কত প্রশ্নর তুমি দিয়েছ। ঠিক শোধ দিয়েছে
তার।

স্বামী : আমি কিন্তু পনের মিনিটের বেশী সময় দিতে পারব না। খাবার
যদি দেবার হয়ত দাও, নয়ত—

শ্রী : কি আশ্চর্য, এই এলো বলে। কালোর মা, ডাডাতাড়ি আনো
না। [স্বামীর কাছে একটু হেসে] রাগ করলে? কিন্তু সত্যি
বল, তুমি ভালোমানুষ বলেই না ওরা ঐরকম করতে সাহস করে।

স্বামী : কিন্তু আমাকে ঠিক চিনতে পারিনি। ভালো মাহুষ ! এখানে
ওকে আমি—

স্ত্রী : আমার ত মনে হয়, একটা Strong step নেওয়া উচিত। তা
পালিয়েছে কখন ?

স্বামী : ওকে কি বলে পালিয়েছে ?

স্ত্রী : না তা নয়, ও যদি সত্যি ও রকম সাংঘাতিক লোক হয়, তবে
সঙ্গে সঙ্গে ত তোমাকে জানান উচিত ছিল।

স্বামী : ছিলই তো ! সেইটেই তো হয়েছে ওর মারাত্মক অপরাধ !
ওই রকম একটা ধড়িবাঁজ পলিটিক্যাল লিডার—ওকে যদি ধরতে
না পারি তাহলে আমার অবস্থাটা কি হবে ভাবতে পারো ?
একে তো সেই মাদ্রাজী D. M. নলখাড়ীর ঝাপারটা নিয়ে
বারে বারে নোট পাঠাচ্ছে। শেষের নোটটার লিখেছে যে
চেষ্টা থাকলে যে রিং লিডারগুলোকে ধরা যায় না তা নাকি তিনি
বিশ্বাসই করেন না। এখন যদি শুনতে পায়—আর—পাবেই
—যে হাজত থেকে পালিয়েছে তাহলে ? ওঃ ওই সাহাটাকে
—তুই তো জানতিস ওর ডেবর্ড, বর্ন ক্রিমিনাল-এর মতন
বর্ন পলিটিক্যাল ! এখন আমাকে জ্ঞাকার মত সব বলছে।
এখন বলে কি হবে ? তুই যদি এতই জানতিস তাহলে সাধারণ
হাজতে রাখতে গেলি কেন ? আর রাখলিই যদি কন্স্টেবলটাকে
ভালো করে সাবধান করে দিলি না কেন ?

স্ত্রী : তোমার কিন্তু ওকে আর একটুও দয়া করা উচিত নয়।

স্বামী : দয়া ! দয়ার কথা উঠছে কিসে ?

স্ত্রী : এখন বলছ বটে, 'কিন্তু লোকটা সামনে এলে—একটু কাঁদলে ঠিক
গলে যাবে।

স্বামী : আচ্ছা তুমি দেখে নিও, আমাকে বড়টা দুর্বল তুমি মনে কর
ঠিক বড়টা দুর্বল আমি নই।

শ্রী : দুর্বল তো নও ; তুমি যে ভালো মানুষ—

স্বামী : ঠাট্টা করছ ! কিন্তু আমি যেভাবে এদের case-টা Frameup করেছি না ! ঘর জালান, নরহত্যা, লুঠ, দাঙ্গা সবগুলো চার্জ একসঙ্গে এবং এমন সমস্ত প্রমাণ সংগ্রহ হয়েছে যাতে at least এই পালের গোদাটাকে ফাঁসীতে লটকান যায় ।

শ্রী : ওকি সত্যিই খুন করেছে না কি ?

স্বামী : না, তা বোধহয় নয় । এক কালে টেররিস্ট ছিল তো ! তখন এত সব করেছে যে এখন বোধহয় বোম্বুণী ভাব এগেছে । —কিন্তু আমি ওর নামে ঐসব চার্জ আনতে বলেছি, না হলে ওকে ফাঁসানো যাবে না । ওর আগেকার কীর্তিকলাপ বরং আমার কাজেই লাগবে । কেসটা এমন ভাবে এর কেসটা ফ্রেক আপ করেছি না যে, কোন জুরি ইচ্ছে থাকলেও ছাড়তে পারবে না । [খাবার আসে । বির হাত থেকে শ্রী খাবার নেয় ।] তখন ঐ মাদ্রাজীও ডিস্ট্রিক্ট ম্যাজিস্ট্রেট, আমিও ডিস্ট্রিক্ট ম্যাজিস্ট্রেট । কি করবি কর ।

শ্রী : সেই আজ কত বছর ধরে সেই ডেপুটি ম্যাজিস্ট্রেট । লোককে বলতেও যেন কেমন লাগে ।

স্বামী : হ্যাঁ, ডুয়ার থেকে রিভলবারটা বের করে আনো তো ! আজ দুবছর ধরে ও ফেরারী । ও : একবার যদি পাই । তবে বেশীদূর পালাতে পারেনি । আউট অফ রিচ হ'তে গেলে ওকে নদী পেরিয়ে জঙ্গলে যেতে হবে । দিনেরবেলা নদী পর্যন্ত আসতে পারেনি নিশ্চয়ই । আর সেই রিস্কই যদি ও নেয় তবে জ্যান্ত ধরতে না পারলেও মরাই ধরব ।

শ্রী : [হঠাৎ নিস্পৃহ হয়ে] ম্যাংসটা ঠিক হয়েছে তো ? নতুন ঠাকুরটা আবার পারে না ঠিক ক'রে—আমিই গিয়েছিলাম, কিন্তু এই গোল-মালে শেষটা আর দেখতে পারলাম না ।

স্বামী : একটু বেশী গলিয়ে ফেলেছ, আমার আবার শক্ত না থাকলে বিচ্ছিরি লাগে। বিলিভী রান্নায় ওরা তো রক্তটা খায় না— রক্ত শুকনো রাঁধে, তাতে অনেক বেশী তার হয়। একটু কাঁচা কাঁচা থাকে।

স্ত্রী : [কঠে কোথায় যেন একটু তীব্রতা আসে] মোটেই না। মাংসকে মাংস বলে চেনা গেলে বরং সেটা খেতেই ঘেন্না করে। তাই আমরা হলুদ দিই, চিনি ভেজে দিই, যাতে রংটা অগ্ররকম হয়।

স্বামী : আর সেইজন্মেই তো আমাদের রান্নায় কোন উপকার থাকে না। আরে বাবা, যেটা উপকারী সেটা তো সোজাসুজি তেমন করেই করতে হবে যাতে উপকারটা পাও।

স্ত্রী : [একটু চুপ করে থেকে রিভলবারটা হাতে নেয়।] ঐ সাহাটা যদি ঐ রকম না করত তাহলে তো তোমাকে বাপু এসব নোংরা কাজে নামতে হোত না। লোকটা এক নখরের ফাঁকিবাজ, আমি তোমাকে বলছি একেবারে ঘরমুখো।

স্বামী : আসলে অলস, কোন উচ্চাশা, যানে ambition কিছু নেই। আমি বুঝতে পারি না। আরে তুই যদি উন্নতি না করিস তো বার জন্মে তুই কাজে ফাঁকি দিয়ে তাড়াতাড়ি বাড়ি যাস সেই স্ত্রীই তো তোকে সম্মান করবে না।

স্ত্রী : হ্যাঁ, সেই রকম স্ত্রী কিনা। স্বামীকে একেবারে আঁচলের তলায় রাখতে বার। এই যে মুনসেফের বাড়িতে সেদিন সকলে ঐ সাহাকে স্ত্রী বলে ঠাট্টা করছিল। জানতে তো পারে তাতে কি কোন লজ্জা হয়? আর লোকটাকেও বলি, বিয়ের চোদ্দ বছর পরেও একি! ঐতো রন্ধেকালীর মত চেহারা। একটা হাত আবার হলো। ওকি! খাওয়া হয়ে গেল! আর একটা লুচি খাও অন্তত:—

স্বামী : নাঃ, বেশী খেলে দৌড়তে পারবো না।

স্ত্রী : তুমি কেন দৌড়বে ? এই পঙ্ক-পাল সরকার মাইনে দিয়ে তাহলে
পুষছে কেন ? যদি তোমাকে ডাকাত ধরতে দৌড়তে হয় ?

স্বামী : প্রমোশনটা যে আমারই হবে, তাই। যাক, যা হয় করিয়ে
মিক। ঐ যে বলে এণ্ড জাসটিকাইস দি মিনস আর তাছাড়া
আমি নিজে যদি ওকে পিস্তল হাতে অ্যারেস্ট করতে পারি তার
আলাদা একটা এক্কেটও আছে। তাহলে আর কারুর সাধা
হবে না যে আমার প্রমোশন নিয়ে টাল-বাহানা করে। আর
তারপর—তাহলে উর্মিলাদেবীর হাতপাখা টেনে হাত ব্যাধা
করতে হবে না। কেরোসিনের আলোতে নভেল পড়তেও
হবে না।

স্ত্রী : ভালো ইস্কুল নেই বলে বাসুকে কলকাতার বোর্ডিং-এ পাঠাতেও
হবে না।

স্বামী : হ্যাঁ, আর আমাকেও বাসুকে বোর্ডিং এ পাঠাবার জন্য খোঁটা
শুনতে হবে না। [ছুজনেই হেসে কেল। স্বামী যদিও
হাসতে হাসতেই বলে, তবু গলায় একটা সিরিয়াস ভাব এসে
বায়] আর তাহ'লে উর্মিলাদেবী বোধহয় আমাকে আর একটু
বেশী ভালো বাসতে পারবে, না ?

স্ত্রী : আহা ! এখন যেন কম বাসি।

স্বামী : [গলায় আর অকিসারী ডকীও নেই। হাসিও নেই, একটা
বেদনা আছে।] বাসো। একটু কমই বাসো। অন্ততঃ
বাসতে তো কম কিংবা হয়ত বাসতেই না !

স্ত্রী : [ঠাট্টার স্বরটা বজায় রাখতে চেষ্টা করে।] আহা, তোমাকে
বাসি না তো কাকে ভালোবাসতে গেছি শুনি ?

স্বামী : কি করে জানব ? দেবাঃ ন জানন্তি, তবে এখন বোধহয়
উর্মিলা দেবী আমাকে একটু একটু ভালোবাসে, না ?

দ্বী : তুমি আবার আগের কথা তুলে আমাকে খোঁটা দেবে ? এখন বুঝি একটু একটু ভালোবাসি ?

স্বামী : [হাসে] আচ্ছা বেশ, না হয় অনেকেই হ'লো ! না না, তোমায় দোষ দিচ্ছি না। মেয়েরা চায় স্বাচ্ছন্দ্য। তার ওপর তুমি বড়লোকের মেয়ে—যে যেখানে জন্মায়, সেতো তার চাইতে আরো ওপরে উঠতে চাইবেই। আমি যদি জীবনে উন্নতি করতে না পারি, তোমার মনের ভালোবাণী তো মার খাবেই ! সত্যি অনেক বোকামি করেছি আমি।

দ্বী : [সজল হয়ে ওঠে গলা] সেগুলো মোটেই বোকামি নয়। তুমি ভালো মানুষ তাই তোমার উন্নতি হয়নি।

স্বামী : ওগুলো বোকামি। মানুষ যেখানে এসে পড়ে তাকে তো সেখানকার মতই চলতে হবে। নিজেকে ভালোমানুষ বলে আমি অন্ততঃ নিজের সাথে চালাকী করতে চাই না কমলা !
[দ্বী : আশ্চর্য হয়ে তাকায়] হ্যাঁ, কমলা নামটা তো বেশ। কেন যে তুমি জোর করে বদলে তাকে উমিলা করলে !

দ্বী : [খতমত খেয়ে] তখন মনে হয়েছিলো ওটা বোধহয় খুব সেকলে !

স্বামী : দূর ! সেকলে ! কমলা নাম কখনো পুরোনো হয় ? অনেকবার মনে হয়েছে, তোমাকে কমলা বলে ডাকি। আজ ভেকেই ফেললাম। আচ্ছা কমলা, শহরে গেলে তোমার খুব ভালো লাগবে, না ?

দ্বী : লাগবে, সত্যি লাগবে। তখন আমাকে কাউকে কাছছাড়া করতে হবে না। এখন বাসুর কাছে যেতে হলে তোমাকে ছাড়তে হয়। আর তোমার কাছে থাকতে হ'লে বাসুকে ছাড়তে হয়। তখন আমাকে কাউকে ছাড়তে হবে না।

স্বামী : ভয় করবে না তো ?

দ্বী : [বুঝতে পেরেও] কেন ? [স্বামী মুখটা কিরিরোনের] ও, না।

আমার হিষ্টিরিয়া যদি অতদিন না চলত তবে তুমিও ওপথে যেতে না। আমি জানি। শহরকে আর আমার ভয় নেই। আচ্ছা এখন তো আমি একদম ভালো হয়ে গেছি, না ?

স্বামী : হ্যাঁ, কিন্তু কেন তোমার হিষ্টিরিয়া হ'লো বলতে পার ?

স্ত্রী : আবার তুমি ঐকথা তুলবে ?

স্বামী : তুলিই না একটু ! ধর যদি ফেরারীটার কাছে কোন অস্ত্র থাকে। মারা যেতেও তো পারি।

স্ত্রী : [চোখে জল এসে যায়] খবরদার বলছি, ওসব কথা বলবে না তুমি। তাহলে আমি কিন্তু তোমাকে যেতে দেব না !

স্বামী : [হেসে] আমাকে তো ভালোবাসতে পারোনি তখন। কিন্তু কাকে ভালোবাসতে ? কাউকে বাসতে নিশ্চয়ই ?

স্ত্রী : না। তাকে ভালোবাসা বলে না ! তোমাকে তো বলেছি কতদিন ! তার সঙ্গে বিয়ের কথা হয়েছিলো কেবল। তারপর সে পলিটিঙ্কে ঢুকলো, বিয়েও ভেঙে গেল !

স্বামী : সেই কি তোমার বাবার বন্ধুর ছেলে যাকে তুমি পুলিশের হাত থেকে বাঁচিয়েছিলে ?

স্ত্রী : না। [বাইরে থেকে চাপরাশির গলার আওয়াজ আসে।]

স্বামী : অন্দর যাও।

চাপরাশী : সাহা সাহাব, বাহার খাড়া হায়।

স্বামী : [একটু ভেবে] অন্দর আনে বোলো। [জলের গ্লাস হাতে তুলে নেয়। স্ত্রী ভেতরে যাওয়ার জন্ত পা বাড়ায়] আরে ওটা আবার একটা পুরুষ মানুষ নাকি যে ওকে এত লজ্জা করতে হবে ?

[স্ত্রীর পা আটকে যায়। বাইরে গলা খাঁকারির শব্দ পাওয়া যায়। স্বামী অকস্মাৎ উঠে উদ্ভীষ্ট হয়ে বসেন। স্ত্রীকে বসতে ইঙ্গিত করেন। স্ত্রী

শিহনের দিকে একটা চেয়ারে বসেন।] কাম ইন্ [ছোট দায়োগা সাহা চোকেন। বয়স প্রায় চল্লিশ, ভীত লোক, আলুট করেন।] yes ?

সাহা : সব ব্যবস্থা পাকা স্মার। নদীর ওপারে সার দিয়ে লোক দাঁড় করিয়ে দিয়েছি। ওপারে গেলেও পালাতে পারবেন না স্মার !

স্বামী : আর ?

সাহা : আর স্মার ঐ আপনি যেমন বলেছিলেন, পালাতে চাইলে জখম করতেও কেউ যেন দ্বিধা না করে। সবাইকে বলে দিয়েছি।

স্বামী : আমি কিন্তু আরো একটু পরীক্ষার করে আপনাকে বুঝিয়ে দিয়েছিলাম। নিজে তো বুদ্ধি করে কিছু করতে পারবেন না। আফসার যে অর্ডার দেয় সেটাও ঠিকমত বলতে পারেন না লোককে।

সাহা : হ্যাঁ স্মার তাও বলেছি। বলেছি, এমন যদি আশঙ্কা হয় যে, মানে, আহত করেও ধরা গেল না, তাহলে নিহত করতেও কেউ যেন ভয় না পায়। ওপরের অর্ডার আছে। তবে—

স্বামী : তবে ?

সাহা : তবে, এমনি যদি ধরতে পারা যায় সেইটাই ভালো।

স্বামী : খুব দয়ার শরীর আপনার না ? একটু ধেমে তবে এটা বলে ভালো করেছেন। দেখুন এ সমস্ত হাঙ্গামা কিছুই কোরতে হোত না যদি না হঠাৎ জুপুংবেলার আপনার স্ত্রীর সাথে প্রেম করবার ইচ্ছে চাগিয়ে উঠতো।

সাহা : [ভয়ে ভয়ে] স্মার ! না, মানে—

স্বামী : দেখুন, একটা মিথ্যে কৈকিয়ত দেবার চেষ্টা করছেন আপনি। করবেন না কি পরিমাণ কাজে ফাঁকি দেন কেবল ঐ ভয়ে

সকলেই জানে। সকলে এই নিয়ে হাসি ঠাট্টা করে, আপনি জানেন না? জানেন নিশ্চয়ই, তবে সেটাকে সিরিয়াসলি নেননি। ভেবেছিলেন হাসি-ঠাট্টার মধ্যেই দিন যাবে! কিন্তু এবারে আপনার পক্ষে ব্যাপারটা খুব সিরিয়াস দাঁড়াবে, মনে রাখবেন। তা সে ও ফেরারীকে পাওয়া গেলেই কি, আর না গেলেই কি!

সাহা : স্মার ? [অত্যন্ত নার্ভাস]

স্বামী : আপনাকে অনেক ইনডালজেন্স দেওয়া গেছে। আর নয়!

সাহা : স্মার, আপনি নিশ্চয়ই আমার চাকরি—

স্বামী : খাব কিনা? তাছাড়া আপনার যোগ্য শাস্তি আর কি হতে পারে আপনিই বলুন না! [হঠাৎ গলা ফাটিয়ে ব্যঙ্গ করবার ভাবে] তাছাড়া এই পুলিশের চাকরি আপনার মত ভালোমাহুষের পোষাবে কেন? আপনাদের সব বড় বড় হৃদয়। প্রেমিক হৃদয়, পুলিশের তুচ্ছ কাজে ডাকে নষ্ট করবেন? কি বলছিলে তুমি সেদিন উর্মিলা? কপোত-কপোতীকথা—[স্ত্রীর বোধ হয় এতটা সহ হয় না। তবু মুখে একটু হাসির ভাব এনে মাথা নিচু করে নেয়।]

সাহা : [গলা ধরে গেছে] স্মার চাকরি গেলে খাব কি স্মার? এই-বারটা মাপ করুন। জীবনে—

স্বামী : এই তিনবছর আপনি আমার আঙুরে এসেছেন, এর মধ্যে কতবার আপনাকে মাপ করা হয়েছে? এমন কি, এই ছমাস আগে যখন এই আন্দোলনেরই একটা ছোড়াকে ধরা হয়েছিল, কি নাম যেন তার?

সাহা : সুকোমল।

স্বামী : এখনও ভুলতে পারেন নি? নামটা তো দেখছি ঠিক মনে আছে! নিজের মনকে বোঝবার চেষ্টা করুন। দেখুন—

আপনার সিমপ্যাথি কোনদিকে । যাই হোক, সেই সুকোমলকে যখন হাজতে রাখা হয়েছিলো, তখন আপনার স্ত্রী মাংসভাত রান্না করে ওর অন্ত্রে পাঠিয়ে দেননি । তখন আপনাকে, ওয়ানিং দেওয়া হয়নি ?

সাহা : আর সুকোমলের অত্যন্ত কম বয়স ছিল । আর ওকে যখন আমাদের বাড়ির সামনে দিয়ে নিয়ে যায়, আমার স্ত্রী তখন ওকে দেখেছিলো ।

স্বামী : নিষ্ঠুরের মত বলে তাই মিসেস্ সাহার মাতৃহৃদয় একেবারে উথলে উঠলো । তবু যদি উনি সত্যি সত্যি মা হতেন ।

সাহা : আমি মানছি আর সেটা আমাদের খুবই অজ্ঞায় হয়েছিলো । কিন্তু ও বললো ওর যা শাস্তি হবে, তাতো হবেই । মুষ দেখে মনে হলো তিন চার দিন যায়নি । একটু খেতে দিলে কি আর এমন হবে । আমিও ভাবলাম আর কোনরকম বন্ধুত্ব তো করতে যাচ্ছি না । শুধু একবেলা দুটি—

স্বামী : বেশ, তা এবারেও কি আপনার স্ত্রী জানলা দিয়ে করেদিকে দেখে—কিন্তু এবারে তো মাতৃভাব হবে না মিঃ সাহা—নিরবধি সামস্তর বয়েস তো আপনারই মত হবে ; না ? তা যাই হোক, এবারে কি পোলাও রান্না হবে বলে কিসমিসের ফরমাস তামিল করতে গিসলেন ?

সাহা : [ক্ষুব্ধ হয়] আমার যে দোষ হয়েছে তা আমি একশবার মানছি । এর জন্ত ও বেচারীকে বাত্রে-বাত্রে এর মধ্যে জড়াবেন না ।

স্বামী : [গলা অত্যন্ত কঠিন] আপনি যদি নিজের বুদ্ধিতে চলতেন, তাহলে ওকে জড়াবার দরকার হোত না । আপনার স্ত্রী আমার আলোচনার যোগ্যও নন । এটা মনে রাখবেন ।

সাহা : [অপ্রস্তুত হয়ে] না, মানে আমি ঠিক ওভাবে কথাটা বলিনি আর । মানে আজ তিনদিন ধরে ওর যা অবস্থা, তাতে

করে পরামর্শ দেবে কি স্ত্রীর, ভালো করে কথাই বলতে পারছে না।

স্বামী : থাক্, থাক্—

স্ত্রী : [কৌতূহলী হয়ে] আহা, শোনাই যাক্ না! 'আপনার স্ত্রীর' হয়েছো ?

সাহা : [একটু হকচকিয়ে যায়, উমিলার দিকে ভালো করে তাকাতো পারে না।] খুব জর, আপনারা তো সব জানেনই, ওর বাঁ হাতটা মানে ভাঙ—তার ওপর এই জর—ওয়ুথটা ঢেলে খাবারও শক্তি নেই। একটা বি ছিল সে কাল থেকে ছুটি নিয়েছে। তার ছেলের বিয়ে। ঐসময় ছিল ওর ওয়ুথ খাবার সময়। তা আমি ভেবেছিলাম যাব আর আসব—

স্বামী : দেখুন, ওসব বাজে কথা শোনার সময় আমার নেই বৌও বাপের বাড়ি পাঠিয়ে দিন। হাতে পানি দাও রামসিং [ভিতরে চলে যায়।]

[স্ত্রী এবং সাহা দুজনেই কেমন আড্ডা হয়ে যায়। আড্ডাটা কাটার পরেই যেন স্ত্রী হঠাৎ উঠে পড়ে স্বগত বলার মতই বলে।]

স্ত্রী : যাই মসলাটা দিয়ে আসি। [স্ত্রী যখন প্রায় দরজার কাছে গেছে হঠাৎ সাহা ডাকে।]

সাহা : শুনুন; [স্ত্রী ফেরে] দেখুন আপনি যদি দয়া করে আমার কথাটা শোনেন। ওঁর এ ব্যাপারে মাথার ঠিক নেই। অবশ্য আমি একশবার মানছি যে, এজ্ঞে দায়ী আমিই। আমার স্ত্রীর যদি যাবার কোন জায়গা থাকত আমি নিশ্চয়ই পাঠিয়ে দিতাম। সত্যি ওর যাবারও কোন জায়গা নেই—

স্ত্রী : বাপের বাড়িতে কেউ নেই ?

সাহা : আছে। মিসেস চৌধুরী, কিন্তু ওর যাবারও উপায় নেই। মানে

ওরা ব্রাহ্মণ আর আমরা তিলি। কাজেই বুঝতেই পারছেন।
 ওর যখন বিয়ের সব ঠিক হয়ে গেল, তখন ও পালিয়ে আমার
 কাছে চলে আসে। সেই দিনেই আমরা, মানে গন্ধর্ব মতে
 বিবাহ করি। কিন্তু তার পরদিন ওর দাঙ্গা খোঁজ পেয়ে এসে
 উপস্থিত হন। এবং একটু কথা কাটাকাটির পরেই হাতের কাছে
 টেবিলে একটা এই মানে,—কাগজ চাপা দেবার পাথর ছিল,
 সেইটে তুলে “তোমার মরাই ভাল” বলে ছুঁড়ে মারেন।
 হাত দিয়ে ঠেকাতে গিয়েছিল তাইতেই হাতটা জখম হয়ে যায়।

স্ত্রী : সেকি ! চিকিৎসা করান নি ?

সাহা : মানে, সে জায়গাটা তো ঠিক শহর ছিল না। তারপর ওকে
 নিয়ে কোলকাতায় গিয়েছিলাম। কিন্তু তখন দেয়ি হয়ে গেছে।
 [একটু চুপ] ওর স্বাস্থ্য ইদানীং একেবারে ভেঙে পড়েছে।
 এ সময় যদি চাকরি যায় তাহলে মানে আমি একা হ'লে ভাবতাম
 না—আর এই বয়সে আমি যে আর কোন চাকরি যোগাড়
 করতে পারবো তাতো মনে হয় না। আপনি একটু যদি—

স্ত্রী : দেখুন, আপনাদের অফিসিয়াল ব্যাপারে আমি মোটেই থাকতে
 চাই না। [সাহা চুপ করে থাকে, একটু পরে বলে]

সাহা : খামোকা আপনাকে এতগুলো কথা বলে কষ্ট দিলাম।

[স্বামী ঢোকে]

স্বামী : কি ব্যাপার ! আপনি এখনও যাননি !

সাহা : যাই স্মার। [চলে যায়]

স্বামী : কি এত বকরবকর করছিল !

স্ত্রী : ওর স্ত্রীর নাকি খুব অসুখ।

স্বামী : সত্যি নাকি ?

স্ত্রী : মনে তো হ'লো ! এখন মনে হচ্ছে অতটা না বললেও হতো !

স্বামী : মনে হচ্ছে ? যাক ! এইবার তাহলে বুঝতে পেরেছ যে সামনে এলে অতটা বলা যায় না । তবে তুমি সামনে না থাকলে উমি আমি হয়ত অতটা বলতাম না ।

স্ত্রী : তার মানে ?

স্বামী : তুমি তো অফিসারেরও ওপরওয়াল। কিনা, ভয় হ'চ্ছিল পাছে আবার “ভালোমানুষ” হয়ে যাই । “ভালোমানুষ” কথাটা তে ভালোমানুষী করে বল, আসলে তে বলতে চাও, নিবীড় প্রমোশন যে এবার আমার চাই-ই ।

স্ত্রী : প্রমোশনে যদি তোমার দয়কার না থাকে তবে আমার ভক্ত তোমাকে কিছু করতে হবে না ।

স্বামী : তোমার জন্তে তো নয় । আমার জন্তে । তুমি শহরে থাকবে, খুশী খুশী থাকবে । তোমাকে খুশী দেখবার সাধ যে আমার অনেক দিনের ।

স্ত্রী : আজ তোমার হ'লো কি ? আমি কি অখুশি আছি ?

স্বামী : কি জানি । বাস্ যখন হ'লো তখন তোমাকে খুব খুশী দেখেছিলাম । দেখি, বাস্কে এনে দিলে হয়ত আবার খুশী হবে ।

স্ত্রী : আজ কেন এতো পুরোনো কথা টেনে তুলছো বলতো ?

স্বামী : সত্যি । কেন ? [নিঃশ্বাস ফেলে] যাই । [বেন্ট শুদ্ধু পিন্ডলট কোমরে পরতে থাকে ।]

স্ত্রী : আচ্ছা ঐ ফেরারীটাকে পেলেও কি সাহায্য চাকরি যাবে ?

স্বামী : না ।

স্ত্রী : যাক—

স্বামী : সাস্পেনড হ'তে পারে ।

স্ত্রী : আর পাওয়া না গেলে ? যাবে ?

স্বামী : হ্যাঁ ।

স্ত্রী : তবে তুমি তো বাঁচিয়ে দিতে পার।

স্বামী : না ওকে বাঁচাতে গেলে নিজেকে মরতে হবে।

স্ত্রী : তার মানে ? আঃ বোলো না।

স্বামী : মানে—ইন্সপেক্টর রহমান আর বড় দারোগা ঘোষ দুজনেই গেছে রায়পুরের সেই জোড়া খুনের তদন্তে। তাই সাহা এখন ছিল আমার আওরে ডাইরেই, ক'জেরে—

স্ত্রী : ইস্। তাহ'লে কি হবে ? কি হতে পারে ? শুনিই না, কতটা খারাপ হতে পারে ?

স্বামী : একধাপ নীচে নেমে যেতে পারি, সাসপেন্ড হতে পারি। আর সেরকম লোকের হাতে গেলে, কি জানি কি হবে! তবে সব দোষ যদি আমি সুন্দর করে সাজিয়ে সাহার ঘাড়ের দিই, তবে এ যাত্রা কোন রকমে টিকে যেতেও পারি। কিন্তু প্রমোশন ? নৈব নৈব চ!

স্ত্রী : [সভয়ে] ভগবান, যদি ফেরারীটা ধরা পড়ে, তবে আমি জোড়া পাঠ বলি দেব।

স্বামী : [অবস্থাটা হাল্কা করবার জন্তে হেসে হাল্কা ভাবেই বলবার চেষ্টা করে] ইস্ একি করলে ? ও ব্যাটা তো এমনিও ধরা পড়তো, খামোকা ছোটো প্রাণীহত্যার ব্যবস্থা পাকা করে কেললে ?

স্ত্রী : সত্যি বলনা, বেশী দূরে যেতে পারেনি, না ?

স্বামী : তাই তো মনে হয়।

স্ত্রী : আমার ইচ্ছে করছে, তোমার সঙ্গে বাই, একটুও যদি সাহায্য করতে পারতাম তোমাকে। এখানকার লোকগুলো বা বোকা।

স্বামী : আমি তো জানি, ফেরারী আসামীদের ছেড়ে দেবারই অভ্যাস আছে তোমার। ধরবার অভ্যাস আছে বলে তো জানি না! আমার তো ভয়। আমি কষ্ট করে ধরবো—আর তুমি পালাবার রাস্তা বাত লাতে বসবে।

স্বামী : একবার ধরেই দেখ না। আমি যদি অজ্ঞ হতুম না, তুমি ধরে আনলে আমি ফাঁসির হুকুম দিতুম।

স্বামী : কিন্তু ছেড়ে তো দিয়েছিলে একবার ?

স্বামী : আচ্ছা তখন আমার বয়স কত ছিল বলতো ? তখন বোকা ছিলুম বলে আর এখনও বোকা নেই।

স্বামী : তোমার দাদার কাছে শুনে ছিলাম সব গল্প। লোকটা পিস্তল দেখিয়ে ভয় দেখাতেই হুড় হুড় করে খিড়কীর দোর দিয়ে বার করে দেওয়া। এই তো সাহস !

স্বামী : আহা আমার অবস্থায় পড়লে দেখা যেত !

স্বামী : ছেলেটা তো তোমার বাবার বন্ধুর ছেলে ছিল, না ? তাই ভেবেছিল তোমাদের বাড়িতে ঢুকলেই বৃদ্ধি বেঁচে যাবে। তোমার বাবাকে ঠিক চিনতো না !

স্বামী : [অপ্রস্তুতের হাসি হেসে] হ্যাঁ বাবা হয়ত—

স্বামী : তোমার সঙ্গেও তো আলাপ ছিল, না ?

স্বামী : হ্যাঁ, আলাপ ছিল ! যতসব—

স্বামী : আঃ, আলাপ ছিল বলা মানেনই তো আর প্রেম ছিল বলা নয় ; কি মুশকিল ! তোমার দাদার কাছে সব শুনেছিলাম। প্রেম নিবেদন করেও যখন কোন ফল হল না তখন বীরপুরুষ পিস্তল বার করলেন।

স্বামী : এক খুনের গল্প করতে গিয়ে আর এক খুনে পালাবে ?

স্বামী : হ্যাঁ, যাই ; এ খুনে পালালে আমার চলবে না !

স্বামী : হ্যাঁ চলবে না, কিছুতেই না। শোন একটু সাবধানে থেকো। বলা তো যায় না, ফেরারীটার হাতে যদি কিছু থাকে।

স্বামী : ভালোই হবে। রণক্ষেত্র জয় হবে ভালো ! জিতলে তো কথাই নেই। আর মরলে—নাঃ তাহলেও কথা নেই।

শ্রী : আজ তোমার হয়েছি কি ? [হাত ধরে বলে] না, তোমাকে আমি যেতে দেব না ।

স্বামী : দেবে বৈকি ! তুমিও যেতে দেবে, আমিও যাব । না গেলে চলবে কেন ? তাহলে প্রমোশন হবে না । এবধাপ নিচে নামতে হবে,—আর চাকরির খাতায় যদি এই কালো দাগ একবার লাগে, সে দাগ কি আর কখনো ঘষে তোলা যাবে ? তখন ছোট হাকিমের বৌ হয়ে, আর্থিক অসচ্ছলতার মধ্যে, বড় হাকিমের বৌকে খোসামোদ ক'রে—যেমন কুমারেশবাবুয় শ্রী তোমাকে করে থাকেন—ছোট হাকিমকে কতটা শ্রদ্ধা করতে পারবে উর্মি ?

শ্রী : পারবে, পারবে !

স্বামী : [হেসে মাথা নাড়ে] আর তোমার বাস ? তোমার শহর ?

শ্রী : চাই না ।

স্বামী : [আবার হাসে] আর যদি চাকরি যায় ? এই বয়সে আর কোথায় চাকরি খুঁজতে যাবে বল ? ব্যাংকের মাত্র ঐ সামান্য কিছু টাকা সঞ্চয় করে ছেলেকে নিয়ে বেকারের বৌ হতে কেমন লাগবে ?

শ্রী : যাই লাগুক—

স্বামী : [খামিয়ে দেয়] তাই আমাকেও যেতে হবে, আর তুমিও যেতে দেবে । উর্মি, এই যে দ্বাতটা আসছে—এই রাতে একজনকে বলি যেতেই হবে । হয় গাহ', না হয় আমি । আর আমরা যদি দুজনে বঁচেতে চাই তবে ঐ নিরবধি সামন্তকে বলি যেতেই হবে……আচ্ছা যাই (বেরিয়ে যায়) ।

শ্রী : [চূপ ক'রে সামনের দিকে চেয়ে দাঁড়িয়ে থাকে । সন্ধ্যা হয়ে আসে । দূর থেকে মসজিদে আজান দেবার শব্দ ভেসে আসতে

থাকে। কালোর মা একটা কেরোসিনের টেবল্ ল্যাম্প নিয়ে
ঘরে ঢোকে।]

কালোর মা : ওমা, অমন করে দাঁড়িয়ে আছ কেন ? কাপড় ছাড়বে না ?

শ্রী : [যেন সশ্বিত ফিরে আসে] আঁা, ও, হ্যাঁ।

কালোর মা : কি ? হ'ল কি ? কোন খারাপ খবর আলো নাকি ?

শ্রী : না, ইয়ে, কি যেন, হ্যাঁ, ছোটদারোগার বৌ-এর নাকি খুব অসুখ ?

কালোর মা : হ্যাঁ। খুব নাকি জ্বর। দুধঅলাটা দুধ দিতি গিয়েছেলো
না ? তা বললে—যে এত নাকি জ্বর যে, দুধির পাত্তটো সে
এগোয়ে দেবে সে সামন্তও নেই। ও তাই নিজে পাত্তর খুঁজে
নিয়ে, দুধ রেখে তবে আসে !

শ্রী : ও, তোমার কাজ হয়ে গেলে একবার দেখে এসোতো ছোট-
দারোগার বৌকে ! আর যদি কিছু করবার থাকে তো করে
দিয়ে এস।

কালোর মা : [খুশী হয়ে] যাব ? আমিও তাই ভাবতিছিলাম,
একবার যাওয়া ভাল। কেউ যায় ন ও বাড়ি। [বাসনগুলো
তুলে নিয়ে যেতে যেতে বলে] এখনই যাচ্ছি। [ও চলে যায়
শ্রী একলা বসে থাকে। পিছনের দরজা দিয়ে একটা লোক
ঢোকে। পরনে ধুতি আর হাফশার্ট। শীর্ণকায়]

লোক : কমলা !

শ্রী : (চমকে তাকায়) কে !! [লোকটা হাসে] কে তুমি ?

লোক : আমি, আমি সত্যপ্রিয় চিন্তে পারলে না তো ? অবশ্য না
পারবারই কথা। আমি বিজ্ঞ তোমাকে প্রথম দেখেই চিন্তে
পেরেছিলাম।

শ্রী : ও তু—মি ! বিজ্ঞ তুমি এখানে কেমন করে এলে ? ও [একটু
যেন বুঝতে পারে।]

সত্য : বলতে পার আসতে বাধ্য হলাম। যা ফেউ লাগিয়েছেন তোমার স্বামী চারিদিকে !

স্ত্রী : [এইবার যেন পরিষ্কার হয়ে আসছে] ও, ও, ও তুমিই নিরবধি সামন্ত ! তুমিই !! [চিৎকার করে কাউকে ডাকতে যায়। কিন্তু নিজেই আবার সামলে নেয়।]

সত্য : কি, আমাকে ধ'রিয়ে দেবে ?

স্ত্রী : তুমি কি মনে করছে তোমাকে ছেড়ে দেব ! ষোল বছর বয়সে যে ভুল করেছিলাম—

সত্য : তিরিশ বছর বয়সে সেটা শুধরে নেবে ?

স্ত্রী : হ্যাঁ। সুর্যোগ যখন এসেছে।

সত্য : তুমি কি তখন ভুল করেছিলে বলে তোমার মনে হয় ?

স্ত্রী : নিশ্চয়ই ! বাবার কথা শুনলে আজ আমাকে এত কষ্ট পেতে হোত না। কিন্তু এখানে এলে কি করে তুমি ? আর এলেই বা কেন ? তোমার ভয় করলো না ?

সত্য : এলাম উপায় ছিল না বলে। হাজত থেকে কোনরকমে যখন বেরোতে পারলাম তখন হেঁটে চললাম নদীর দিকে। নদীপার হতে পারলেই—পৈতৃক প্রাণটার মেয়াদ আরও কিছুদিন বাড়বে। কিন্তু নদীর কাছ বরাবর আসতেই দেখলাম, নাঃ আর উপায় নেই, জেনে গেছে ওরা। তখন পাড়ের নীচ দিয়ে দিয়ে তোমাদের বাড়ি পর্যন্ত এলাম। চমৎকার জায়গায় তোমাদের বাড়িটা না ? একেবারে নদীর ধারে। বেড়াতে যাও নিশ্চয়ই ?

স্ত্রী : আবাস্তর প্রশ্ন। তারপর ?

সত্য : হ্যাঁ, তারপর। তারপর তোমাদের শিছনের আমগাছটা ধরে উঠে পড়লাম গাছে। অনেকক্ষণ ওখানেই বসেছিলাম। প্রাণ করছিলাম, ইতিমধ্যে যদি ধরা না পড়ি তাহলে সন্ধ্যার অন্ধকারে

আবার নামবো নদীতে। চারিদিকেই লক্ষ্য করছিলাম। এমন সময় দেখলাম তোমাকে, কিরকম চেনা চেনা লাগল—তারপর যখন তুমি রান্নাঘরের দাওয়ার দাঁড়িয়ে সবিস্তারে মাংস রান্নার কারকিত বোঝাতে লাগলে ঠাকুরকে, তখন গলার স্বর শুনে আর ঐ চিনি ভাজার কথাটা কানে যেতেই আর সন্দেহ রইল না। মনে আছে? সেই পালাবার আগের বার যেবার তোমাদের বাড়িতে যাই তুমি জ্বিদ ধরলে তুমিই মাংস রান্না করবে—তোমার মা বলেছিলেন একটু চিনি ভেজে দিস—তা তুমি প্রায় একপো চিনি ঢেলে দিয়েছিলে? উঃ কি মিষ্টি। কি মিষ্টি, কেউ আর মুখে দিতে পারে না। [হাসতে থাকে]।

স্ত্রী : [গলা কঠিন] আমার মনে পড়ছে না। তুমি কি পুরোনো কথা ঝালাতে এখানে এলে নাকি? কিন্তু তাতে কোন সুবিধে হবে না।

সত্য : না না, হঠাৎ মনে পড়ে গেল, তাই। একটু বসব? [একটা চেয়ারে বসে] আমি যেদিক দিয়ে এসেছিলাম, সেইদিক দিয়েই চলে যেতাম। কিন্তু এতটু পরেই দেখলাম, তা আর হবার নয়। নদীর ওপর পর্যন্ত পুলিশ। পুলিশ নেই কেবল যে পর্যন্ত তোমাদের পাঁচিল বিরাজমান। ওরা কি করে ভাববে বল, যে খোদ বড় হাকিমের বাড়িতে ফরাদী আসামী ঢুকবে। অনেক ভাবলাম। শেষ পর্যন্ত দেখলাম, তোমার সঙ্গে দেখা না করে আর উপায় নেই—

স্ত্রী : তার মানে তুমি ভাবছ, আবার তোমার পালাবার ব্যবস্থা আমিই করে দেব ন?

সত্য : দেবে না?

স্ত্রী : আশ্চর্য! আশ্চর্য তোমার সাহস না, স্পর্ধা!—না, আমি কি বলব ভেবে পাচ্ছি না। কি করে একটা লোক এরকম ভাবতে

পারে। পলিটিক্স করলে মানুষের চোখের চামড়া বোধহয় থাকে না। চৌদ্দ বছর আগে থাকে তুমি বিট্টে করেছিলে, আজ আবার তাইই কাছে এসেছ? তারপর সে তোমার শত্রুর জী: কি ক'রে ভাবলে যে আমার মনটা ঠিক চৌদ্দ বছর আগের মতই আছে? আশ্চর্য!

সত্য: মনস্তত্ত্ব নিয়ে ভাববার অবসর ছিল না। অন্তত পথ যখন বন্ধ হয়ে গেল তখন মনে হল হতেও তো পারে!

জী: না। হতে পারে না।

সত্য: তুমি কি চৌদ্দ বছর আগের প্রতিশোধ এখন নেবে?

জী: নিলেও দোষ হয় না, না নিজের কাছে, না অপরের চোখে।

সত্য: এই যে প্রতিশোধ নেবার ইচ্ছে, এর মানে জানো?

জী: জানি, একটা অসং লোকের, অসং কাজের শাস্তি।

সত্য: না। তুমি এখনও আমাকে ভালোবাস?

জী: [তিস্ত কণ্ঠে] এইবার বুঝি মনস্তত্ত্ব নিয়ে ভাববার অবসর হ'ল? যাক্গে কথা বাড়িয়ে লাভ নেই। আমি ঠিক কাছে থবর পাঠাই— [যেতে উত্তত হয়]

সত্য: শোন, একবার ভেবে দেখবে না?

স্বী: ভাববার কি আছে?

সত্য: আমার কিন্তু ফাঁসি হতে পারে। তাছাড়া যে কাজটা আমরা করছি—তারও অনেক ক্ষতি হয়ে যাবে।

জী: ঠিক সেই আগেকার কথা! কিন্তু তুমি পালিয়ে গেলে আমাদেরও অনেক ক্ষতি হয়ে যাবে।

সত্য: [ঠাট্টার স্বরে] তা সত্যি, তোমার স্বামীর পদোন্নতি আটকে যাবে।

জী: এতে ঠাট্টা করবার কিছু নেই। চাকরিতে পদোন্নতির কথা শুনে তোমাদের ঠাট্টা করতে ইচ্ছে হয় না? কিন্তু তোমাদের দলের

নেতা হবার জন্তে যখন তোমরা দল পাকাও, ক্রিক কর, তখন নিজেদের ঠাট্টা করতে ইচ্ছে করে না? আর একত্রে পদোন্নতি মানে শুধু টাকা আর পজিশনই নয়। একটা বাচ্চা ছেলে তার মায়ের কাছে থাকতে পারবে।

সত্য : [যেন একটা নতুন খবর শুনলো] তোমার ছেলে? সে এখন কোথায়?

স্ত্রী : কোলকাতার বোর্ডিং-এ। ওর পদোন্নতি হওয়া মানে, আমাদের শহরে থাকা, আর তার মনে,—একটা বাচ্চাকে তার মায়ের কাছে ছাড়া হয়ে কষ্ট পেতে হবে না!

সত্য : কত বড় হ'ল তোমার ছেলে?

স্ত্রী : [সে কথা র উত্তর না দিয়ে] এক বছর আগে বাধ্য হয়ে বোর্ডিং-এ পাঠাতে হয়েছে।

সত্য : তুমি একবারে হিউম্যানিটির কোর্সে এনে ফেলল। তোমার ছেলের সম্ভবত খুবই কষ্ট হচ্ছে, কিন্তু একবার ভেবে দেখেছ কি? যে চাষার বৌগুলো ছেলেকে কাছে রেখেও দুবেলা দু মূঠো খেতে দিতে পারে না, বাদের পরনে—

স্ত্রী : দোহাই তোমার, ঠিক সেই বাইশ বছর বয়সের মত কথা আর বোলো না। সেই নেতাদের শেখান কথা। এত বছর পার হয়ে গেল নিজের কিছু বলবার নেই?

সত্য : [অবাক হয়ে] সেট আগের মতই বলছি! কি বলছ তুমি?

স্ত্রী : কেন বুঝতে পারছ না? চাষা আর মজুরের জায়গায় পরাধীন ভারতবাসী বসিয়ে দাও, দেখবে ঠিক এ ফই বক্তব্য।

সত্য : [চিন্তিত হয়] এ ফই বক্তব্য? তোমার তাই মনে হচ্ছে? কিন্তু কথাগুলো কি মিথ্যে? সত্যিই কি আমাদের দেশের চাষা মজুর [স্ত্রী কেমনভাবে যেন তাকায়] বেশ চাষা মজুর কথাটার যদি তোমার আপত্তি থাকে তাহলে বলি—আমাদের দেশের

বারা গরীব। বারিা নিঃখ তাদের অল্প কিছু করবার দণ্ডকার
নেই ?

স্ত্রী : আমি পলিটিক্যাল মেয়ে নই। তাই তোমার এ সমস্ত কথা আমি
বুঝি না।

সত্য : আমাকে এ ফটু জল খাওয়াবে ?

স্ত্রী : জল ? আচ্ছা, দাঁড়াও [কেউ জল চাইলে দিতে হয় এই বোধেই
যেন জল আনতে যায়। কিন্তু যায় না। ফিরে বলে]
আমাকে সরিয়ে দিচ্ছ কেন ? পালাবে বলে ?

সত্য : [হেসে ওঠে] বলেছি ত ! নিজে নিজে পালাবার উপায় থাকলে
তোমার কাছে আসতাম না। সেই কখন থেকে পিপাসা
পেগেছে ! একটু জল খাওয়াবে না ? [স্ত্রী এ ফটুকণ তাকিয়ে
থাকে সত্যর দিকে তারপর ভেতরে চলে যায়]

সত্য : আগেরই মত ? আগেরই মত নেতাদের বুলি কপুচে চলেছি ?
[স্ত্রী জল নিয়ে আসে, সত্য জল খায়।]

সত্য : বলেছ মন্দ না ! আগেরই মত নেতাদের বুলি কপুচে চলেছি।

স্ত্রী : সময় নষ্ট করবার মত সময় হাতে নেই। শোন, তোমাকে ছেড়ে
দিতে পারব না। ছেড়ে দিলে আমার চলবে না। ওঁকে খবর
পাঠাই। উনি নদী পার হয়ে জঙ্গলে গিয়ে চুকেছেন হয়ত।

সত্য : সেই ভাল। খবর পাঠাও। [স্ত্রী খানিকক্ষণ সত্যর দিকে
তাকিয়ে থাকে তারপর বলে]

স্ত্রী : একটা নিছক কৌতুহলের জবাব দেবে ? [সত্য হেসে মাথা
হেলায়] সেদিন কথা দিয়েও কেন এলে না ? [সত্য চুপ করে
থাকে] জেনে শুনে এতখানি মিথ্যে কথা আমাকে বলেছিল
কেন ? ফিরে এসে আমাকে বিয়ে করবে এ প্রতিশ্রুতি না
দিলেও তোমাকে আমি পালাবার সুযোগ করে দিতামই। এ
তুমি জানতে তবু কেন ?

সত্য : সেদিন তো মিথ্যে বলিনি !

স্ত্রী : তবে এলে না কেন ?

সত্য : আসতে পারলাম না ।

স্ত্রী : ও, পারলে না ।

সত্য : ঠাট্টা করছ ?

স্ত্রী : না । তুমি যে চমৎকার ঠাট্টাট করেছিলে আমার সঙ্গে সেই কথাটা ভাবছি । ভাবছি যে কত মেয়েকে কত কাপুরুষ এরকম কথা দিয়েছে । আর কথা ভাঙার পর বলেছে আসতে পারলাম না ।

সত্য : শোন আমার কথা । আমাদের দলে বিয়ে বেউ করত না । বলতে পার বিয়ে করার আইনই ছিল না । যার বিয়ে করেছিলো বা করতো, আমরা তাদের ছোট চোখে দেখতাম । যদিও তাদের মধ্যে অনেকেই স্ত্রীর সঙ্গে কোন সম্পর্কই রাখতো না ।

স্ত্রী : তোমার ভয় হ'ল, তোমাকে যদি ওরা ছোট চোখে দেখে ! স্বন্দর আমাকে বলার সময় সে কথাটি মনে পড়েনি কেন ? পালাবার জ্ঞান যে কোন ছলের আশ্রয় নিতে লজ্জা করেনি তোমার ? অবশ্য তোমাদের পক্ষে সেটাই স্বাভাবিক ।

সত্য : রাগ করছ কেন ? আগে শোন !

স্ত্রী : রাগ করছি কেন ? লজ্জা করেছে বলে ! আশ্চর্য সেই কথা ভেবে এখনও লজ্জা করে আমার । মা জানতেন, বাবার ভয় দেখানোকে তুমি গ্রাহ্য করবে না—বিন্দু আমাকে বোধহয় তুমি সত্যি ভালবাস, আমি সামনে গেলে আমাকে বোধহয় তুমি অস্বীকার করতে পারবে না ।

সত্য : পেরেছিলাম কি ? তোমার বাবা চলে যাবার পর—তখনও তোমার বাবার কথাগুলো কানে বাজছিল আমার : “গারেওয়ার কর ! এমন করে আমাদের সকলের আশায় ছাই দিও না । তোমার বাবার কাছে কথা দিয়েছিলাম আমি । তোমার মা

কমলার মাকে কথা দিয়েছেন। দশ বছর থেকে কমলা জানে তুমি তার স্বামী হবে। এখন এনি করে সকলের সর্বনাশ কোরো না।” এমন সময় প্রদীপ নিয়ে তিনতলার ঘরে তুমি এলে। একটা ছবি যেন দেখলাম আমি। সত্যি অপরূপ সেই ছবি। ভাগ্যিস তখনও ইলেকট্রিক হাবনি রংপুরে।

জী : হ্যাঁ। ছবিই দেখেছিলে মানুষ ত দেখোনি।

সত্য : মানুষ ? তারপর তুমি যখন বললে—তুমি তোমার বাবার মত মনে কর না যে আমি কোন অন্ডায় করছি, বরং তুমি আমার কাজে সাহায্য করতে চাও ; তখন তোমাকে মানুষের চেয়েও অনেক বড় বলে মনে হল। মনে হ’ল—যাক্ ! তারপর তুমি চলে গেলে। আর আমার কাজ হ’ল অপেক্ষা করা, কখন আবার তুমি আসবে।

জী : ভোর হ’ল।—কেউ জানল না যে তুমি তিনতলার ঘরে আছ। এমনকি দাদাও নয়।

সত্য : ঐ একটা ভালো কাজ করে ছিলেন তোমার বাবা। রাতে কি অন্ধকারই ছিল শেদিনকার রাত—চারিদিকের হৈ হৈ এর মধ্যে, বাগানের এক কোণে তোমার বাবাই টর্চের আলোতে প্রথম দেখতে পান আমাকে। দেখতে পেয়েই তোমাদের দারোয়ান, কি যেন নাম ছিল তার ?

জী : রামকানাই।

সত্য : হ্যাঁ, রামকানাইয়ের দলকে পাঠিয়ে দিলেন একেবারে উন্টো-দিকে। আর আমাকে নিয়ে এসে বন্ধ করলেন তিনতলার ঘরে। অবাক হয়ে জিজ্ঞাসা করলেন। “তুমি কবে থেকে এই দলে গেলে ? ছিঃ ছিঃ, এই কাজ কর তুমি” ওঃ আমার কি রাগ তখন—আমি তখন—যাক্গে আর কেউ জানতে পারলে বিচ্ছ

তুমি আম'কে অত সহজে বাগানের রাস্তা দিয়ে বের করে দিতে পারতে না কমলা !

দ্বী : বাবা, কিন্তু আরো গোটা কয়েক ভালো কাছ করেছিলেন।

সত্য : কি রকম ?

দ্বী : যেমন পুলিশকে বলেছিলেন, আমাদের বাড়িতে কেউ আগেনি যেমন,—সেদিন দুপুরে, এবং রাত্তিরে—ওপরেই থাকেন বললেন। বললেন শরীর খারাপ নিচে নামতে পারতেন। মা ঠাকুরের কাছ থেকে ভাতের খালা নিয়ে এলেন দোতলায়। আর সেই খালা নিয়ে আমি চলে গেলাম তিনতলার ঘরে—তোমাকে খাওয়াতে বাবার খাওয়া হ'ল না। মা-ও তাই উপোস করে রইলেন।

সত্য : এই কথাটা জানতে পারিনি তো সেদিন। এখন যদি উপায় থাকতো ক্ষম চেয়ে আসতাম তোমার বাবার কাছে।

দ্বী : বাবা মারা গেছেন।

সত্য : ও। আর মা ?

দ্বী : কানপুরে। দাদার কাছে। ইয়ে, তোমার—মা ?

সত্য : বেঁচে আছেন। জ্যাঠামশাইয়ের গলগ্রহ হয়ে।

দ্বী : উপযুক্ত ছেলে তুমি।

সত্য : তোমার কৌতুহলের জবাব দেওয়া কিন্তু এখনও শেষ হয়নি। তারপর সেই ভাতের খালা হাতে তুমি এলে।

দ্বী : তুমি বল্লে, সেইরাত্রে তোমাকে পালাতে হবেই। তানাহলে তোমার দলের ভীষণ ক্ষতি হ'য়ে যাবে। আর তার মানেই ভারতবর্ষের পরাধীনতা ঘুচেবে না।

সত্য : [ঠাট্টাটা গায়ে না মেখে] তুমি হয়ত সবটা বুঝলে না। কিন্তু কি যেন একটা বুঝেছিলে! শুধু বললে “আমার কি হবে।

বিষে করে তোমাদের বাড়িতে যায়ের কাছে রেখে যাও আমাকে কেবল এইটুকু কর আমার জন্তে।”

স্ত্রী : উঃ, সেটুকু বলতে সেদিন সে আমার—। পরে ঐ কথাটা ভেবে কত যে লজ্জা পেয়েছি।

সত্য : বিশ্বাস কর, সত্যিই সেদিন আমি মিথ্যে বলিনি। ভেবেছিলাম বিষে করেই কাজ করব। এমন কাজ করব যাতে কেউ না আমাকে ছোট মনে করতে পারে। ভেবেছিলাম নাই বা রইল আমাদের মধ্যে কোন সম্পর্ক! তুমি আমার কথা ভাববে আর আমি তোমার কথা! কল্পনা করেছিলাম। আমি যখন বনে বাদাড়ে ঘুরে বেড়াচ্ছি, কিংবা পুঁলশের তাদা থেয়ে ছুটছি—পিপাসায় যখন আমার ছাতি ফেটে যাচ্ছে,—তখন হয়ত তুমি আমার মাংসের কাছে বসে আমার গ্লান শুনছ। কোনদিন হয়ত ছোট্ট একটা চিঠি তোমাকে পাঠাতে পেরেছি। আর তুমি দুপুরে সবাই ঘুমিয়ে পড়লে—চুপি চুপি সেই চিঠি পড়তে বসেছ! কি ছেলেমানুষ যে তখন ছিলাম! কি রোমান্টিক!

[স্ত্রী যেন আচ্ছন্ন হয়ে কথাগুলো এতক্ষণ শুনছিল—শেষের কথাগুলো যেন শুনতে পাঁষ না।]

স্ত্রী : আশ্চর্য!

সত্য : কি আশ্চর্য! রোমান্টিক হওয়াই।

স্ত্রী : [সেই রকম আচ্ছন্নের মত বলে] উ? না। আমিও ঐ একই রকম ভেবেছিলাম।

সত্য : একই রকম?

স্ত্রী : আমিও কল্পনা করেছিলাম তোমার ছোটবেলার ছবি দেখছি আর গল্প শুনছি,—আর—

সত্য : আর?

স্ত্রী : শুনেছিলাম তোমাদের বাড়িতে বিরাট একটা দীঘি আছে? সে

দীঘিতে রোজ সাতার দিতে? সেই দীঘিতে আমি চান করছি! উঃ কি ছেলেমানুষই যে তখন ছিলাম।

সত্য : কি বললে?

জী : না বলছি, কি ঘোম্যাটিক ছিলাম তখন!

সত্য : হ্যাঁ, ঐ কথা বলাই ভালো! বর্তমানের সিলিক সেলফ্টা তাতে কিছু আরাম পায়।

জী : তারপর, তারপর কি হ'ল?

সত্য : তারপর তুমি তোমার মাকে গিয়ে বললে, না?

জী : সেতো জানি—মা বাবাকে বললেন। বাবা তোমার কাছে গেলেন। তুমি কথা দিলে। অবশ্য আমাদের ষড়যন্ত্রের কথাটুকু জানলেন না। কি খুদী হয়েই নেমে এলেন বাবা। মাকে বললেন প্রশান্তর কথা রেখেছে, প্রশান্তর ছেলে। তুমি আজই বেয়ানকে চিঠি লিখে দাও চলে আসতে।

সত্য : হ্যাঁ, মাকে তোমার বাবা বেয়ানই বলতেন বটে!

জী : কিন্তু তুমি কেন আর এলে না? কিংবা কোন খবর দিলে না?

সত্য : আসতে পারলাম না।—তোমার বাবার সরকার ঘেঁষা লোক বলে নাম ছিল।

জী : সরকার ঘেঁষা লোক বলেই সেদিন পুলিশ অত সহজে বাবার কথা বিশাণ করেছিলো। তা না হ'লে বাড়ি সার্চ হোত। চৌকিদার একটা লোককে আমাদের বাগানে লাফিয়ে পড়তে স্পষ্ট দেখেছিল। এবং তুমি জান। সে সত্যিই দেখেছিল।

সত্য : তা ঠিক। বাই হোক কথাটা যখন সব দলে বলেছি, ঠিক সেই সময়েই সরকারী খেতাব বারা পেয়েছিল তাদের নামের মধ্যে তোমার বাবার নামও বেরুল কাগজে। বিয়ে করবার অহুমতি যদি বা পাওয়া যেত কিন্তু রায়সাহেবের মেয়েকে বিয়ে করবার অহুমতি আমি নিজেই চাইতে পারলাম না। কারণ জানবুম তা

অসম্ভব। আমি তোমাকে জানি কিন্তু তাদের আমি কি করে বোঝাতে পারতাম।

শ্রী : ও, এমনি করেই রায় সাহেবের মেয়ের বিচার হয়ে গেল।

সত্য : আমাদের বিচারও অত সহজে কোর না কমলা। তখন আমাদের সাবধান না হ'লে চলবে কেন ? তখন দলের যা সমস্যা, বা কাজ, তার কাছে আমার বা তোমার ব্যক্তিগত স্টেটিমেন্টের দাম কি ? আর দলের প্রত্যেকের ব্যক্তিগত—স্টেটিমেন্টের দামই যদি কেবল কোন দল দিতে বসে, তবে সে দলকে দিয়ে আর যাই হোক বড় কাজ কিছু হয় না। অন্তত সে দলের মুখে “ভারত স্বাধীন করব” এ কথা সাজে না। তাই মেনে নিলাম। সে খবরটাও দিতে আসতে কিংবা পাঠাতে চেয়েছিলাম। কিন্তু আবার পুলিশ ডাড়া লাগালে। হ'ল না। যেতে হ'ল কুমিল্লায়। কোথায় রংপুর আর কোথায় কুমিল্লা। কেবল তাড়া খেয়ে, পালাতে পালাতে কথা দিয়ে যে একবছর পার হয়ে গেল। তারপর যখন এলাম সান্তাহারে মায়ের কাছে, শুনলাম তোমার বিয়ের ঠিক হয়ে গেছে। তাই রংপুর পর্যন্ত আর গেলাম না। শুটুকু কষ্ট বাচালাম আর কি !

শ্রী : [এই প্রথম নিজেকে অপরাধী মনে করে। কৈফিয়ৎ দেবার মত করে বলে] অনেক কৈদেছিলাম। বলেছিলাম—মা, আমাকে কুমারী থাকতে দাও। কত ব্রাহ্ম মেয়ে তো থাকে। বাবা বললেন আমরা ব্রাহ্ম নই। মা বললেন ১৮১৭ বছরের খেয়ালতো এটা। ও তুই ঠিক ভুলে যাব। আমি ভগবানের কাছে হতো দেব। ভগবান যেন তোকে ভুলিয়ে দেন। তখন আমার কতটুকুই বা জ্ঞান ! আমিও ভগবানকে ডাংতে লাগলাম—ভগবান, আমাকে ভুলিয়ে দাও। যার সঙ্গে আমার বিয়ে হবে তাকে যেন আমি ভালবাসতে পারি। [কৈদে ফেলে]

সত্য : পারো নি ?

জী : [মাথা নীচু করে, একটু পরে বলে] অগচ আমি জানি, পৌরুষে বুদ্ধিতে হুগরে ও তোমার চেয়ে কোন অংশে কম ছিল না। কিন্তু আমি অনবরত ওর কাছ থেকে নিজেকে সরিয়েছি। যা ওর পাওনা ছিল তা দিইনি। আর ও তাই ক্রমে ক্রমে [ঠোঁট কামড়ে একটুকুণ বসে থাকে] বিয়ের পর তোমাকে ঘেরা করতে শুরু করলাম। কত খারাপ কথা ভেবেছি তোমার সম্পর্কে। ভেবেছি তুমি স্বার্থপর, তুমি কাপুরুষ—আর তার পরেই ওকে ভালবাসতে গিয়েছি। [একটু হাসে] আর ও এখন ভালো-বাসা নিয়ে এসেছে, ছল ক'রে সরিয়েছি। দ্বিষ্টি রইল হ'ল আমার। আর ও গেল একটা—একটা খারাপ মেয়ের কাছে। এখন সম্বিত ফিরে এলো, ফেরাতে চেষ্টা করলাম ওকে। ফেরালামও, ওয়ে আমাকে সত্যিই ভালোবাসত! কিন্তু আমি মিথ্যের মুখোশ ছাড়তে পারলাম না। ও সেই মেয়ের কথা আমাকে বলতে পারলো। কিন্তু আমি বলতে পারলাম না—তোমার কথা ওকে! আমাকে খুণী করবার জগে ও কত চেষ্টাই না করতে লাগলো। আমিও যে কবে অফিসার গৃহিণী হয়ে গেছিলাম জানি না তো! সেই পার্টি, সেই ফ্যান্স্‌তার মধ্যেই একদিন দেখি বেশ দুঃখ হয়ে গেছি। তারপর বাস্তু এল। আর কিছু মনে রইল না। মনে হ'ল সংসারের সবদিক সামলাতে হবে। চাকুরীর উন্নতি চাই। লোকটাকে হাতে রাখা চাই। আর তোমার স্মৃতি রইল পলিটিক্যাল লোকদের সম্পর্কে একটা ঘেরার মধ্যে [একটু চুপচাপ]

সত্য : যদি পার আমাকে মাগ কোরো।

জী : না, না, তোমাকে মাগ করা না করার কি আছে! আমি নিজেই পারিনি নিজের মন ঠিক করতে। তোমার কি দোষ। [বাইরে

দূরে কোথাও গোলমালের আওয়াজ পাওয়া যায়। দুজনেই সচকিত হয়ে ওঠে]

সত্য : কাউকে ডাক। তোমার স্বামীকে খবর দিক। খামাকা অন্ধকারে হয়ত নদীর ওপারে আমাকে খুঁজে বেড়াচ্ছেন। কি হ'ল? খবর পাঠাও? এই সময়ে নদীর ওপারে সাপের উৎপাত কিন্তু খুব বেশী। কৈ ডাক কাউকে!

স্রী : না, তুমি এই সামনের গেট দিয়ে বেরিয়ে যাও [জুত গিয়ে সেই দিকটা দেখে আসে।] সামনে ঠিক একুশি কেউ নেই। যে বয়রাটা ছিল, গোলমাল শুনে বোধহয় নদীর দিকে চলে গেছে। তুমি বেরিয়ে পড়। দেরি করোনা। কি হ'ল? বলছি সামনে কেউ নেই! এমন কি, তুমি স্টেশন পর্যন্তও চলে যেতে পার।

সত্য : হঠাৎ মত বদল হ'ল কেন? ছেড়ে দিতে চাইছ কেন? হঠাৎ

স্রী : কেন? আমি ঠিক বলতে পারবো না, কেন। কিন্তু এটাই করা উচিত বলে মনে হচ্ছে।

সত্য : আজকের উচিত কাল আবার ভুল বলে মনে হবে। তখন? তখন কি করবে? তোমার ছেলের, তোমার স্বামীর, তাদের কী হবে? কোঁকের মাথায় একাজ তুমি করো না।

স্রী : আমি অত ভাবতে পারছি না। কেউ জানবার আগে তুমি চলে যাও।

সত্য : নাঃ, আর তা হয় না।

স্রী : নিজে ফাঁসিকাঠে ঝুলে আমার উপকার করে যাবে?

সত্য : না, তাও ঠিক নয়। কমলা, আমি মুক্তি চাই না। মনে মনে অনেকদিন থেকেই আমি ক্লান্ত হয়েছিলাম, আজ তোমার ঐ একটা কথায় চমক লাগল আমার—আগেরই মত মেতাদের বুলি কপটে চলেছি!—সত্যিই তাই। নিজে আর ভাবতে পারি না।

তাই অঙ্কের মত যে কোন কাজ নিয়ে ঝাঁপিয়ে পড়ি। কিন্তু সকল হয়েছি কটা আয়গায়? আজ সাঁইত্রিশ বছর বয়স হয়ে গেল। কি করতে পেরেছি আমি? কতটুকু? এমন পলিটিক্স করি অভ্যাসে। হয়ত আর কোন কাজ করবার যোগ্যত নেই বলে। আমার মত একটা লোক চলে গেলে। হয়ত বিশেষ ক্ষতি হবে না। সরকারের কাছে আজ আমার যে দাম আমার দলের কাছে তো আমার সে দাম নেই; আমি তো জানি। আজ আমাকে ওরা সহ্য করে। এই তল্লাটে আমার প্রতিপত্তি একদিন ছিল বলেই ওরা আমাকে এখানে পাঠিয়েছে, নইলে দলের বড় বড় মিটিং-এ ডাকেও নাতো আমাকে। আমাকে জিজ্ঞাসা করে না কিছু। খালি হুকুম করে। আর আমি কাজ করি। সেই কবে একবার হুকুম মানা অভ্যেস করেছিলাম, তাই এখনও মানি, অভ্যাসে মানি!

শ্রী : আমি বিশ্বাস করতে পারছি না। তুমিতো এত অকাজের ছিলে।

সত্য : কি জানি। ছিলাম নিশ্চয়ই। না হলে হলাম কেমন করে? যদি তোমারও একটু উপকার হয়। তাহলে মন্দ কি?

শ্রী : তোমার ফাঁসিকাঠের ওপর আমার উপকার হয়ে কাজ নেই। এত আমার উপকার হবে না। কেবল এক অশান্তির সমুদ্র থেকে আমাকে আর এক অশান্তির সমুদ্রে ঝাঁপ দিতে হবে। না, তা আমি চাই না। আমি চাই না।

সত্য : শুধু তোমার উপকারই বা কেন? এই যে ঘটনাটা ঘটে গেল এরপর এখান থেকে বেরিয়ে গিয়ে আমি কি ঠিক আগের মতই কাজ করতে পারবো? আমার সম্মেহ হচ্ছে। আর তা যদি না পারি। তবে এই বিভক্ত মনটা নিয়ে—আমিতো দলের বোঝা হয়েই থাকবো। তাতে লাভ? তার চেয়ে এটা একটা

বেশ বীরোচিত সমাপ্তি হবে! (হাসে) আর, তাছাড়া যে দারোগার চার্জে আমি ছিলাম তার চাকরীও তো যেতে পারে।

স্ত্রী : যেতে পারে না, সত্যি যাবে। কিন্তু—

সত্য : বড় ভালোমানুষ ঐ সাহা। সত্যি ওর দারোগা হওয়া উচিত হয়নি। ও অত ভালো না হলে আমি পালাতে পারতাম না। ছুপ্পুরে যখন বাড়ি যাচ্ছে তখন বললে, “আমার স্ত্রীর খুব অসুখ, আমি একটু বাড়ি যাচ্ছি।” যেন আমি ওর ওপরওয়লা। তারপর রসিকতা করে এও বলেছিল—“পালাবেন না যেন! তাহ’লে আমি জানে প্রাণে মরব।” তবু আমি পাললাম। [বাইরের দিক থেকে যেন কার পায়ের শব্দ শোনা যায়। সত্যপ্রিয় উঠে যেন অভ্যাস বশতই একটু সরে যায় দরজার আড়ালে। প্রবেশ করে সাহা! শূণ্য দৃষ্টিতে তাকিয়ে থাকে তারপর বলে—]

সাহা : আপনাকে একটা কথা বলতে এসেছিলাম,—মানে—[ভিতর দিক থেকে কালোর মার গলার আওয়াজ পাওয়া গেল—
“দিদিগো সর্বনাশ হ’ল দিদি, ছোট দারোগার বৌ মারা গেল।”
বলতে বলতে ঢুকে পড়েই থমকে দাঁড়ায়] ঐ কথাটাই বলতে এলেছিলাম আমি। তার সাথে আরো একটু কথা আমার—আমার আর চাকরির দরকার নেই। শুধু আপনার বাড়ির কোন চাকরকে দিয়ে যদি ছেলেদের ক্লাবে একটা খবর পাঠান,—মানে, ওকে তো খাশানে মানে—আমি বাড়ি যাই, ও একলা আছে। [এমন সময়ে কালোর মার চোখ পড়ে সত্যপ্রিয়র দিকে। অস্ফুট চীৎকার ক’রে ওঠে। কালোর মার চোখ অঙ্গসংরক্ষণ করে। সাহা সত্যপ্রিয়কে দেখে]

সাহা : সেই ধরা দিলেন, একটু আগে যদি দিতেন—মানে তাহলে ওকে

একলা মরতে,—মানে—ও হয়ত শেষ সময়ে কিছু বলতে চেরেছিল—(চলে যায়)

সত্য : কত সহজে মরা। অথচ—

স্ত্রী : কিন্তু তুমি পালাও—[হাত ধরে]

সত্য : না খবর পাঠাও। কেন অনর্থক দেয়ি করছ ?

[স্ত্রীর চোখ পড়ে কালোর মার দিকে। উপলব্ধি করে কালোর মার সামনেই সে আগন্তুককে তুমি বলেছে, হাত ধরেছে। কৈকি-রত্নের ভক্তিতে বলে]

স্ত্রী : মনে পড়ছে তোমার কালোর মা ? রংপুরের বাড়িতে একবার দেখেছিলে ?

কালোর মা : কে ? [একটু কাছে এগিয়ে যায়।] সত্যদাদা ? তাই বলি। বললাম না তোমারে দিদি। দুধআলাটা বলতেছিল, গরীবের পরে খুব টান ! আমারে চিন্তি পারতিছ ?

সত্য : হ্যাঁ পারছি। কিন্তু তোমার সাহেবকে খবর দাও। বল যে—

স্ত্রী : না, তুমি পালাও [অপ্রকৃতিস্থর মত বলে] কালোর মা। একথা কাউকে যেন বোল না।

সত্য : ব্যস্ত হচ্ছ কেন ? আমার যে ফাঁসী হবেই। এটা নিশ্চিত ব'লে ধরে নিচ্ছ কেন ? হলই না হয় কিছুদিন স্ত্রীঘর বাস। ভালোই তো। বিশ্রাম হবে একটু।

স্ত্রী : না, না, তা হয় না। ওকে আমি কি বলব ? না না, সে হবে না। তুমি যাও। কালোর মা, আমার ঘর থেকে টর্টটা নিয়ে এসো। [কালোর মা ভিতরে যায়]

সত্য : [অবাক হয়ে] তুমি হঠাৎ এরকম ব্যবহার করছো কেন ? আমি কিছু বুঝতে পারছি না।

স্ত্রী : [সত্যর হাত ধরে] তোমার পায়ে পড়ি, তুমি যাও। তোমাকে

এখন কালোর মা চিনে ফেলেছে। আর তো আমি ওকে বানিয়েও কিছু বলতে পারবো না।

সত্য : [জীৱ কাঁধে হাত রাখে] এরকম করছ কেন ? কি বানিয়ে বলবে ?

জী : দোহাই তোমার, কিছু জানতে চেও না। তুমি চলে যাও। তোমার পায়ে পড়ি [ঠেলতে থাকে দরজার দিকে] সাহা তোমাকে দেখে গেছে, আর সময় নেই। [সত্য ওর কাঁধ ধরে ঝাঁকুনি দিয়ে বলে] : “কমলা [এই কথার মাঝখানে স্বামী বাইরের দরজা দিয়ে ঢুকে দাঁড়ায় ওর হাত ধরা অবস্থাতেই ফিরে তাকায়]

স্বামী : [ঢোক গিলে, যেন যন্ত্র চালিতের মত বলে] সাহা খবর দিলে ও নাকি আত্মশ্রমর্পণ করতেই এসেছি।

স্বামী : [দুজনেরই দিকে তাকায় কিন্তু আপনি, উর্মি, আমি ঠিক

সত্য : উর্মি ?

স্বামী : [আঙুল দিয়ে জীৱ দিকে দেখায়] আমার জী ! [তাকিয়ে থাকে জীৱ দিকে, কি যেন বোঝে কালোর মা টর্চ নিয়ে আসে] কালোর মা, একগ্লাস জল আনো তো। বহ্নন নিরবধিবাবু উর্মি, আর বোধ হয় এগুলোর দরকার নেই। তুলে রাখ [বেটপুঙ্ক, রিডলবারটা জীৱ হাতে দেয়] দাঁড়িয়ে রইলেন কেন নিরবধি বাবু, বহ্নন ? [দুজনেই ছুটো চেয়ারে বসে] আপনিই কি ?

সত্য : সত্যপ্রিয় মুখার্জী।

স্বামী : না, আমি বলছি, আপনি উর্মিকে চিন্তেন ? [জী ভেতরের দরজার কাছে থমকে দাঁড়ায়। তারপর ভেতরে চলে যায়।]

সত্য : হ্যাঁ, ছোটবেলার আলাপ। ওর বাবা আর আমার বাবাতে খুবই বন্ধুত্ব ছিল।

স্বামী : হ্যাঁ, তাই শুনেছি। তাই আপনার আত্মসমর্পণের ব্যাপারটা উর্মি ঠিক সহ করতে পারছিল না। আপনাকে পালিবে যেতে বলছিল তো বার বার। বেচারী।

সত্য : কমলার মনটা বহাবরই একটু নরম কিনা।

স্বামী : হ্যাঁ, আমারও তাই মনে হয়েছে। আর আপনি তো ছোটবেলা থেকে দেখেছেন। বেশীই জানবেন। আচ্ছা, আপনি তো প্রথম জীবনে আনারকিস্ট ছিলেন, না?

সত্য : আপনার রিপোর্টে-তো সব কথাই আছে অরুণবাবু এবং ডিটেল-এই আছে। আবার কেন জিজ্ঞাসা করছেন?

স্বামী : নাঃ, সব কথা কি আর রিপোর্টে থাকে সত্যবাবু। থাকে না। কত কথা জানতে হবে এখন?

সত্য : তার মানে?

স্বামী : উর্মির মনটা সত্যিই নরম। আরেকবারও তো গুদর বাড়ি থেকে আপনার পালাবার ব্যবস্থা উর্মিই করে দিয়েছিল তাই-না?
[ভতরের ঘর থেকে গুলির আওয়াজ আসে। কালোর মা জ্বল নিষে এগেছিল, গ্লাস প'ড়ে যায় তার হাত থেকে। সত্য আর স্বামী ভেতরে ছুটে যায়। কালোর মা দরজার কাছে গিয়ে কি দেখে চীৎকার করে মুখ ঢেকে ফেলে। একটু পরে স্বামী ও সত্য বেরিয়ে আসে।]

স্বামী : কালোর মা, ইসমাইলকে বল ডাক্তারবাবুকে নেন খবর দেয়। খুলি উড়ে গেলে কেউ বাঁচে না ভবু ডাক্তারকে তো খবর দিতেই হবে। [কালোর মা চলে যায়। বাইরে অনেক পাথের শব্দ আর গুগুন শোনা যায়, দরজার কাছে এগিয়ে গিয়ে স্বামী বলে।]

স্বামী : না, ভেতরে আসতে হবে না কাউকে। বান চলে যান সবাই।

যহাদেব, বাগানের এদিকে কেউ যেন না আসে। বহ্নন
সত্যবাবু!

সত্য : ঔ্যা ? হ্যাঁ

স্বামী : কিন্তু কেন ? কেন ও একাজ করলো ? এত তাড়া করলো
কেন ? আমি আপনাকে তো ছেড়েই দিতাম।

সত্য : বহ্নন অরুণবাবু, একটা গল্প বলি আপনাকে। হ্যাঁ গল্পই। আজ
এটা গল্প। যে গল্প আপনার ঘিপোটে নেই সেই গল্প।

[স্বামী একটা চেয়ারে বসতে থাকে। পর্দাও নেমে আসে]

ইদুর

নাটকের চরিত্রালিপি

ডাক্তার অমল চৌধুরী ।

অগ্নাথ (চাকর) ।

জনৈক ভদ্রলোক ।

হালিম ।

হরি ।

১ম ভদ্রলোক ।

২য় ভদ্রলোক ।

শিষানী ।

ডাক্তারের মা ।

বস্তিবাসী আরও অনেক লোক ।

ই'দুর

[ডাক্তারের বাড়ির একতলায় ডাক্তারের চেম্বার। সুপ্রতিষ্ঠিত ডাক্তার অমল চৌধুরী। প্রতিপত্তি হয়েছে, পরিশ্রম হয়েছে, আর বয়সও হয়েছে কিছু। একজন রোগীর প্রেসক্রিপশন লিখে দিলেন, সে চলে গেল। স্নিপগুলো দেখলেন। খাস চাকর জগন্নাথ পেছনে এসে দাঁড়াল।]

ডাক্তার : আর ক'জন আছে ?

চাকর : তা জনা চারেক।

ডাঃ : কাল আসতে বল্‌সবাইকে, শরীরটা ভাল নেই। ভাল লাগছে না।

[চাকর বেরিয়ে যায়। ডাক্তার উঠে দাঁড়ায়। ড্রয়ার থেকে টাকা বের করে। অনেক টাকা। চাকর ফিরে আসে।]

চা : সেই ছবিওয়ালা এসেছে।

ডাঃ : কে ?

চা : সেই যে বৌদিমণির ছবি করবে বলে নিয়ে গিয়েছিল।

ডাঃ : ও। তা ছবি নিয়ে এসেছে ?

চা : এঁজো। হ্যাঁ

ডাঃ : আসতে বল্‌।

[চাকর বেরিয়ে যায়। ডাক্তার টাকাগুলো পকেটে রাখে। চাকর ও ভদ্রলোক ঢোকে। একটা বেশ বড় সাইজের অয়েল পেন্টিং চাকর বয়ে নিয়ে আসে। রাখে। আবার ষ্ঠদিক দিয়ে এসেছিল সেদিক দিয়ে বেরিয়ে যায়।]

ভদ্রলোক : নমস্কার স্যর। আপনায় অয়েল পেন্টিংটা

ডাঃ : বিলটা ?

ভদ্র : এই যে স্যর !

ডাঃ : (বিলটা দেখে) প্রসাদবাবুকে বল্লবেন কাল পাঠিয়ে দেব।

ভদ্র : একবার দেখবেন না স্ত্র ? প্রসাদবাবু নিজে আসতে পারলেন না বলে আপনাকে বার বার বলতে বলে দিয়েছেন ! ছবিখানা একবার দেখলে আপনি বুঝতে পারবেন প্রসাদবাবুর হাত ।

ডাঃ : অত বড় আর্টিস্ট ভাল হাত তো হবেই !

ভদ্র : খুলে দেব স্ত্র দেখবেন ? আপনার মনে হবে উনি যেন জীবন্ত হ'য়ে আপনার সামনে দাঁড়িয়ে আছেন ।

ডাঃ : আমার সময় হ'লেই আমি দেখব ।

ভদ্র : না, মানে কি জানেন ! অতীতটা মানে যে অতীতটাকে মানুষ ভালবাসে, তাকে তো চায়, ভুলতে তো চায় না মানুষে ।

ডাঃ : এঁটা ? না, সব সময় তা হয় না !

ভদ্র : হ্যাঁ হ্যাঁ, ক্ষেত্রবিশেষে তা হয় না । এই ধরন না—সব সময় মানুষ কিছু অতীত ধরে বসে থাকতে পারে না । বিশেষ করে,—যারা কর্মবীর, যাদের—

[চাকর এসে ঢোকে, ডাক্তার ভাড়াভাড়ি]

ডাঃ : কি জগন্নাথ ?

জগ : বাবু একজন মেয়েছেলে—বলছে আপনার সঙ্গে তার ভারী দরকার ।

ডাঃ : দরকার ?

জগ . আমি অনেকবার বললাম যে আজ আর তিনি—

ডাঃ : নিয়ে এস । (ভদ্রলোককে) আপনি তাহলে আনুন !

ভদ্র : (উঠে) আচ্ছা তাহলে প্রসাদবাবুকে তাই-ই বলব যে আপনার খুব পছন্দ হয়েছে—আচ্ছা নমস্কার !

ডাঃ : নমস্কার !

[একটি গরীব স্ত্রীলোক চাকরের সঙ্গে ঢোকে । ঘোমটা দেওয়া, আজকালকার তুলনার ঘোমটাটা একটু বেশী মনে হয় । স্ত্রীলোকের পরনে

কালো শাড়ী। চাকর আবার বাইরের দিকে চলে যায়। ডাক্তার একটু ইতস্তত করে বলে]

ডাঃ : বসুন ঐ চেয়ারটার।

[জীলোকটি বসে না]

ডাঃ : কি, কি দরকার আপনার ?

[জীলোকটি এবার ঘোমটাটি খানিকটা তুলে দেয়।]

ডাঃ : কে কে তুমি ?

জী : ভাল করে দেখ।

ডাঃ : তুমি !! কোথা থেকে এলে তুমি ? একি দশা হয়েছে তোমার ?
কি করে তোমার এ অবস্থা হ'ল ?

[ক্লান্ত জীলোকটি একটু হাসবার চেষ্টা করে]

জী : এর চেয়েও খারাপ অবস্থার লোক আছে !

ডাঃ : বোস বোস। ভাল করে তোমার দিকে দেখতে দাও !

[এইবার জীলোকটি একটা চেয়ারে বসে]

ডাঃ : কি করে, কি করে তোমার এই অবস্থা হল—আমি বুঝতে পারছি না। কেন কেন তুমি এমন করে নিজের কতি করলে ?

জী : আমি করলাম কে বললে ?

ডাঃ : তুমি করলে না তো কে করলে ? কেন তুমি তখন বিয়ে করতে রাজী হ'লে না ? কেন তুমি—

জী : আমি তোমার কাছে এসেছিলাম একটা দরকারে !

ডাঃ : এড়াতে চাচ্ছ ? কিন্তু না আজ তোমাকে বলতেই হবে। কেন সেদিন তুমি বাড়িতে ছিলে না ! কেন ঠিকানা না জানিয়ে বাইরে চলে গিয়েছিলে ! কেন ?

জী : আমার দরকারটা শুনবে না ?

ডাঃ : শুনব, নিশ্চয় শুনব। কিন্তু তুমি কথা দাও আমাকে বলবে সব।
কথা দাও।

স্ত্রী : সে গল্প শুনে এখন কি হবে ?

ডাঃ : গল্প ?

স্ত্রী : তবে কি ইতিহাস ?

ডাঃ : উ ? হ্যাঁ তাই। আমাকে জানতে হবে কোন্ ঐতিহাসিক
কারণে আমার ভাগ্যের ঢাকা ঘুরে আমি বড়লোকের মেয়ে বিয়ে
করে বিলেত ফেরত ডাক্তার হলাম,—আর, আজ। এই রাত্তিরে
অসম্ভব দারিদ্র্যের চিহ্ন বহন করে তুমি আমার কাছে এসেছ
একটা ‘দরকারে’। কেন ?

স্ত্রী : তুমি যে বড়লোক ! তুমি যে ডাক্তার।

ডাঃ : ওঃ। কিন্তু বুঝতে পারছি না তোমার কথা, বড়লোক বলে
এসেছ না ডাক্তার বলে ?

স্ত্রী : বড়লোক বলেও আবার বলতে পার ডাক্তার বলেও।

ডাঃ : এখনও সেই হুঁয়ালি ক’রে কথা বলবার স্বভাবটি ত’ যায়নি !

স্ত্রী : (একটু হেসে) কথায় বলে না স্বভাব যায় না মলে।

ডাঃ : ওঃ তাহলে তোমার স্বভাবের তলায় জীবনের ইতিহাস চাপা
পড়ল ! বেশ বল, কেন এসেছ তাই বল !

[স্ত্রীলোকটি কি বলবে কি দিয়ে শুরু করবে যেন বুঝতে পারে না। একটা
অসহায়ত্ব পেয়ে বসে তাকে]

ডাঃ : আজ পনের বছর পরে এসেও তোমার যখন আমার সম্পর্কে
একটা কথাও জিজ্ঞাসা করবার ইচ্ছা হ’ল না, বা তোমার—

স্ত্রী : বাঃ তোমার কথা শুনা মাঝে মাঝে কাগজেই দেখতে পাই।

ডাঃ : কাগজ পড় ?

স্ত্রী : হ্যাঁ যেদিন পাই। কিনতে তো পারি না। এত ব্যাজে খবর

দেয়। তার চেয়ে তোমার কথা আর একটু বেশী করে দিলেই পারত।

ডাঃ তার মানে বেশ খুঁটিয়েই কাগজ পড় আজকাল তাহলে? আমার খবর তো কাগজের এমন জায়গায় থাকে না যে খুলেই চোখে পড়বে।

শ্রীঃ সেই জগ্রেই তো খুঁটিয়ে পড়ি! কিছুদিন আগে তোমার হাসপাতাল প্রতিষ্ঠার খবর পড়লাম। মাসীমা মানে তোমার মায়ের নাম কি উমাস্বন্দরী ছিল?

ডাঃ না, আমার শান্তদীর নামেই হাসপাতালটা হয়েছে। উমাস্বন্দরী আমার শান্তদীর নাম।

শ্রীঃ ওঃ উনি মারা গেছেন নাকি? চমৎকার দেখতে ছিলেন না?

ডাঃ তার মানে? তুমি তাঁকে দেখেছ? তুমি তাঁকে চিনতে?

শ্রীঃ (ব্রহ্মে) বাঃরে আমি তাঁকে কি করে চিনব! ইঁা আমি যে জগ্ন এসেছিলাম!—আমি—

ডাঃ দাঁড়াও! তবে তুমি কি করে জানলে যে তিনি চমৎকার দেখতে ছিলেন?

শ্রীঃ কেন? কাগজে ছবি বেরিয়েছিল যে!

ডাঃ ছবি? কোন কাগজে?

শ্রীঃ কি জানি! প্রায় একবছর আগের কথা! এতদিন বাদে কি তা মনে থাকে? তাছাড়া আজ এর কাছ থেকে কাল ওর কাছ থেকে কাগজ চেয়ে পড়ি! সকলে তো আর এক কাগজ রাখে না!

ডাঃ কিন্তু নাঃ। কোন কাগজের লোক তো ছবি নিয়ে গেছে, বা তাদের ছবি পাঠান হয়েছে বলে মনে পড়ছে না!

শ্রীঃ তোমার মনে নেই হয়তো।

ডাঃ : তুমি মিথ্যে বলছ ছবি তুমি দেখনি !

শ্রী : তাই হবে !

ডাঃ : ঠিক আর একদিন যেমন চিঠি লিখেছিলে !

শ্রী : কোন্ চিঠি ?

ডাঃ : সেই কলকাতা থেকে পালিয়ে গিয়ে, যে টাকার তোমার খুব দরকার তাই—

শ্রী : (একটু যেন আনন্দে) সে চিঠি তুমি বিশ্বাস করনি ?

ডাঃ : না করিনি, করতে পারিনি ! লোক চিনতে অত ভুল করি না আমি ! আর আমি যে ভুল করিনি তার প্রমাণ আজকের তোমার এই অবস্থা । টাকার জন্তেই যদি আমাকে বাতিল করেছিল তাহলে আজ তোমার এই অবস্থা কেন ?

শ্রী : ভাগ্যে হ'ল না যে !

ডাঃ : কেন, কেন ভাগ্যে হ'ল না ? সে কথা জানবারই তো কৌতূহল আমার । বল—কেন হ'ল না ?

শ্রী : পুরো পনের বছরের ইতিহাসের সংক্ষিপ্তসার বলতে গেলেও যে রাত পুইয়ে যাবে ।

ডাঃ : বেশ তো—পোহাক ।

শ্রী : খুব সাহস যে ! কিন্তু না ওসব বাজে কথা ছাড়ো । হ্যাঁ শোন—আমাকে কিছু টাকা দিতে পার ?

ডাঃ : টাকা ? তুমি কি টাকার জন্তে আমার কাছে এসেছ ?

শ্রী : (হেসে) তবে কি এতদিন পরে তোমার ভরা সংসার ভাঙতে এসেছি ।

ডাঃ : ঠাট্টা কোর না ।

শ্রী : তুমি আমার কথা মন দিয়ে শুনছ না কেন ? বললুম না তুমি বড়োলোক বলে তোমার কাছে এসেছি !

ডাঃ : ওঃ। কত টাকার দরকার ?

স্ত্রী : কত ? এই—এই একশো।

ডাঃ : কোথায় থাক তুমি ?

স্ত্রী : টাকা দেবে না ? (হাসে) আমার কিন্তু খুব দরকার। না হ'লে
ভীষণ বিপদে পড়তে হবে।

ডাঃ : টাকাটা ফেরত দেবার জন্তে কোন ঠিকানায় ভাগাদা করব ?

স্ত্রী : তুমি নিজে যাবে ভাগাদা করতে ?

ডাঃ : যাব।

স্ত্রী : সর্বনাশ !

ডাঃ : কেন ?

স্ত্রী : লোকে তোমার দুর্নাম করতে পারে !

ডাঃ : কেন ?

স্ত্রী : আমার যে দুর্নাম আছে গো !

ডাঃ : শিবানী !

স্ত্রী : না পারুল। আমার নাম এখন পারুল।

ডাঃ : কি হেঁয়ালি করে কথা বলছ শিবানী ? যারা জ্যোচ্চোর তাদের
নাম পার্টাবার দরকার হয় কিন্তু—

শি : বিশ্বাস করতে প্রবৃত্তি হচ্ছে না ? সত্যি তাই। আমার বৃত্তির
সঙ্গে শিবানী নামটা নিজের কানেই বড় বাজতে লাগল তাই—

ডাঃ : শিবানী !

শি : টাকাটা একেবারে দিয়ে দিতে পার না ? একেবারে ? ধারের
জন্তে তোমার কাছে আসিনি। আমি বড় ক্লান্ত। আমাকে খুব
তাড়াতাড়ি এখান থেকে চলে যেতে হবে।

ডাঃ : কোথায় তোমার বাড়িতে ?

শি : বাড়ি আমার নেই। একটা ঘর ছিল সেটাও আজ—

ডাঃ : কি ? সেটাও আজ ?

শি : ছেড়ে দেব কিনা ভাবছি।

ডাঃ : ভাড়া বাকী পড়েছে ?

শি : উ ? হ্যাঁ।

ডাঃ : আচ্ছা একটা কথায় জবাব দাও। এরকম টাকার দরকার তোমার নিশ্চয়ই আরও হয়েছে—এবং টাকা দেবার লোকও নিশ্চয়ই ছিল। তাহলে আজকে এক যুগ পরে আমার কাছে আসবার দরকার পড়ল কেন ?

শি : আজ আর কেউই নেই যে। আজ বিপদে প’ড়ে যখন মনের মধ্যে হাতডাতে লাগলাম তখন দেখলাম তুমি ছাড়া আর আমার কেউই নেই।

ডাঃ : বিষে করনি তুমি ?

শি : হ’বে উঠল না।

ডাঃ : বুঝতে পারছি সেই চাকরি তোমার নেই। তোমার সংসারে এখন কে কে আছে ?

শি : সংসার ? একা একা সংসার হয় নাকি ?

ডাঃ : তোমার বোনরা ? ছোট ভাই ?

শি : জানি না। ভালই আছে বোধ হয়।

ডাঃ : তার মানে তারা তোমার কোন খোঁজ নেব না ? তাদের না তুমি মাহুষ করেছিলে ?

শি : কিন্তু তারা যে জেমে ফেলল তাদের মাহুষ করবার জন্তে আমাকে চরিত্রভ্রষ্ট হ’তে হয়েছে।

ডাঃ : ভাল মাহুষ হয়েছে তারা !

শি : হ্যাঁ, ওরা ভালো মাহুষ। কোনরকম ঝামেলা বহন করবার ক্ষমতাও ওদের নেই।

ডাঃ : কিন্তু তারপর ? তারপর কি করলে ?

শি : ডাক্তারী পড়েছিলে না ওকালতী ?

ডা : বলবে না ?

শি : শুনবে ? —তারপর —তারপর —দেখলাম মনের কতকগুলো সংস্কার কাটিয়ে ফেললে এই কলকাতা শহরে স্ট্রীলোকের ঝগড়া-পরায় কোন কষ্ট হয় না। অন্ততঃ প্রথমটায়। প্রথমে জোটে অ্যাড্‌ম্যারার, তারপর মালিক, তারপর অনেক মালিক—তারপর—

ডা : চুপ কর।

শি : এই দেখ, তুমিই তো জানতে চাইলে।

ডা : কি তোমাকে বলব বুঝতে পারছিনে। কিন্তু শিবানী এর জন্তে তুমি নিজেই কি দায়ী নও ? কেন তুমি আমাকে সেদিন প্রত্যাখ্যান করলে ? না হলে আজ এই সংসার তো তোমারই হবার কথা ?

শি : না :। সে তাহলে হয়তো সেই গরীব ছোট, হয়তো সরকারী ডাক্তারের সংসার হ'ত। বড়লোক বিলেত-ফেরত ডাক্তারের হ'ত না ত !

ডা : ও :। তাহলে সত্যি !

শি : কি সত্যি ?

ডা : আমার টাকা ছিল না ব'লে তোমার মন ওঠেনি। গরীব হবু ডাক্তারকে ভালবাসতে পারনি।

শি : ভালবাসতে পারিনি ?

ডা : হেঁয়ালি কোর না। আমি জানি তোমার অভিভাবক তুমি নিজে ছিলে। আর আমি জানি যে তোমার দিক থেকে কোন বাধা ছিল না। তাহলে ? স্বীকার কর যে তোমার মনে বিধা ছিল। সেটা কি সেই টাকার জন্তেই ?

শি : টাকার শেহনেই তো এতদিন ছুটে বেড়লাম।

ডা : অথচ আজ তোমার এই অবস্থা। এর দায়িত্ব কি সম্পূর্ণ তোমারই নয় ?

শি : আমি কি একবারও বলেছি যে আমার এই অবস্থার জন্তে আমি দ্বিধিত ?

ডা : তুমি দ্বিধিত নও ?

শি : না।

ডা : তোমার বিবেক নেই ? যে জীবন-যাপন করছ তুমি—তোমার অন্ততাপ হয় না ?

শি : তুমি কি ক্রিস্টিয়ানিটি প্রিচ করছ ? আমাদের বস্তুতে মাঝে মাঝে ওরা এইরকম সব কথা বলতে আসে।

ডা : তুমি কি বস্তুতে থাক ? তুমি কি—

শি : বস্তির বেঞ্ছা।

ডা : শিবানী !! ... তবু তুমি বলবে, তুমি দ্বিধিত নও।

শি : না নই।

ডা : তুমি নির্লজ্জ।

শি : লজ্জা স্ত্রীলোকের ভূষণ—বেঞ্জার নয় ! ওটা তোমার স্ত্রীর জন্তেই তোলা থাক। বেঞ্জার লজ্জা করলে চলে না !! আচ্ছা যাই !

(উঠে দাঁড়ায়)

ডা : দাঁড়াও ! টাকা নেবে না !

শি : (গলাটা খুব ক্লান্ত আর পাতলা শোনায়ে) না থাক।

ডা : একটা কথা জেনে রেখ বানী, শুদ্রলোকের স্ত্রীদের হিঙ্গ্রন করলেই তোমার গৌরব কিছু বাড়ে না বা অপরাধের পরিমাণ কম হয়ে যায় না।

শি : অপরাধ ? তুমি—তুমিও আজ এই কথা বলবে ? অথচ জান কি—যে তোমার জন্তে—

ডাঃ : নিজেকে দেবদাসের মেয়ে সংস্করণ তৈরী করলে ?

শি : কথাটা মন্দ বলনি। দেবদাসের মেয়ে সংস্করণ ! (একটু আনমনা হ'য়ে যায়) দেবদাস শ্রীকান্ত, ঘরেবাইরে, আরও কত—
একদিন আমিও পড়েছিলাম না ? (হাসে) আমি ত' খবর রাখি না। তুমি কি এমন কোন শরৎচন্দ্রের কথা জান—যিনি দেবদাসীর গল্প লিখবেন বা লিখতে পারেন ?

ডাঃ : (একটু অভিভূত) বাণী, তোমাকে আমি আঘাত করতে চাইনি।

শি : (আনমনা ভাবেই) কেন চাওনি ? ভালই তো !! তবু তো মনে পড়ে গেল ! আমি তো শরৎবাবু রাববাবু সব ভুলেই গিয়েছিলাম। ঠিক মনে করিষে দিখেছ। বই কিনে নিয়ে গেলে হত। সে দেশে যত পাওয়া যাবে না।

ডাঃ : কেন তুমি কোন্ দেশে যাচ্ছ ?

শি : আচ্ছ। এত রাজে কি বইয়ের দোকান খোলা থাকে ?

ডাঃ : (একটু চেয়ার শিবাণীর দিকে ঠেলে দেয়) শিবাণী, বোস। আমার মনে হচ্ছে তুমি প্রকৃতিস্থ নও।

শি : (মুখটা কঠিন হয়ে ওঠে—সমস্ত পৃথিবীর ওপর যেন অভিমান)
না আমি প্রকৃতিই সুস্থ ! আমি যেখানে থাক সেখানে আমি বেমানান নই। আমি যেখানে যাব সেখানে আমি বেমানান হব না। তোমাদের মতই আমার কিবা এসে যায়—আচ্ছ। ডাক্তার সাহেব চলি !

ডাঃ : না দাঁড়াও ! টাকা নিয়ে যাও।

শি : থাক দরকার নেই।

ডাঃ : কিন্তু সেই জন্তেই কি তুমি আস ন ?

শি : না—সবটাই তাই নয় ! ওই কথাই তোমাকে বলা সহজ ছিল তাই বলেছি।

ডাঃ : তবে কি জন্তে এসেছিলে ? বল । না বলে তুমি এখান থেকে যেতে পারবে না । বল ।

শি : তোমাকে দেখবার দরকার ছিল ! (একটু ভিক্ত হার্সি আসে মুখে) আমার পক্ষে দরকার ছিল । দেবদাসের যেমন মরবার আগে পার্বতীকে একটাবার দেখবার দরকার পড়েছিল, সেই রকম আর কি ! দেখা গেল দেবদাস বেচারার আমার চেয়েও দুর্ভাগা ।

ডাঃ : তুমি কি মরতে যাচ্ছ ?

শি : বালাই ষাট । আমি মরতে যাব কোন ছুঁতে । ঠাট্টা বোঝ না ? দেবদাসের বথ তুমি তুললে , শুনতে ভাল লাগবে বলে বললাম কথাগুলো ।

ডাঃ : কিন্তু কোথায় যাচ্ছ তুমি ?

শি : তোমার তা জেনে তো কোন দরকার নেই । যাবার আগে একটা চেনা লোককে—একটা ভাল লোককে দেখতে এসেছিলাম—তা আমার ভুল ভাঙল । এবার তোমার ভুলটা শুভে দিয়ে যাই

ডাঃ : ভুল ?

শি : হ্যাঁ । আমার কথা মাঝ পথে থামিয়ে দিয়ে আমাকে মেয়ে দেবদাস বলে বিজ্ঞপ করলে তুমি । এবং তার পরেই দেখলাম আমার জন্তে তুমি করুণা অনুভব করলে । ভাবতে একটু ভাল লাগল, না ?—যে, তোমারই কথা শুনে শুনে একজনের এমন অবস্থা হয়েছে ! কিন্তু তুমি ভুল করলে । আমি বলতে চাচ্ছি যে আমার এই অবস্থার জন্ত দায়ী তুমি—

ডাঃ : আমি ? কি করে ?

শি : তুমি এবং তোমার সংসার ।

ডাঃ : আমার সংসার ? তার সানে ?

শি : মানে?—তুমি দায়ী এই জন্তে যে—আমি কলকাতা ছাড়বার
তিনমাসের মধ্যে বিয়ে তো করলে তুমি !

ডা : কিছু তুমি তো নিজেই সেই জন্তে দায়ী—

শি : আর তোমার সংসার দায়ী এই জন্তে যে—থাক, তোমার শান্ত্তী
বেঁচে নেই, তোমার জীকেই জিজ্ঞাসা কোর ।

ডা : জীকে জিজ্ঞাসা করবার সুবিধা হবে না । তুমিই বল ।

শি : জিজ্ঞাসা কোর, আর যদি তাদের সত্যি কথা বলবার সাহস
থাকে—তাহলে তারা বলবে যে—আমারই দয়ায় তোমার এবং
শীলাদেবীর এই সুখের সংসার ! আর আমাকেই বাজ করছ
তুমি ! আর যে জন্তেই এসে থাকি তোমার বিজ্ঞপ—! অবশ্য
এও জানি বাজ করাটা খুব সহজ—খুব সহজ ।

ডা : আমি কিছু বুঝতে পারছি না ! তোমার দয়ায় মানে ? স্পষ্ট
করে কথা বল । আমার জীকেই কি তুমি বাজ করছ না ?

শি : তুমি করালে কেন ? কিন্তু একুনি আমার সবাইকে বাজ করছে
ইচ্ছে করছে—তোমাদের মত যত ভালমানুষ সুখী মানুষ আছে,
সবাইকে ! অ-হা-হা—সেদিন আমার কাছে গিয়ে খুকুমণির
কি কাহ্না !

ডা : আমার জীকে তুমি চেন !

শি : হাড়ে হাড়ে চিনি ।

ডা : (উত্তেজনায়) বোল,—কবে, কবে আমার জী তোমার কাছে
গিয়েছিল ? কাদতে ? কেন সে যাবে তোমার কাছে ? সত্যি
কথা বল ।

শি : তোমাকে ভিক্ষে চাইতে গো !

ডা : ভিক্ষে চাইতে ? তার মানে ? রাবিশ !

শি : হ্যাঁ গো হ্যাঁ ! তখন তো আমার সাথে ভেসে যেতেও পারতে !

নার্কি। ওদিকে শীলা, সেও তোমার সাথেই ভাসতে চায়। তাই সমস্তার সমাধান হ'ল। আমি চাকুরে যেরে, শক্ত যেরে, এ পৃথিবীতে আমি বাঁচতে পারব। কিন্তু সে যে তোমাকে না পেলে মরে যেতো গো। যেযে যত কাঁদে মা তত বোকার। ভারতের মেয়েদের ঐতিহ্য। ত্যাগের মাহাত্ম্য। তার মধ্যে আবার এক উকিলের চিঠি! ওঃ।

ডাঃ : উকিলের চিঠি ?

শি : হ্যাঁ গো হ্যাঁ। তোমার মায়ের চিঠি। বুঝতে পারলে না ? তোমার দাদী-বাবা এর পক্ষে ওকালতী কবে লেখা। আজ মনে পড়ে চিঠির শেষ দুটো লাইন। “অমলের উজ্জল ভবিষ্যতের স্থা চিন্তা কোর ভগবান তোমার মঙ্গল করবেন ” তিন দিক থেকে আক্রমণ! আর আমি একেবারে ভূপাতিত। হিঃ হিঃ হিঃ (হাসতে থাকে)।

ডাঃ : আমি বিশ্বাস করতে পারছি না। এ অসম্ভব! এতাদনের মধ্যেও তাহলে আমি—না—এ—এসব কথা বলার মানে কি? কি মতলবে তুমি এশেছ ?

শি : একটা শুধু দিতে পারি ? ওযুধ ?

ডাঃ : ওযুধ ? কিসের ওযুধ ?

শি : ছেলে নষ্ট করার ওযুধ ?

ডাঃ : সেইজ্ঞাত তুমি আমার কাছে এশেছলে ? ‘হু হিঃ।

শি : ইচ্ছে করে আঘাত করার ওজুই যেন) আমার কিন্তু খুব খারাপ রোগ আছে। ছেলেটা বিকলাঙ্গ হ'য়ে জন্মতে পারে ত ?

ডাঃ : (প্রচণ্ড চাপা রাগে) আমি ওসব নোংরা কাজ করি না, চলে যাও এখান থেকে।

শি : ছেলেটা জন্মালে,—সমাজের পক্ষে সেটা একটা নোংরা জিনিস হবে না ?

ডাঃ : আমি জানি না !

শি : জান না কি গো ? সমাজের জগে কত ভাল ভাল কাজ করে বেড়াও । কাগজে নাম বেরোয় । আসলে ঠিক কোন জিনিসটি করলে সমাজের ভাল হবে, তা জান না ?

ডাঃ : তোমার কাছ থেকে শেখবার ইচ্ছে নেই । তুমি যাও ।

শি : (বাজে) সমাজে প্রতিষ্ঠিত বিখ্যাত ব্যক্তির বে-আইনী কাজ করতে ভয় করছে ?

ডাঃ : তোমার স্পর্ধা দেখে অবাক হয়ে যাচ্ছি । আমারই ভুল হয়েছে, পনেরো বছরের আগের চোখ দিয়ে তোমাকে দেখতে গিয়েছিলাম । যে জীবন তুমি যাপন করে এসেছ তাতে এই বদলই তো তোমার পক্ষে স্বাভাবিক । তোমাকে এতটা প্রশ্রয়—

শি : ঠিক ঠিক ! ঐ একই ভুল আমিও করলাম । (হাসে) আজ সকালে ভগবানকে বলেছিলাম—হ ভগবান, বাবার আগে, তোমার অপূর্ব সৃষ্টি এই মানুষ, তা আমাকে একটা আন্ত পুরুষ মানুষ দেখাও । তা ভগবান সারাজীবন ধরে হয় আমাকে পাজী মানুষ দেখাল নয় আমাকে বাজে) ভাল মানুষ দেখাল, পুরুষ মানুষ দেখালে না গো ।

[একটু দূরে একটা গোলমাল শোনা যায়, দুজনেই উৎকর্ষ হয় । গোলমাল কাছে এগিয়ে আসে । চাকর ঢোকে]

চা : বাব এই বস্তি থেকে একটা লোককে নিয়ে এসেছে—এখানে মিডে আসব ?

ডাঃ : কেন কি হয়েছে ?

চা : কি জানি বাবু—কে নাকি হাতুড়ী না কি দিয়ে মাথায় মেরেছে, ভদ্রলোকের আর বা বেরুচ্ছে না ।

ডাঃ : খুব রক্ত পড়েছে ?

চা : নাঃ, রক্ত তো দেখলাম না ?

ডা : ভদ্রলোক ? পাশের ঘরে রাখ। কারা নিয়ে এসেছে ? সব জিনিস তৈরী কর।

[বাইরে আওয়াজ আরও বেড়ে উঠেছে। লোকগুলো যেন এই ঘরে ঢুকে পড়তে চায়। শিবানীর মুখ বিবর্ণ হয়ে গেছে। চাকর বাইরে যায়]

শি : (ভয়ে) ওদের কি তুমি এইখানে ডাকবে নাকি ?

ডা : হ্যাঁ।—কেন ?

শি : আমি তাহলে এই ভেতর দিকে গিয়ে অপেক্ষা করব ?

ডা : কেন ? তুমি চলে যেতে পার অনায়াসে !

শি : ওরা চলে যাবার পর আমি যাব। এইটুকু দয়া কর।

ডা : (একটু ভাবে) বেশ। ঐ বারান্দাটা য়াও।

[শিবানী চলে যায়—পাশের ঘরে গোলমালের আওয়াজ। ডাক্তার পাশের ঘরে চলে যায়। একটু পরেই ফিরে আসে। সঙ্গে কয়েকজন লোক, বস্তিরও দুচারজন আছে, আবার পাড়ার ভদ্রলোকও দু'একজন আছেন। বস্তির লোকদের মধ্যে হিন্দু-মুসলমান দু'জাতই আছে। হিন্দু-বলিয়ে মুসলমানও আছে, আবার চ'ব্বিশ পরগনার মুসলমানও আছে]।

১ম ভদ্র প্রাণ নেই ?

ডা : নাঃ। এখানে মিছিমিছি আনলেন। পুলিশে খবর দিবেছেন ?

২য় ভদ্র : না তো। আমাদের মনে হবেছিল প্রাণটা আছে, তাই

তাড়াতাড়িতে আপনার এখানেই নিয়ে এলাম।

ডা : পুলিশে খবর দিন আগে। ঐ পাশের ঘরে কোন আছে। যান একজন ফোন করে দিন ! (২য় ভদ্রলোক বেরিয়ে যায়)

কিন্তু কি করে হ'ল ?

বস্তির হালিম : ওহ, বাবু বহুত জুলুমবাজ থা ! হামনে কর দকে মানা ক্রিয়া থা। তো—

বস্তির হরি : তা বাপু বস্তির সব লোক তো সমান না, অনেকে যে
আবার তারে নাইও দিত !

১ম ভদ্র : যাঃ যাঃ তোদের বস্তির কথা আর বলিসনি ! ঐ মেরেটাকে, একা
একা বস্তির মধ্যে তোরা থাকতেই বা দিলি কেন ? তোদের—

হালিম : নেহি বাবু ওর অপরত খায়াব নেহি থি ।

১ম ভদ্র : না । সতীলক্ষ্মী ছিল । খায়াব নেহি থি । তাহলে, তার পেছনে
লোক ঘুরবেই বা কেন রে ?

ডাঃ : ওঃ জীলোক ঘটিত ব্যাপার !

১ম ভদ্র : জীলোক ঘটিত এবং মনে হচ্ছে জীলোক দ্বারা সংঘটিত ।
(নিজেই হেসে ওঠে, রসিকতা করেছে ভেবে)

ডাঃ : (কৌতূহলী) আপনি বলছেন সেই জীলোকটিই খুন করেছে ?

১ম ভদ্র : আমার তো তাই মনে হয় । বলেন কেন, বত ছোটলোকের
কারণ । একটা একেবারেই ষার্ড ক্লাস বেঞ্জা—আর এই
পলাশ বড়োলোকের ছেলে,—সুতরাং—

হালিম : নেহি বাবু ওর অপরত এয়ায়া—

হরি : তা বললে কি হবে হালিম ভাই ! আগে ওর বদনাম ছিল, খুবই
ছিল ।

খালেক : কিন্তু এখানে এসে ইস্তক কেউ তারে ঠিক—তাছাড়া আমাদের
ছেলেমেয়েদের অ আ ক থ শিকোচ্ছিল ।

হরি : তা শিকোচ্ছিল !

১ম ভদ্র : দেখেছেন এরা to the point কথা বলতে জানে না ! খুব
তো ভাল ভাল কচ্ছিল, তা পাকিস্থানে পালাবার মতলব
কচ্ছিল কেন রে ! বুঝলেন ডাক্তারবাবু this is preplanned
আমি শুনলুম আজই এক মুসলমানের সঙ্গে পাকিস্থানে
পালাবার মতলব করেছিল । হয়ত এতক্ষণ ভেগেই পড়েছে !

ডাঃ : কে ? যে এই পলাশ চৌধুরীকে খুন করেছে বলে ভাবছেন ?

১ম ভদ্র : ভাববার আর অবকাশ নেই ডাক্তারবাবু। সেই মা—মানে
সেই নটোরিয়াস গ্লীলোকটিই খুন করেছে। ভেবেছিল বোধ
হয়, কিছু টাকা পরসা হাতিয়ে পালাবে।

ডাঃ : ওঁর পকেট থেকে টাকা পরসা গেছে দেখেছেন নাকি ?

১ম ভদ্র : না, না আমি কেন দেখতে যাব ! না হলে আর উদ্দেশ্য কি
হতে পারে বলুন !

ডাঃ : যাক্গে, উদ্দেশ্যের কথা পুলিশ ভাববে, আমাদের ভাববার দরকার
নেই। কিন্তু ভাবছি—একটা গ্লীলোকের গায়ে এত জোর এল
কোথা থেকে। অবশ্য যদি—

হালিম : হমনে ভি ইয়েহি শোচতা থা কি ক্যায়সে—।

হরি : আর পারুল তো রোগা মেয়েমানুষ বললেই হয়।

ডাঃ : কি নাম বললে ?

সকলে : পারুল।

(ডাক্তার নিজেকে সংযত করে)

হালিম : ওষ অছি লড়কী থি ডগদর সাব। মুঝে এ্যায়সা মালুম হোতা
কি মজবুরী সে ওয় ইয়ে কাম কিয়ি হোগী।

ডাঃ : ওঃ। তা কত দিন আগে এ তোমাদের বহিতে এসেছিল ?

হরি : তা এই মাস পাঁচ ছয় হবে। আমাদের এখানে এসে কিন্তু উনি
ডালই ছিল।

ডাঃ : কোন্ জায়গা থেকে তোমাদের এখানে এল ?

হালিম : মুঝে বোলনে দিাজিয়ে—কিঁউ কি আব তো পোলিস
ইকোররীমে সবহি নিকল যায়গা ! ম্যয় হি লেকর আয়াথা !

১ম ভদ্র : তুমি ? তা মতলবটা কি ছিল বাবা ?—

হালিম : মতলব এক অপরত কো বাঁচানেকি কৌশিল কিয়া থা ! ইঁ
ডগদর সাব ওয় খায়াব হি থী !

১ম ভদ্র : পথে এস বাবা।

হালিম : (একটু বেগে) মগর ওয় ভদ্রর পলাশ বাবুসে কম খারাব থী।

ডাঃ : থাক ও কথা। তুমি ওকে তোমাদের বস্তিতে নিয়ে এলে কোথা থেকে ?—

হালিম : দুসরা এক বস্তিসে ! উধার কাম কে লিয়ে মায় যাতা থা।
মুঝে ওয় চাচা পুকারতিথী। এক রোজ বোলা, চাচা মায়
চয়ন সে মরনা চাহাতি ! মুঝে বহত ডাজ্জব লগা। মায়নে
কহা, মগোর বেটা মরণে সে পহলে তো বহত রোজ গুজরনে
হোগ—পেট চলগা ক্যায়সে ? তো বলী—কাম করুজী,
কুছ ভী করুজী—ইয়ে দোজখ সে মুঝে লে চল ! উসকী আখ
দেখ কর মুঝে এ্যায়সা লগা কি—

১ম ভদ্র : ওঃ ধন্যপুতুর যুধিষ্ঠির।

হালিম : বাবুজী !

ডাঃ : আঃ খামুন না মশাই। শুনেভেই দিন না। তারপর ?

হালিম : কেয়া বলু ডগরজী—মায় উসে লে আয়া থা। ঠোকা বনাতি
থী, হুঁই কা কাম ভি করতি থী—কেয়া হরি ভাই বোলনা ?

হরি : তা বাবু ঠিক ! দিন রাত্তির কাজ করত।

ডাঃ : তা এই পলাশবাবু কোথেকে এল ?

হরি : ঐ তো মুশকিল ! আমাদের বস্তির কথা কি বলবো, লজ্জাও করে।

খালেক : আগে ছিল কি, মানে কসবীদের জন্তি আলাদা জাগা ছিল।
তা গরমেট যেদিন ইস্তক ঐ বেআইনী করে দেল, তা দেখবেন
আপনে সব বস্তিতেই দুটো এট্টা ওরম থেকেই গেল। কোতাও
বেশী কোতাও কম ! তা আমাদের এখানেও ঐ কাঞ্চনী বলে
এট্টা মেয়ে, মানে খসম সাথে করেই এল—

হরি : কিন্তু দুদিন বাদেই বোঝলাম যে সে খসম আসলে ঐ আর কি
তা ঐ পলাশবাবু ওর কাছেই আসত যেত আর কি।

ডাঃ : তা তোমরা থাকতে দিলে কেন ?

হালিম : কেয়া করেছে ডগ্গর সাব। জুনিয়া এয়াযলাহি হো গয়।
কিনসে নফরত কর্ ? হয় বস্তিমে এয়াযসা হায়। অর ইসসে
লেকর হি হমে চলনে পড়তা। কাঞ্চনীসে হমে কুছ, নফরত
নেহী থী ! মগয় হমনে মিটিং করকে তর কিয়া থা কি ওয়
পলাশ বাবুকা আনা বন্দ করনা হোগা।

হরি : আমাদের ভয় কত, কারণ ওনার হাতে যত এই পাড়ার ভদ্র
গুণে। তার ওপর ওনার নজর তো ইদিক উদিক চলতেইছে !
তা আমাদেরও যেমন কপাল—।

হালিম : বীচমে ইয়ে হিন্দু মুসলমান ক্যাসাদ শুরু হো গিয়া—তো হমে
বহত দেমাগ ঠিক করনে পড়া। কিঁউ কি—

হরি : তখন যদি হালিম ভাই পলাশবাবুরে ঠাঙ্গাত তো হিন্দু মুসলমান
দাঙ্গা বেধে যেতো। কেউ তো আর দেখত না তলিয়ে, কেন
কি হচ্ছে।

ডাঃ : তা এই পলাশের নজর কি ঐ কি নাম বললে পারুলের ওপর
পড়েছিল ?

খালেক : তাই বাবু। পারুল আমাদের ক'দিন বলেছে কিন্তু—
আমাদেরও তো অনেক বুঝে শুনে চলতে হয়। পলাশবাবুর
সাথে ঝগড়া কলে বস্তি যে জলে যেত বাবু।

ডাঃ : হঁ !

হালিম : কিরভি ম্যার বোলতা হায় ডগ্গর সাব ওয় লড়কী মজবুরী সে
ইয়ে কাম কিয়ি হোগী। উসকি দিল অচ্ছি থী।

[এই সময় ২য় ভদ্রলোক ফিরে আসে]

২য় ভদ্র : ওঃ একটা কোন করতে ঘেমে গেলাম ! পুলিশ আসছে ! কি
বলছিলে বাবা ? 'কার দিল অচ্ছি হায় ?

হরি : ঐ পারুলের কথা হচ্ছে। যিনি খুন করেছে।

২য় ভদ্র : ওঃ খুন করলেও আজকাল অচ্ছ দিল্ থাকছে বুঝি ?

হালিম : মগর ইয়েতো আপ মানেন্ছে কি পলাশবাবু বহত জুলুমবাজ থা। অগরতী কো পিছে পড়তা থা।

২য় ভদ্র : যদি সত্যি এর মধ্যে থেকে না থাকে, তবে আর বেশী বোলনা বাছবেনরা। তাহলে তোমাদেংও নিয়ে হাজতে পুরবে।

খালেক : আমরা কি জানি বলেন ? আমরা তো মিলাদ শরীফ শুনতেছিলাম। গোঁ গোঁ আওয়াজ শুনে আমার খালা ভাবলে পারুলের ঘরে গোঁ গোঁ আওয়াজ কিসের হচ্ছে, তাইভেই—

হরি : আর আমি তো শুয়েই পড়েছিলাম। গোলমাল শুনে—মানে সকলে যা বলছে আমিও তাই বলছি আরকি। আমরা কি জানি।

ডাঃ : (হঠাৎ যেন একটু উত্তেজিত হ'য়ে) পুলিশ কেস যখন হবে তখন তোমরা বলতে পারবেনা যে মেয়েটি আসলে ভাল ছিল ? মানে যা তোমরা মনে করতে তাই বলতে পারবে না ? (ভদ্রলোক দুজন অবাক হ'য়ে তাকায়। সবাই চুপ)

হালিম : (ধীরে ধীরে) ওয় মুঝে চাচা পুকারতি থী, মায় সচ, বলুজা।

২য় ভদ্র : কিন্তু সেতো পাকিস্তানে হাওয়া।

ডাঃ : পুলিশে তো খবরই দিয়েছেন। পাকিস্তানে পালাবার আগে ধরাও তো পড়তে পারে। আর পাকিস্তানে পালাচ্ছে এটাও আপনাদের অজুমান !

১ম ভদ্র : না মশাই—সবাই বলছে। কৈ হে সচ, বলেনআলা, বলেন।

হালিম : সচ,। পলাশবাবু সব বহত জুলুম করনে লগা, তো একরোজ ওয় বলি থী কি মুঝে ফির ভাগনে পড়েগা চাচা—মগর কঁহা যাউ !

খালেক : তা জাঁহাগীর ছেলেডা ভাল ছিল। আর ওর ঘরও আসলে পাকিস্থানে। পাকুলেয়ে ওর মনেও ধরেছিল। আমরা বললাম যে, তোমার যদি নিকে করতে মন যায়, তো কর —তা—।

১ম ভদ্র : দেখেছেন কাণ্ডটা! হিন্দুর মেয়ে হ'য়ে! ছিঃ ছিঃ এই জেগেই দেশটা উচ্ছেদে গেল! হয় একটা হিন্দু আয়ুবখাঁ, তো এই নষ্ট মেয়েগুলোকে গুলি করে মারে।

ডাঃ : পাকিস্থানে নষ্ট মেয়েদের গুলি ক'রে মারা হয়েছে নাকি ?

১ম ভদ্র : এঁ্যা ?

ডাঃ : আর তাজাড়া হিন্দু আয়ুবখাঁ যাকে হ'তে হবে, তাকে তো এই পলাশবাবুদের সাহায্যই নিতে হবে! তা এই পলাশবাবুয়া কি এই সব নষ্ট মেয়ে মাহুশদের মারতে দিতে রাজী হবেন ?

২য় ভদ্র : কি জানি মশাই আপনার বাঁকা বাঁকা কথা কিছু বুঝতে পারছি না। কিন্তু একটা হিন্দু মেয়ে মুসলমানকে নিকে করছে শুনলেও গায়ের মধ্যে রিরি ক রে ওঠে!

১ম ভদ্র : আর কখন ? যখন পাকিস্থানে আমাদের বাপ ভাইকে হত্যা করেছে, মা বোনেদের এইরকম অসম্মান করেছে ঐ ব্যাটারা! —তখন

ডাঃ : কিন্তু একটা নষ্ট মেয়েছেলের পক্ষে অতটা জ্ঞান থাকা কি সম্ভব ?

১ম ভদ্র : তাহলে বলি শুহুন—নাম করব না। কোন এক পাড়ায়, এই রকম এক মেয়েছেলে নিজে আগুনের বল ছুঁড়ে একটা পুরো বস্তি জালিয়ে দিয়েছে, জানেন ? গায়ে যার সত্যি-কায়ের হিন্দু রক্ত আছে, সে বেত্মা হ'লেও সে হিন্দু! হিন্দুর লাজনা শুনে তার রক্ত টগবগ করে ফুটবেই! আর সেইখানে—

ডাঃ : পলাশবাবুয়া হিন্দুর মেয়েকে লাহুনা করলে আপনাদের হিন্দুর রক্ত কি বলে ?

২য় ভদ্র : আপনি দেখছি একজন মুসলমান সাপোর্টার ।

[ডাক্তার হাসে । হরি স্বেগ পেয়ে বলে]

হরি : বাবু আমাদের কি আর এখানে থাকার দরকার আছে ?

১ম ভদ্র : আছে বৈকি টাদেয়া !—আছে !! পুলিশ আসুক,—অমেক কথাই বেরিয়ে পড়বে আস্তে আস্তে ! আর তোরাই বা কি ? মুসলমানদের সঙ্গে এক বস্তিতে থাকিস !

হরি : জায়গা কোথায় পাব বাবু ?

২য় ভদ্র : তাই ব'লে এই সব পাকিস্থানীদের সঙ্গে !

হালিম : হাম পাকিস্থানী নেহী হায় বাবুজী ।

খালেক : বরং আমরা ব'লে দিইচি যে যাদের মন পাকিস্থানে প'ড়ে আছে, তার সব চলে যাও পাকিস্থানে ।

হালিম : হাঁ ইহা গড়বড় মত কর । হাম হিন্দুস্থানী হাঁয় বাবুজী ।

১ম ভদ্র : ওঃ, কথা আছে খুব ।

২য় ভদ্র : ওইতেই চালাচ্ছে ।

[চাকর ঢোকে]

চা : বাবু বড়মা খুব অস্থির হ'য়ে উঠেছেন, আপনাকে একবার ওপরে আসতে বলেছেন ।

ডাঃ : বল গিয়ে—অস্থির হবার কিছু নেই, আমি একটু পরে আসছি । শেনি, মায়ের খাওয়া হয়েছে তো ?

চা : বলতে পাচ্ছি নে তো ।

ডাঃ : বল গিয়ে এখন কিছু হয়নি । না খেয়ে থাকলে খেয়ে নিতে বল ।

[চাকর চলে যায়]

ডাঃ : আপনারাও চলুন বড় বগবার ঘরটায। থানা থেকে আরও দু'একজন লোক এলে এ ঘরটায ধরবে বলে মনে হ'চ্ছে না।

১ম ভদ্র : হ্যাঁ হ্যাঁ তাই চলুন।

[কথা বলতে বলতে সবাই বেরিয়ে যায়। বারান্দার দিক থেকে শিবানী এসে ঢোকে। ওয়ূধের আলমারির দিকে তাকায। পাল্লায চাবি ঝুলছে। কাঁচের আলমারি। পাল্লা টানে, খুলে যায়। কি যেন খুঁজতে থাকে। পেয়ে যায়। একটা শিশি বার করে, দশে ভাড়াভাডি নিজের ব্যাগের মধ্যে রাখে। ডাকার আসে। দু'জনে দু'জনের দিকে তাকিয়ে থাকে। শিবানী কঠাৎ মুখ ফিঁরিয়ে নেয়।]

ডাঃ : শুনেছো সব নিশ্চয়ই।

শি : (চুপ করে থাকে।)

ডাঃ : কি করবে এখন ?

শি : আমার ওপর আরো বোমা হচ্ছে তো ?

ডাঃ : না।

শি : যাবার আগে তোমাকে একবার দেখতে বড্ড ইচ্ছে করল যে। বোক', আমি খুব বোক'।

ডাঃ : তাহলে টাকা বা ঐ ছেলে নষ্ট করার কথা মিথো ?

শি : না, তাও নয়। আমি আমার ওঃ এখন আমার সব গোলমাল ক'রে যাচ্ছে।

ডাঃ : সত্যিই তুমি—অন্তঃসত্ত্বা ?

শি : অথচ আমি শান্তিতে মরতে চাইছিলাম ! অন্ততঃ ঐ পলাশের ছেলে—! ওঃ আমার সমস্ত গা ঘিনঘিন করছে !

ডাঃ : এইবারে আমার সব গোলমাল হ'য়ে যাচ্ছে ! পলাশের সঙ্গে তাহলে তোমার সম্পর্ক ছিল ?

- শি : না, না—। এখন কি কেউ আমার কথা বিশ্বাস করবে ?
- ডা : তুমি বল !
- শি : সেই দাঙ্গার সময় ও এসেছিল একদিন । এসেছিল কাক্কনীর ঘরে । তারপর এসে পড়ল আমার ঘরে !
- ডা : এসে পড়ল মানে ?
- শি : কাক্কনী আমাকে ঠিকালে আর কি ! প্রথমে নিজেকে এল— তারপর ও ঢুকে পড়ল ।
- ডা : কিন্তু তুমি টেঁচাতে পারতে ।
- শি : না, পারতাম না । তাহলে হালিমচাচা ছুটে আসত । একটা রক্তারক্তি কাণ্ড হোত । হিন্দু মুসলমানের আশুন আমাদের পাড়াতেও এসে পৌছত । আরও কত লোক মরত, আরও কত বাড়ি জ্বলে যেত কে জানে ? তাই সে কথা একেবারেই চেপে যেতে হ'ল !
- ডা : আজকে যে কাজ করলে সে কাজ তখন করনি কেন ?
- শি : সেও বোধ হয় ঐ একই কারণে । তা ছাড়া তখন ঠিক মনেও হয়নি বোধ হয় ! আর...জীবনে অমেকবারই তো ধর্মিতা হয়েছি—তাই—কি জানি—মানে সহ্য করলাম !
- ডা : তাহলে আজ একাজ করলে কেন ? সহ্য করলে না কেন ?
- শি : পারলাম না ! তবে ও মরে যাবে এটা ভাবিনি !...আচ্ছা ওকি গেছে ? সত্যি ?
- ডা : সত্যি ।
- শি : যখন আমি বেরোব, তখন ও এল । কোথা থেকে একটা প্রচণ্ড ইচ্ছে এল ওকে বাধা দেবার ! ওকে কেউ খুন করলে আমি, আমি খুসী হতাম, সত্যি খুসী হতাম, খুব খুসী হতাম, খুব খুসী হতাম (একই ভাবে কথাগুলো বলতে থাকে)

ডাঃ : (ঝাঁকানি দিয়ে) শিবানী !

শি : না, না। কিন্তু আমি ওকে খুন করব ভাবিনি। ওর ছেলেকে খুন করব ভেবে ছিলাম, সে তাকে বাঁচাবার জন্তে, নিজে বাঁচবার জন্তে,—অথবা মরবার জন্তে। কিন্তু ওকে—উঃ—

ডাঃ : এখন কি করবে ?

শি : মরব। (একটু চূপ করে থেকে হঠাৎ) তুমি কি আমাকে ধরিয়ে দেবে ?

ডাঃ : তাহ'ড়া কি করবে তুমি ? এখন আর উপায় কি ?

শি : দোহাই তোমার, আমাকে তুমি এখুনি ওদের হাতে দিও না, তোমার ছুটি পাশে পড়ি তুমি জান না কনস্টেবল থেকে দারোগা পর্যন্ত ওরা সবাই কত নিষ্ঠুর, কত জঘন্য হ'তে পারে। তুমি জান না। [ডাক্তার বিচলিত। অস্ত্রদিকে মুখ ফিড়িয়ে নেয়। তারপর প্রসঙ্গ পাল্টাবার জন্তেই নেন বলে,]

ডাঃ : পাকিস্তানে পালাচ্ছিলে সত্যি ?

শি : সত্যি।

ডাঃ : কেন ?

শি : (কান্নার একটা আশ্রয়াজ ঠেলে আসতে চায়) মরব বলে।

ডাঃ : বুঝতে পারলাম না।

শি : সত্যি যে তাই ! এখন আমি কেমন করে বোঝাই ! যদিও বাঁচব ভালভাবে বাঁচব ব'লে তোমাদের পাডার এই বস্তিতে এলাম চাচার সঙ্গে ! মাসখানেক কেটে গেল একরকম ভাবে। তারপর শুরু হ'ল।

ডাঃ : কি শুরু হ'ল ?

শি : অনেকেই বুঝে ফেলল যে আমি, আমি খারাপ ছিলাম,—এবং এখনই বা থাকব না কেন ? আর তার সঙ্গে শুরু হ'ল আমার মনের শত্রুতা !

ডাঃ : মনের শক্তি ?

শি : বলতেই হবে ?

ডাঃ : বাধা আছে ?

শি : না: এখনও আমার একটু একটু লজ্জা আছে ।

ডাঃ : থাক তবে ।

শি : না। থাকবেই বা কেন ! (একটু থেমে) একদিন তোমাকে দেখলাম । দেখলাম আর চিনতে পারলাম ! তুমি মস্ত বড় ডাক্তার হয়েছ তা জানতাম । কাগজেও দেখতাম তোমার খবর মাঝে মাঝে । কিন্তু তুমি যে এই পাড়াতেই থাক, তা জানতাম না । জানলে হয়ত—।

ডাঃ : কিন্তু কোথায়, কোথায় দেখলে ?

শি : সেদিন আমার ঘুম ভাঙতে দেরি হয়েছিল । তাই রাস্তার কলে জল আনতে যেতেও দেরি হল । গিয়ে দেখি লম্বা লাইন । তাই লাইনে বালতি বসিয়ে দাঁড়িয়ে থাকতে হ'ল বলেই এদিক ওদিক তাকাতে হ'ল । বালতির দিকে চেয়ে কে দাঁড়িয়ে থাকবে বল । আর এদিক ওদিক তাকাতে হ'ল বলেই তোমাকে দেখতে হ'ল ...তুমি তোমার গাড়ি করে যাচ্ছিলে ।

ডাঃ : তখন দেখতে পেলো ? আশ্চর্য ! তোমার চোখের ডায়ফ করতে হয় ! পনের বছর পরে একটা চল্টি গাড়ির ভেতর বসা একটা লোককে চিনে ফেললে ?

শি : ঠাট্টা করছ নাকি ?

ডাঃ : (জ্বন্তে) না না, মোটেই না । বরং আমার বিশ্বাস করতে ইচ্ছে করছে যে তুমি আমাকে সত্যি ভালবাসতে, তাই এটা সম্ভব হল ! কারণ আমারও তো বদল হয়েছে অনেক ।

শি : কিন্তু সত্যি কথাটা ত তাও নয় ।

ডাঃ : তবে।

শি : খুব ভাল শোনাত হয়ত। আজ যদি আমি খুণীর আসামী না হতাম—তাহলে আমি জল আনতে গেছি—নাইবা হ'ল নদী, নাইবা হ'ল স্রোত, কলকাতার কলই হ'ল না হয়। তবু তো জল আনতে যাওয়া! নাইবা হোল কলসী তবু তো জল আনতে যাওয়া!! অনেক দিনের বিরহের পর তোমার দর্শন পাওয়া আর প্রেমের জোরেই এক নিমেষে তোমাকে চিনতে পারা এবং আমরা ভাল থাকবার সংকল্প একেবারে পাকা হয়ে যাওয়া।...চমৎকার গল্প হ'ত তাহলে, কিন্তু তাতো হয় নি।

ডাঃ : তবে? কি হয়েছিল তবে।

শি : সেদিন সারাদিন একবার মনে হয়, বোধহয় তুমি, আর একবার মনে হয়, নিশ্চয় তুমি! তাই পরদিন আবার দেহিতে—। আচ্ছা তোমার মনে আছে? ধর, আজ থেকে তিন মাস আগে হবে,—এই মোড়ের বস্তির সামনে দিয়ে যখন তোমার গাড়ি যাচ্ছিল, তোমার গাড়ির সামনে হঠাৎ একটা ছোট ছেলে এসে পড়েছিল? অল্প একটু ধাক্কাও লেগেছিল তার, মনে পড়ে?

ডাঃ : হ্যাঁ হ্যাঁ, পড়ে। তারপর?

শি : যারা জল নিচ্ছিল সবাই ছুটে গিয়েছিল। ছেলেটির মাও ছিল সেখানে। তোমাকে গাড়ি থেকে নামতে হ'ল। ড্রাইভারকে বকতে হ'ল, ছেলেটিকে দেখতে হ'ল। বিশেষ কিছু হয়নি ব'লে রায় দিতে হ'ল। তারপর মা আর ছেলের কান্না থামাবার জন্তে দশটা টাকা ব্যয় করে দিতে হ'ল তাদের হাতে। পাঁচ থেকে দশ মিনিটের আগে এদব কাজ শেষ হয়নি তোমার। কলকাতার রাস্তা তো! আর তাই,—আর তাই তোমাকে ভাল ক'রে দেখা সম্ভব হ'ল। কারণ খুব কাছ থেকে দেখেছিলাম কিনা।

ডাঃ : তুমি ছিলে সেইখানে ?

শি : হ্যাঁ সেই ছেলেটার মায়ের পাশেই।

ডাঃ : কিন্তু আমি তো তোমাকে চিনতে পারিনি।

শি : তুমি তো তাকাওনি কারুর দিকে। অত্যন্ত বিব্রত বোধ করছিলে তুমি। আর ভাড়াভাড়ি চলে যেতে চাইছিলে। তোমার আমার মাঝখানে এক গজেরও ব্যবধান ছিল কিনা সন্দেহ। কিন্তু সেখানে একজন কেউ তো তোমার কাছে কেউ না। সেখানে সবাই যে তোমার কাছে বস্তির লোক।

ডাঃ : কিন্তু আমি সেভাবে মাহুসকে দেখি না।

শি : যাই হোক, সেই হ'ল আমার কাল। তোমাকে মনে ছিল— তোমার সেই চেহারা, যখন তোমার বয়স পঁচিশ। আবার তোমাকে দেখলাম, তোমার গলা শুনলাম। আবার আমার মনে হ'ল, না এ লোকটা তো দূরের লোক নয় !! তার পরদিন আবার সেই লময় জল আনতে গেলাম। (হঠাৎ ধেম্) তারপর যোজ্ঞ ঐ সময়েই জল আনতে যেতাম আর কি !

ডাঃ : ওঃ !

শি : আর তাই তো আমার সব গুলটপালট হ'য়ে গেল। নইলে পলাশকে সহ্য করা এমন কি শক্ত ছিল ! মইলে এই বস্তিতে থাকাই বা এমন কি শক্ত ছিল ! গোড়ার দিকে মনের সঙ্গে অনেক বুদ্ধ ক'রে হেরেছিলাম। এবার হারতে পারলাম না কেন ?

ডাঃ : শিবানী একটা কথা তবু জিজ্ঞাসা করতে ইচ্ছে করছে। ভুল বুঝ না, কারণ তোমাকে বিচার করার ক্ষমতা আমার নেই। সে আমি চাইও না।

শি : অমন ক'রে বোল না। অমন ক'রে বললে আমার সন্তোচ হয়। তুমি বা জিজ্ঞাসা করবে, কর। আমি বলব।

ডাঃ : মানে তোমার মনের শত্রুতা বলে তুমি বা বললে—মানে—তুমি

তো আর একজনকে বিয়ে ক'রে তার সঙ্গে ঘর করতে চলেছিলে!

শি : ই্যা চলেছিলাম! যর করতে? ই্যা তাও হয়ত করতাম কিছুদিন।
ছেলেটা খুব খারাপ ছিল না। আমার চেয়ে বয়সে অনেক ছোট
ছিল। ওকে ঠকাতে হবে বলে মাঝে মাঝে বড় খারাপ লাগত।
কিন্তু কি করব, আমার লক্ষ্যে আমাকে যদি পৌছতে হয়—
তাছাড়া আমাকেই কি কম লোক ঠকিয়েছে!

ডাঃ : তোমার লক্ষ্যে? কি লক্ষ্য ছিল তোমার?

শি : জন্মভূমিতে ফিরে যাওয়া।

ডাঃ : জন্মভূমি?

শি : তুমি তো জান আমাদের দেশ ছিল পাকিস্তানে!

ডাঃ : হ্যাঁ, ই্যা।

শি : জীবনের সব জায়গায় যখন আমি হেরে গেলাম, বেঁচে থাকাটা
যখন আমার কাছে অর্থহীন সময় কাটান বলে মনে হ'তে লাগল,
তখন কেবলই আমার সেই ছোট্ট গাঁয়ের, আর সেই গাঁয়ের মধ্যে
আমাদের সেই ছোট্ট বাড়িটার কথা মনে পড়তে লাগল। যতগুলো
গাছ ছিল আমাদের বাড়িতে, সব মনে পড়তে লাগল। নিম,
পেরারা, সজনে! বড় দেখতে ইচ্ছে করল সবাইকে—মশে হ'ল
ওদের যেন প্রাণ আছে, আমি গেলে যেন ওরা চিনতে পারবে।

ডাঃ : সবই তোমার কল্পনা শিবানী—রোমান্টিক চিন্তা। দেহে মনে তুমি
অস্থস্থ।

শি : তাই হবে বোধ হয়। তুমি আমার কথা ঠিক বুঝতে পারবে না।
—কারণ বারা জীবনে জিতে গেছে, তারা হারার দলের কথা
বুঝতে পারে না বোধ হয়।

ডাঃ : কিন্তু দেখানে তুমি যেতে কি করে? এই ছেলেটা তোমাকে
ছেড়ে দিত?

শি : আমি যেতাম। আমাকে কেউ ঠেকাতে পারত না। তাছাড়া জাহাঙ্গীর আমাকে সত্যি একটু ভালবাসে বোধহয়, তাই ওকে ঠকান কঠিন হ'ত না।

ডাঃ : সে ভালবাসে ব'লে তাকে ঠকাবে ? তুমি কি ধরনের লোক ?

শি : তুমি কোন্ রাজ্যে বাস কর ? একাজ নিজের স্বার্থসিদ্ধির জন্তে তো মানুষ হামেশাই করে থাকে। খোঁজ নিয়ে দেখ, হয়তো তোমার নিজের জীবনের ব্যবহারই তোমাকে ব'লে দেবে। তাছাড়া আমি তো তার কোন ক্ষতি করছি না। আমি যাব। তারপর তাকে ছেড়ে আমার জন্মভূমিতে যাব। মরব বলে যাব। একটু শান্তিতে মরব বলে যাব।

ডাঃ : মরবে ঠিক করেছিলে ?...মরবে বলেই যদি ঠিক ক'রে থাক তাহলে এখানে মরলে না কেন ?

শি : সেখানে গিয়ে মরতে আমার ভাল লাগবে বলে। তাছাড়া একটা গর্তের দরকার ছিল আমার, যেখানে আমাকে মরবার আগে কেউ ইহুদের মতন খোঁচাবে না। জাখো, আমার যা ভাল লাগে সারা জীবনে আমি তা করতে পারিনি। তাই মরবার মুহূর্তটাকে ভাল লাগাতে চেয়েছিলাম। কিন্তু তাও বোধহয় হবে না, না ?

ডাঃ : না, হবে না বোধ হয় !

শি : তুমি আমাকে ওদের হাতেই দেবে ?

ডাঃ : (একটু চুপ) তাছাড়া কি করব আমি ?

শি : (অত্যন্ত আগ্রহে) আমাকে ছেড়ে দাও। আজ রাত্রের মধ্যে আমার বর্জ্য পার হয়ে যাবার কথা। তারপর তো আমি সাবিয়া বেগম। তোমাদের সমাজের আর কোন ক্ষতি তো আমি করতে আসব না। তাহলে তুমি কেন আমাকে যেতে দেবে না ?

ডাঃ : ঠিক। কিন্তু আমি সামাজিক লোক। এওটা জানতে পেরেও আমি—

শি : মনে করো না এটা একটা দুঃস্বপ্ন ! আমি তোমার কাছে আসিনি ! কিছু বলিনি ! তুমি কিছু জান না !

ডা : (প্রচণ্ড যত্নপূর্ণ স্বর) পাশের ঘরের মৃতদেহটা যে দুঃস্বপ্নের চেয়েও বেশী !!

[শিবানী চাপা আর্তনাদ করে ওঠে]

ডা : সত্যি তুমি যদি না আসতে শিবানী !

শি : ভগবানও যে আমার শত্রু হ'য়ে যাবে কি ক'রে জানব বল ! ভেবেছিলাম আমার শেষ মুহূর্তে আমি জিতব ! কিন্তু—। ও :। ও যদি তখন না আসত ।

[বাইরের দরজায় টোকা । ডাক্তার, শিবানী দুজনেই উৎকর্ণ, ভীত]

ডা : কে ? কি দরকার ?

চাকরের গলা : আপনাকে—একবার ডাকছেন গুঁরা ।

ডা : কারা ? ... কেন ?

চা : দারোগাবাবু এসেছেন !

ডা : এখুনি আসছি বল ।...তুমিই বল শিবানী, এবার কি করব ।

শি : তোমার ভগবানকে তুমি জিজ্ঞাসা কর !

ডা : সমস্ত জেনে আমি কি করে বলব যে—...তার চেয়ে শিবানী আমি একটা কথা বলি—তুমি ধরা দাও, আমি চেষ্টা করব যাতে তোমার সাজা না হয় । কলকাতার সবচেয়ে নামকরা ব্যারিস্টারের সাহায্য নেব আমি ।

শি : ব্যারিস্টার আমাকে বাঁচাতে পারবে ?

ডা : পারবে । তুমি তো ইচ্ছে ক'রে একাজ করনি । ও যদি তোমার ওপর জোর করবার চেষ্টা না করত—তাহলে ত—।

শি : বেশার ওপর বলাৎকারের কেস্ হয় কি ? ওদেরও তো ব্যারিস্টার থাকবে !

ডা : : কিন্তু তোমাকে তো কেউ দেখেনি খুন করতে—!

শি : ও :। তুমি বলছ যে তোমার সত্যের খাতিরে এখন আমাকে ধরা দিতে হবে। তারপর তোমার ব্যারিস্টার মিথ্যা বলে আমাকে বাঁচিয়ে দেবে ? দেখেছ, তুমি নিজেই জান না সত্য কি ? হয়তো তোমার মত কোন “সামাজিক” লোকই জানে না। তাই তো এই সমাজ সংসারের ওপর আমার এত ঘেন্না হ’য়ে গেছে ! ঐচ্ছিক আছে, তোমার যা কর্তব্য ব’লে মনে হয় তুমি তাই কর। আজ হঠাৎ এসে আমি তোমার কর্তব্যে বাধা দেব না।

ডা : : আমি বুঝতে পারছি না আমি কি করব। তুমি অপেক্ষা কর, কারণ এখন তুমি যেতেও পারবে না, গেটের সামনে ভীষণ ভিড়। (চলে যেতে চায়। অব্যবহিত ফিরে এসে বলে) কেউ যদি এঘরে আসে, তোমার পরিচয় জিজ্ঞাসা করে, কি বলবে ?

শি : কি বলব ?

ডা : : বোল যে—বোল তুমি আমার আত্মীয়া রোগী—নাম—শিবানী—
হ্যাঁ শিবানী।

[বেরিয়ে যায়। শিবানী দরজাটা ভেজিয়ে দেয়। ফিরে আসে চেয়ারটার কাছে। ব্যাগটা হাতে নেয়। শিশিটা বার করে চারিদিকে তাকায়। জলের জন্তে কি ? তাকিয়ে থাকে শিশির দিকে। তারপর শিশিটা ব্যাগের মধ্যে রেখে দেয়। হঠাৎ ব’সে প’ড়ে হুঁপিয়ে কেঁদে ওঠে। ভেতরের দিকের দরজায় বিধবা প্রায়-বৃদ্ধা এক মহিলাকে দেখা যায়। ডাক্তারের মা। পোশাকে বড়োলোকের ছাপ আছে। ছেলের দেরি দেখে নীচে নেমে এসেছেন]

মা : অমু, কি হ’য়েছে। এসব কি শুনছি !

(হঠাৎ থেমে যান। শিবানী নিজের আবেগে কঁদে চলেছে,
একথা শুনতে পায়না বোধহয়)

একি ! তুমি কে ? কি হয়েছে তোমার ?

[এইবার শিবানী শুনতে পায়। সোজা হ'য়ে বসে। কিন্তু যদিও
থেকে প্রশ্ন আসে সেদিকে তাকাতে পারেনা। নিজেকে সংযত
করবার চেষ্টা করে]

শি : (না তাকিয়ে) আমি ডাক্তারবাবুর একজন আত্মীয়া, আমার
অস্থখ করেছে। তাই এসেছি।

মা : আত্মীয়া ! কি নাম তোমার ?

শি : আমার নাম শিবানী।

মা : শিবানী—মানে—শিবানী ?

[শিবানী এইবার ফিরে তাকায়। একটু স্তব্ধতা। তারপর
দুজনেই প্রায় এক সঙ্গে বলে]

মা : তুমি !

শি : আপনি !

মা : (কষ্টে এগিয়ে আসতে থাকেন) তুমি এতদিন পরে এখানে কি
মনে করে এসেছ ?

শি : আমি অস্থস্থ।

মা : (গভীর সন্দেহে) অস্থস্থ তুমি হ'তে পার। কিন্তু কিজ্ঞত এসেছ
তুমি। কতক্ষণ এসেছ ?

শি : অনেকক্ষণ।

মা : অমু কোথায় ?

শি : ওদিকে কোথায় গেছেন।...অনেক লোক এসেছে, তারা ডাকছিল।

মা : হঁ ! তা এত লোকজন কেন ? কে খুন হয়েছে ?

শি : এঁরা ?

মা : তুমি জাননা কিছু ?

শি : না।

মা : অনেকক্ষণ তো এসেছ তুমি, জাননা কিরকম ?

শি : (ভয়ে) হ্যাঁ, আমিও ঐরকম কি শুনছিলাম।

মা : অত ভয় পাচ্ছ কেন ? যেন খুনটা তুমিই করেছ !

শি : কি বলছেন এসব !

মা : বলছি, অত ভয়-পাওয়া ভাব দেখাচ্ছ কেন ? খুন জখম তো কলকাতায় লেগেই আছে ! আর তোমার বয়সও তো নেহাত কম হ'ল না ! (একটু চুপ) তা হঠাৎ এতদিন পরে কি মনে করে এসেছ ?

শি : এমনি দেখা করতে ! আর তাছাড়া অস্থখ করেছে।

মা : কি অস্থখ ?

শি : সে অন্তরকম !

মা : তা দেখাই যদি করতে এসে থাক তা আমার সাথে দেখা করতে গেলেনা কেন ? বুঝেছি !! বৌমার সংবাদ পেয়েই তুমি এসেছ ! তুমি কেমন মেয়েছেলে ? তিনমাসও হয়নি বৌমা গত হয়েছে। তা তোমার একটু তর সুইল না ?

শি : এসব কি বলছেন ?—আমি—

মা : তোমার কান্নার ঘটনা দেখেই আমি বুঝেছি ! ছিঃ !

শি : আপনি ভুল—

মা : কলকাতায় তো অনেকদিনই আছ, অস্থখও তোমার আজ হয়নি ! বৌমাও গেল, আর তুমিও ডাক্তার পেলেনা অস্থখ সারাবার !

শি : আপনার বৌমা মারা গেছেন, আমি জানতাম না।

মা : না: জানতে না। দেখ, আমিও মেয়েছেলে। তোমার ঐ কান্নাকাটি দেখে ব্যাটাছেলের মন ভুলতে পারে—কিন্তু আমাকে অত সহজে তুমি ভোলাতে পারবে না !

[অপমানে শিবানীর চোখ জ্বালা করে ওঠে]

শি : কিন্তু আমি তো আপনার ধরনের মেয়ে ছেলে নই, আপনি আমাকে বুঝবেন কি করে ?

মা : কি বললে ? মানেটা শুনি !

শি : মানে ? মানে—আমি নিজে মেয়ে ছেলে হ'লেও মেয়ে ছেলের কান্নায় আমার মন ভোলে—তাইনা আপনার ধোমাকে পাঠিয়ে-
ছিলেন আমার কাছে কাঁদতে, তাই না নিজে ইনিয়ে-বিনিয়ে চিঠি
লিখেছিলেন ? আর আমি ভুলে গিয়েছিলুম ! তাই আমি কেন
এসেছি তা বোঝবার সাধ্য—

মা : তোমার আস্পদা তো কম নয় ! তোমার কোন খবর আমি জানি
না মনে করেছি ! দিনকতক আগে দেখা হয়েছিলো তোমার ছোট
বোনের সঙ্গে দক্ষিণেশ্বরের মন্দিরে ! সব কথাই শুনলাম । লজ্জায়
তোমার জ্ঞাত্ত তারা সমাজে মুখ দেখাতে পারে না । বাধ্য হয়েই
তাদের বলতে হয় যে, তাদের বড় বোন মারা গেছে । তুমি মনে
করেছ এসব কথা আমি অমুকে বলব না !

শি : দক্ষিণেশ্বরের মন্দিরে দাঁড়িয়ে উপযুক্ত আলোচনা করেছেন
আপনারা ! মা কালী নিশ্চয়ই পুণ্যের ঘরে আপনাদের নন্দর
বাড়িয়ে দেবেন !

মা : দেখ ! তুমি ভাবছ আমার ছেলেকে তুমি হাত করতে পারবে ?
দাখোয়ান দিয়ে বাড়ি ধরে এখুনি তোমাকে বার করে দিতে পারি
জান ?

শি : [প্রথমে একটু চুপ করে থাকে, তারপর হঠাৎ বেন মাথায় একটা
হুইমি বুদ্ধি আসে । হেসে বলে]

অমন কাজও করবেন না যেন ! জানেন তো আমি খারাপ মেয়ে-
ছেলে ! শেষ কালে বা-তা ব'লে চোঁচাব ! হয়তো বলে ফেলব,

যে বৌ মারা বাবার পর আপনার ছেলে আমাকে ডেকে এনেছে !
সেটা কি রকম দেখাবে না ?

মা : (খত্তমত খেয়ে যায়) কেন এসেছ ? আমাকে নিয়ে খেলা করতে এসেছ ?

শি : করলে মন্দ হয় না । পনের বছর আগে একটা দাবার চাল দিয়ে আপনি জিতে গিয়েছিলেন । আজ হয়ত আমি জিতব । কে বলতে পারে ?

মা : তুমি কি সেইসব কথা বলতে এসেছ অমর কাছে ?

শি : হঁ, হঁ । কেন এসেছি—আপনি হলেন গিয়ে গুরুস্থানীয়া—বলতে গেলে আমার শাশুড়ীস্থানীয়া—আপনার কি এ সমস্ত কথা জিজ্ঞাসা করা উচিত ? আমার কিন্তু লজ্জা করবে বলতে । শুনবেন ?

মা : থাক ! শয়তানী কোথাকার ! তবে আমার ছেলেকে আমি জানি ! সে কখনো—দেশজোড়া ভার নাম । তুমি কি ভার সেই স্থানাম নষ্ট করে দিতে চাও ?

শি : পাগল, না মাথাধারাপ ! (অত্যন্ত ভালমাস্থের মত) আমি চাইব যে আমার স্বামীর স্থানাম আরও বাড়ুক । শুধু দেশে কেন বিদেশেও যাতে—

মা : এতদূর পর্যন্ত তোমাদের কথাবার্তা হয়ে গেছে নাকি ? না, না, শোন শিবানী, তুমি কি মনে করছ, এটা তুমি ভাল কাজ করছ ? তাহলে আমার অমল আর কোনদিন মাথা তুলে দাঁড়াতে পারবে ?

শি : এবার তো আপনার বৌমা নেই, কান্নাকাটি করে মন ভোলাবার কাজটা সম্পূর্ণ আপনি একাই করবেন নাকি ?

মা : ইতর ! ছোটলোক কোথাকার ! (রাগে প্রায় পাগল) এখুনি তোমাকে আমি বাড়ি থেকে বার করছি । বলব তুমি চুরি করতে এসেছিলে ! পুলিশও তো বাড়িতেই আছে বোধহয় । দেখি অমর তোমাকে কেমন বাঁচায় !

(শিবানী একটু ভয় পায় যেন)

শি : হঠাৎ কেনে যাচ্ছেন কেন ? আস্তে কথা বলুন । আপনার চীৎকারে বাইরের লোক কেউ যদি এখানে এসে পড়ে, তাহলে আপনার ছেলে সত্যিই আর কোন দিন মাথা তুলে দাঁড়াতে পারবে না !!

মা : কত টাকা চাস তুই ? টাকা দিচ্ছি বেরিয়ে যা এখান থেকে ।

শি : আপনি আবার ভুল করছেন, আমি আপনার মত স্ত্রীলোক নই !

মা : কি বললি ?

শি : টাকার জন্তেই কি আপনি আপনার ছেলেকে বড়লোকের মেয়ের কাছে বিক্রি করেন নি ? আর টাকা ছেড়ে দিয়েই কি আমি চলে যাইনি ?

মা : আমাকে অপমান করতেই কি তুই এসেছিলি আজকে । তুই পারতিস দিতে এই ঐশ্বর্য এই নাম ? এইসব তুই পারতিস দিতে অমলকে ? পারতিস ?

শি : কিন্তু আমি যা পারতাম তা ও পারনি, আমি জানি তা ও পারনি—। (একদৃষ্টে সামনের দিকে তাকিয়ে বলে) তাহলে আজ আমি আসা মাত্র ও গুরুত্ব করতে না, ও পারনি, ও কিছু পারনি । আমাদের সমস্ত কল্পনা (হঠাৎ হিংস্র হয়ে ওঠে) কেন কেন সেদিন আপনি সমস্ত নষ্ট করে দিলেন ?

মা : ওকি ! অমন করে আমার দিকে এগিয়ে আসছ কেন ?—দাঁড়াও । (শিবানী দাঁড়ায় । মা একটু ব্যঙ্গের হাসি হাসবার চেষ্টা করে) একি ! আমাকে কি তুমি খুন করবে নাকি ? (শিবানী যে ঘরে মৃতদেহটা আছে সেদিকে তাকায়) তোমার গায়ে এত শক্তি নেই যে তুমি আমাকে খুন করতে পার !

শি : এঁ্যা ? (অপ্রকৃতিস্থভাবে) খুন করতে কি গায়ের জোর লাগে নাকি ? ইচ্ছেটা চাই, ইচ্ছে থাকলে—। ওকে কেউ খুন করুক এই ইচ্ছেটা আমার ছিল—

মা : (গভীর সন্দেহে) এ কিরকম করে কথা বলছ তুমি ?

[বাইরে আবার অনেক লোকের পদশব্দ আর কথার আওয়াজ—
ডাক্তারের গলা 'এই ঘরে আসুন' শুজন। ভারী বুটের আওয়াজ।]

মা : (হঠাৎ যেন আশ্বাস পায়) ঐত ঐত ওয়া—অমু— (বলে ডাকতে যায়। মাতালের নেশা কেটে যাওয়ার মত হঠাৎ শিবানী সচেতন হয়)

শি : (চাপা গলায়) কথা বলবেন না এখন !

মা : কেন ? এসব তুমি—[আবার চীৎকার করে কাউকে ডাকতে যায়।
মুহূর্তের মধ্যে শিবানী যেন লাফিয়েই মায়ের কাছে চলে আসে।
হাত দিয়ে তার মুখ চেপে ধরে প্রাণপণে। পেছনের ঘরে কথার
আওয়াজ হ'য়েই চলে।]

শি : (চাপা গলায়) বলছি ন বারে বায়ে, কাউকে ডাকবেন না !
আবার কথাগুলো মন দিয়ে শুনুন ! ওঘরে যারা এসেছে তাদের
মধ্যে একজনও যদি আমাকে চিনতে পারে, তাহলে আপনার
ছেলের সম্মান তো মষ্ট হবেই, এমন কি হাতেও দড়ি পড়তে পারে।
কারণ আমি খুনের আসামী, পালিয়ে এসেছি ! ওরা যদি এখানে
আমাকে দেখে তাহলে ধরেই নেবে যে ডাক্তার আমাকে লুকিয়ে
রেখেছিল ! কারণ ও এখনও ওদের কাছে আমার নাম বলেনি !
আপনার ছেলেকে যদি ভাল লোক বলে জানেন, তাহলে এটাও
জেনে রাখুন যে ভাল লোকের শত্রুও অনেক থাকে। তারা এ
স্থযোগ ছেড়ে দেবে না !...টেঁচাবেন না তো ? বেশ ! (ছেড়ে
দেয়। মা আতঙ্কিত হয়ে তাকিয়ে থাকে শিবানীর দিকে।)
আমার জেজ্ঞে আর আমার—(হঠাৎ থেমে যায়)

মা : (যে মহিলাকে এতক্ষণ শুভ্র খান পরিহিতা বড়লোকের বাড়ির
দাস্তিক মহিলা বলে মনে হচ্ছিল, কোথায় তার অহঙ্কার চলে গেছে।
নীচের ঠোট ঝুলে পড়েছে, মাথার কাপড় পড়ে গেছে,—নির্বিব
সাপের অবস্থা যেন) তুমি কি সত্যি ঐ কাজ করেছ ?

শি : করেছি !

[পেছনের ঘর থেকে লোক চলে যাবার আওয়াজ নিশ্চলতা ।]

মা : কেন ?

শি : (হঠাৎ কেপে যায়) আমাকে জিজ্ঞাসা করবেন না কোন কথা !
(তারপর হঠাৎ ঘুরে বলে) আপনার জন্তে । আপনার জন্তে আজ
আমি একটা বেস্তা, একটা খুনী—একটা—আপনাকে যদি আমি
—[কোশে টিপরের ওপর অবত্রে রাখা একটা পেতলের মূর্তি ছিল ।
তুলে নেয় সেটা, যেন ছুঁড়ে মারবে, সত্যি যেন খুন করবার ইচ্ছে
হয়েছে শিবানীর]

মা : (অক্ষম আত্ননাদ করে ওঠে) শিবানী !

শি : (সন্নিবিড় ফিরে পায় । নামিয়ে রাখে মূর্তিটা) আমার কাছে কোন
কৈফিয়ৎ চাইবেন না আপনি ।

মা : আমি তো মা চাইনি ।

[শিবানী তাকিয়ে থাকে মায়ের দিকে । একটু হাসি আসে যেন
ঠোটে । পরক্ষণেই যন্ত্রণায় মুখ কুঁচকে যায় । নিজের মাথাটা
চেপে ধরে]

শি : আপনি চলে যান আমার সামনে থেকে—না হলে আমার মাথাটা
বোধহয় সত্যি খারাপ হয়ে যাবে ! (হঠাৎ কঁদে ফেলে ।)

[ভেজান দরজা খুলে ডাক্তার ঢোকে । অবাক হয়]

ডা : একি কাণ্ড ! মা তুমি কি করে নীচে—

[ডাক্তারের কথা শেষ হয় না, মা এতক্ষণ যেন কিরকম হতভম্ব হয়ে
গিয়েছিল, ডাক্তারকে দেখে যেমন অলে ভূবে বাওয়া লোক একটা
কুটো ঝাঁকড়াতে চায়, তেমনি করে ডাক্তারের দিকে হাত বাড়ায়]

মা : অম্— (কঁদে ফেলে)

ডা : কি ব্যাপার ! আমি তো কিছু বুঝতে পারছি না ! মা তুমি নড়তে
পার না বাতের ব্যাধার, তুমি কি করে—

মা : অমু—বাবা পুলিশে দে ওকে, পুলিশে দে—।

ডাঃ : চূপ কর ! কি বলছ তুমি !

মা : এতক্ষণ তো ও আমাকে চূপ করিয়েই রেখেছিল বাবা । ভয়ে আমি আধমরা হয়ে গিয়েছিলাম—।

(শিবানী হঠাৎ উঠে দাঁড়ায়)

শি : সবাই চলে গেছে ?

ডাঃ : হ্যাঁ ।

শি : তাহলে এবারে আমি যেতে পারি ?

ডাঃ : তুমি যাও ? এখনও একটু ভিড়—

মা : অমু ওকে পুলিশে দে—ওকে—

ডাঃ : আঃ মা, দয়া করে একটু চূপ কর !

মা : চূপ আমি করছি ! কিন্তু আমাকে পর্যন্ত ও খুন করতে এসেছিল । বল, এবার আমাকে চূপ করে থাকতে বল ।

ডাঃ : সেকি ! শিবানী ?

[পাশের ঘরের ঘড়িতে আওয়াজ হতে শুরু করে । শিবানী উৎকর্ষ হয় । ভাক্তারও । মা একটা কথা বলতে যায়, কিন্তু থেমে যায়]

শি : এগারটা, যাঃ ।

ডাঃ : কি যাঃ ?

শি : (প্রচণ্ড হতাশায়) জাহাজীরা চলে গেল !

মা : পুলিশে দে ওকে অমু—ওকে—

শি : কেন ?

মা : তাকা ? কেন ? নিজে মুখেই তো স্বীকার করলে !

ডাঃ : কি, কি স্বীকার করলে ?

মা : যে ও খুন করেছে ।

ডাঃ : (শিবানীকে) তুমি বলেছ একথা ? কেন মিথ্যা কথা বলতে গেলে ?

মা : তার মানে ?

ডাঃ : ও কেন খুন করতে যাবে মা, ও খুন করেনি।

মা : একী হেঁয়ালী হচ্ছে তোমাদের !

ডাঃ : খুন যেখানে হয়েছে সেখানে শিবানী কোনদিন ছিল না ত'।
পাক্ল বলে একটা মেয়ে খুন করেছিল—তাও সঠিক কেউ জানে
না ! আর সে তো পাকিস্তানে চলে গেছে জাহাঙ্গীর বলে একটা
ছেলের সঙ্গে। তার সাথে—

মা : দাঁড়া অমু—একুণি ও বললে না, যে—জাহাঙ্গীর চলে গেল ! কেন,
কেন বললো ও, ওকথা ? কেন ?

ডাঃ : মা, আমি যা বলছি তাই শোন ! শিবানী আমাদের আত্মীয়া,
অনেকদিন পর দেখা করতে এসেছে, অনেক দূর থেকে। তার
সঙ্গে আজকের ঘটনার কোন সম্পর্ক নেই। সম্পর্ক কেবল এইটুকুই
যে—আমি ডাক্তার, তাই একটা লোককে মৃত বলে ঘোষণা করতে
হয়েছে—আর সেই সময় শিবানী এখানে এসে পড়েছিল। আমাকে
এরকম ডেথ সার্টিফিকেট তো কত লোককে দিতে হয়। তার
সঙ্গে তোমার তো কোন সম্পর্ক নেই মা ! তোমার জানবার তো
দরকার নেই !

মা : আমার জানবার দরকার কতটুকু শুনি !

ডাঃ : মা, শিবানী অনেকদূর থেকে এসেছে। ওকে ওশরে নিয়ে যাও।
ওর থাকবার ব্যবস্থা করে দাও।

মা : ও এখানে থাকবে ? অমু—! ওর সব পরিচয় তুই জানিস ?

ডাঃ : আজকে এই এত রাতে ও কোথায় যাবে ?

মা : থানায়। হাজতে।

ডাঃ : না মা।

মা : অমু !!

ডাঃ : যা বলছি তাই কর মা।

মা : তুই আজ আমাকে হুমকি করছিল অমু ?

ডা : : আজকের সমস্ত ব্যাপারটাই অগ্নয়কম !

মা : অসম্ভব ! তুই, অমু তুই এতবড় অগ্নায় হ'তে দিবি ?

ডা : : অগ্নায় ?

মা : ওকে আজ যদি তুই পুলিশের হাতে না দিস, সেটা বেআইনী হবে না ?

ডা : : কিন্তু মা, বে-আইনী আর অগ্নায় দুটো এক কথা নয়। কিন্তু যাক, অনেক সময় নষ্ট হ'য়ে গেছে। তুমি ওপরে যাও মা।

মা : বে-আইনী মানেই অগ্নায় ! এই সেদিনও তুই এই কথাই বলেছিল অমু !

ডা : : তাই-ই সেটাও ঠিকই বলেছিলাম। আমি বিশ্বাসও করি তাই ! কিন্তু আজকের ব্যাপারটাই অগ্নয়কম।

মা : অগ্নায় সব সময়েই অগ্নায় ! আমি খুন করল বলে অগ্নায় হ'ল না, আর কাল খুন করলেই অগ্নায় হবে, এ কি ধরনের কথা !

ডা : : কে খুন করেছে মা ? আমি তোমাকে বার বার বলছি মা, যে— যে খুনটা হ'য়েছে তার সঙ্গে আমাদের শিবানীর কোন সম্পর্ক নেই !

মা : আমি কিছু বুঝতে পারছি না অমু ! এ কাজ যদি তুই করিস, তাহলে মানুষের জায় অগ্নায় নিয়ে আর কোন দিন তুই কথা বলতে পারবি না !

ডা : : যত সহজে বলতাম, তত সহজে আর বলতে পারব না সত্যি।

মা : একটা মেয়ে মানুষের মোহে প'ড়ে তুই— ! ছিঃ ছিঃ ! বৌমা চলে গেল, আমি কি এই দেখতে প'ড়ে রইলুম !

ডা : : মা !!

মা : না, একাজ তুই করতে পারবি না।

ডা : : তবে তুমি আমাকে কি করতে বল ?

মা : ওকে পুলিশে দে—, না হয় এখুনি ওকে বাড়ি থেকে বার ক'রে দে।

[শিবানী এতক্ষণ চুপ ক'রে ব'সে এদের দিকে তাকিয়েই কি খেন আকাশ-পাতাল ভাবছিল। এবার হঠাৎ উঠে দাঁড়ায়]

শি : (উদ্ভ্রান্তের মত) আমি যাব।—কিন্তু কোথায় ?

ডা : কাল সকালে তোমার বাবার ব্যবস্থা আমি ক'রে দেব। তোমাকে ইদুরের মত খুঁচিয়ে যাতে না মারতে পারে, অন্ততঃ সেটুকু আমাকে করতেই হবে। আমাদের পাপের একটা আংশিক প্রায়শ্চিত্ত করতে দাও !

মা : পাপ ? কিসের পাপ ?

ডা : ওকে আমরা সবাই মিলে ঠকিয়েছি মা।

মা : কখনো না। যে নিজে ভাল থাকতে চায়, তার এ অবস্থা হ'তেই পারে না। তুই ওর সম্পর্কে সব কথা জানিস না বোধ হয় অমু—।

ডা : তোমার সম্পর্কেও তো আমি অনেক কথা জানি না মা ! আর আজকে জেনেও তোমাকে তো আমি—।

মা : কি, কি জানিস তুই !

ডা : থাক মা। আমি খুব ক্লান্ত ! কাল সব চেয়ে ভোরে কোন্ প্লেন কোথায় যায়, তারই খোঁজ করতে হবে। আমি একটু ফোন ক'রে আসছি। (বেরিয়ে যায়)

[আবার দুইজন স্ত্রীলোক মুখোমুখী। মা'র চোখে খেন বিষ ঝ'রে পড়ছে।]

মা : কি বলেছ তুমি আমার নামে ? এর শোধ আমি—। চাকরগুলো গেল কোথায় সব।

শি : কেন ! কি দরকার ?

মা : তোমার সম্পর্কে একটা ব্যবস্থা করতে হবে—।

শি : কি ব্যবস্থা ?

মা : (সে কথার উত্তর না দিয়ে) সত্যি, কি দিয়ে ওকে তুচ্ছ করলে

বলড ? এ যেন আমার ছেলে নয় বলে মনে হচ্ছে ! এমন ছেলে—।

[বাইরে একটা গাড়ীর শব্দ । গাড়ী থামল । সেই চাকরটি ছুটে আসে]

চা : বাবু—

মা : কি হ'য়েছে ?

চা : পুলিশ লাশ নিতে এসেছে । বাড়ির লোকও আছে অনেক ।

মা : পুলিশ এসেছে ? শোন, দারোগা—না কে এসেছে ?—মোটকথা আমার সঙ্গে একবার দেখা ক'রে যেতে বলবি !

চা : (অবাক) আপনার সঙ্গে ?

মা : (রাগে) হ্যাঁ হ্যাঁ ! আর অমুকে একথা বলবি না ! যা অমুকে গিয়ে বল, যা বলতে এসেছিল ! টেলিফোন করছে অমু।—

চা : আচ্ছা । (চলে যেতে চায়)

মা : পুলিশকে আমার সঙ্গে দেখা ক'রে যেতে বলবি ! (চাকর বেরিয়ে যায়)

শি : (ভয়ে এবং ঘৃণায়) আপনি কি আমাকে ধরিয়ে দেবেন ?—কিন্তু কেন ? আপনার ছেলেরই বা কি হবে তাহলে ?

মা : দশ বছরের ছেলে নিরে বিধবা হ'য়েছিলাম । এই এতবছর ধরে তার ভালমন্দ আমিই ভেবেছি । আজও আমিই ভাবব ।

শি : দোহাই আপনার, একাজ আপনি করবেন না ! একদিন তো আমি আপনার উপকার করেছিলাম, অন্ততঃ সেই কথা ভেবে—।

মা : আমার ভাবা হ'য়ে গেছে ! আজ এই বে-আইনী কাজ ওকে যদি আমি করতে দিই, তাহলে জীবনে আর কোন দন ও শাস্তি পাবে ? এটা তো কোঁকের মাথায় করছে, তুকের গুণে করছে ! বুঝতে ও পারবেই একদিন ।

শি : (চোখ ভীত হ'য়ে ওঠে) কিন্তু আমি যদি বলি অমল আমাকে ডেকে পাঠিয়েছিল তাহলে ?

মা : ডেকে যখন সে সত্যি পাঠায়নি, তখন শুকথা কেউ বিশ্বাস করবে না ! এবং অমুও সেকথা বলবে না ।

শি : কিন্তু এক সময়ে তার সঙ্গে একটা সম্পর্ক ছিল—তাই আজকে ডেকে পাঠানটা অস্বাভাবিক নাও হ'তে পারে তো ?

মা : (হেসে) অমু এতখানি নির্লজ্জ হ'তে পারে না যে তার ভালবাসার কথা পুলিশকে বলতে বসবে ! তোমাকে এখান থেকে পুলিশে নিয়ে গেলেই তার মাথা ঠিক হবে ! তার ছেলের কথাটাও তো তাকে ভাবতে হবে !

শি : কিন্তু আমি তো নির্লজ্জ হ'তে পারি ! আপনার সত্যির কথা ভেবে আমি তো চুপ করে নাও থাকতে পারি !

মা : সে কথা কেউ বিশ্বাস করবে না । আর যাতে না করে সে ব্যবস্থাও করা যাবে !

শি : বিশ্বাস করবে ! তার চিঠিগুলো যে এখনো আছে আমার কাছে । নতুন ডাক্তার হ'তে যাচ্ছে, ইচ্ছে করে ডাঃ চৌধুরী বলে কত চিঠিই তো লিখেছিল আমার কাছে । যদি আমি সেগুলো দেখাই, তবু বিশ্বাস করবে না কেউ ?

[একটু চুপ]

মা : তুমি এতদিন সেই চিঠি রেখে দিয়েছ আমাকে প্যাচে ফেলবার জন্তে ?

শি : তা ছাড়া, আপনার লেখা চিঠিটাও আছে আমার কাছে ।

মা : এঁা ! সে চিঠি তো তোমার নষ্ট ক'রে ফেলবার কথা ছিল ।

শি : (একটু হাসে) আপনি জানেন যে আপনার অনেক কথাই তখন আমি মানতাম । বলতে লজ্জা নেই, যে একটা সম্পর্ক হবে বলেই মানতাম । চিঠি দিয়ে আপনি যখন সেটা ভেঙে দিতে চাইলেন, তখন আপনার হুকুমটা মানবার দরকার আর মনে হ'ল না ! তাই ওটা রয়েই গেল !

মা : (প্রায় হিসহিস করে) ডাবলে, যে কোনদিন ওটা দিয়ে আমাকে জ্বল করতে পারবে !

শি : (ঘুগার একটু চুপ করে থাকে) আমার জীবন ছিঃভিন্ন হ'য়ে যাবার কারণের দলিলটাকে নষ্ট করতে মায়া হ'তে লাগল। আজ সকালের আগে ওগুলোর দিকে তাকিয়েও দেখিনি কতদিন। আজ সকালে দেখলাম কালি দিয়ে লেখা চিঠি পনের বিশ বছর পরেও মোটেই নষ্ট হ'য়ে যায় না।

মা : উঃ : তখন তোমাকে কতই না ভাল আর মিষ্টি আর সং বলে মনে হতো। তুমি এত ভেবেচিন্তে কাজ করতে পার, তখন আমার তামনে হয়নি !

শি : আমি ভাল, —যাই কেন না করে থাকি আমি, আমি এখনও সং।

মা : লজ্জা করে না তোমার ! সং ! তাই আমাকে এই পাঁচ ফেলেছ !

শি : আমার জীবন আমাকে একটা শিক্ষা দিয়েছে, যে অসংএর সাথে অসং ব্যবহার করেও সং থাকা যায়।

মা : ঠ্যাং তাই না ? বেশী হলেও সং থাকা যায় ! খুঁজ করলেও সং থাকা যায়। আর কত বলবে ? —যাকগে, এখন কি চাও বলত ?

শি : আপনার আইনের কি হবে ? আপনার ছেলের সারা জীবনের শাস্তির ?

মা : সে কথা তোমাকে ভাবতে হবে না !

[ডাক্তার ঢোকে]

দ্যা : মা তুমি পুলিশের সঙ্গে দেখা করতে চেয়েছ ? কেন ?

[এক যুহুর্ত চুপ সব]

মা : না। আর দরকার নেই।

ডাঃ : ওঃ । (চলে যায়)

মা : বল এবারে কি চাপ । কি হ'লে আমাদের মুক্তি দেবে ।

শি : এক গ্লাস জল চাই । জল খাব ।

মা : ওঃ । চাকরদের কাউকে দেখতে পেলে বলছি সে কথা ! কাল সকালে অমুণ্ড কি যাবে তোমার সঙ্গে ?

শি : (অস্ত্রমনস্ক) কোথায় ?

মা : অমু যার অন্তে টেলিফোন করতে গেল !

শি : আমি জানি না !

মা : এখন থেকে কি তুমি যা বলবে তাই শুনেই আমাকে চলতে হবে ?

শি : (অবাক হয়ে) কেন ?

মা : তার চেয়ে এক কাজ কর না । তোমরাই এখানে থাক । আমাকে কান্ট্রী-টাশী কোথাও পাঠিয়ে দাও ।

শি : আপনার কথা ভাববার সময় আমার নেই ।

মা : এতদূর !

শি : আমাকে একটু জল দেবেন না ?

(ডাক্তার ঢোকে)

ডা : ওরা সবাই চলে গেল ।

[আবার একটু চুপ]

মা চল তোমাকে ওপরে দিবে আসি ।

[ডাক্তারের ওপর ভর দিয়ে মা উঠে দাঁড়ায় । পেছনে চাকর এসে দাঁড়িয়েছে । মা চাকরকে দেখতে পায়]

মা : ওরে ! এই—একে—শিবানীকে এক গেলাস জল দে । আর তরুবালাকে বল আমার নিয়ে যাবে । আর যৌমার বরটা খোল গিয়ে ।

[চাকর বেরিয়ে যায়]

ডাঃ : চল। শিবানী একটু বোস, আসছি আমি।

[শিবানী দাঁড়িয়েই থাকে। ঘড়িতে একটা ঘণ্টার আওয়াজ। ব্যাগটা একবার খোলে আবার বন্ধ করে। চাকর জল নিয়ে আসে। হাত বাড়িয়ে জলটা নেয়। খেতে গিয়ে নামিয়ে রাখে। বদিশ বোঝা যায় পিপাসা প্রচণ্ড]

শি : (চাকরকে) তুমি যাও, গেলাসটা পরে নিয়ে যেও।

[চাকর চলে যায়]

[শিবানী তাড়াতাড়ি গুয়ুথের শিশি থেকে সবগুলো বড়ি নিজের বাঁ হাতে টেলে নেয়। জলের গ্লাসে হাত দেয়। ডাক্তার ঢোকে। শিবানী গ্লাস ছেড়ে শিশিটাকে ব্যাগ দিয়ে আড়াল করে। ডাক্তার লক্ষ্য করে না।]

ডাঃ : বোস শিবানী। তোমার সঙ্গে কতগুলো কথা ঠিক করে নিই। কাল খুব সকালে একটা প্লেন বসে যাবে। আমরা প্রথমে বসে যাব। সেখানে গিয়ে তোমার একটা ব্যবস্থা করতে হবে। আচ্ছা, নার্সের ট্রেনিং নিতে তোমার আপত্তি নেই তো ?

শি : নার্সের কি একটা ট্রেনিং আমার নেওয়া ছিল যেন !

ডাঃ : তাই নাকি ? তবে সে যাই হোকগে। এটা করতে হবে এই কারণে যে—যাতে এদের সম্মেহ করবার সময়টা চলে যায়। এরা বিশ্বাস করুক যে পারুল পাকিস্তানে চ'লে গেছে। সেইজন্তেই ট্রেনিংটা নিতে হবে। আর নিতে হবে বস্তুতে।

শি : তারপর ?

ডাঃ : তারপর, তোমার যেমন করে ইচ্ছে তুমি তেমনি করে বাঁচবে।

শি : আমার যদি ইচ্ছে হয় যে তোমার কাছে থেকে আমি বাঁচব। তুমি আমাকে একটা সামাজিক সম্মান দেবে। পারব কি তেমন ক'রে বাঁচতে ?

ডাঃ : পারবে বোধহয় ।

শি : আমার সমস্ত ইতিহাস জানবার পরেও ?

ডাঃ : ইতিহাসটা তো আর বর্তমান নয় !

শি : (একটু চুপ) তোমার কথা শুনে প্রচণ্ড লোভ হচ্ছে বাঁচবার ।
এখনি অন্ততঃ মনে হচ্ছে অতীতটা সবটাই বুঝি কল্পনা । — কিন্তু
নাঃ । হয় না তা ।

ডাঃ : কেন ?

শি : নিজেকেই নিজের বিশ্বাস নেই :

ডাঃ : চারপাশের জগৎটা বদলে গেলে দেখবে বিশ্বাস আপন ফিরে
এসেছে ।

শি : (প্রচণ্ড চাপা আবেগে) বিশ্বাস কর. হঠাৎ তোমাকে দেবদূত বলে
মনে হচ্ছে । দুঃস্বপ্নের দৈত্যগুলো যেন সত্যি কল্পনা ! আর এই
রাতটা শুভরাত ! না না তোমাকে দেখতে এসে আঁমি ভুল করিনি ।
অমল—। [হাতটা বাড়াতে যায় ডাক্তারের দিকে । কি যেন মনে
পড়ে যায় । দুঃস্বপ্নের দৈত্য ফিরে আসে । কণ্ঠস্বর চাপা আত্মনাদে
পরিবর্তিত হয় ।]

কিন্তু পলাশের ছেলে ?—হয়না, হয়না, তা হয়না ! সেই তো
তোমার কাছে এলাম ! যেদিন তোমাকে প্রথম দেখলাম সেদিন
এলাম না কেন ?

ডাঃ : সেদিন যদি হাত পেতে নিতে পারতে, তবে অঙ্কই বা পারবে না
কেন ?

শি : তখনও পলাশের ছেলে কোথাও ছিল না । আর পলাশও—।

ডাঃ : তাতে কিছু এসে যায় না । আর ও ছেলের বিকলাঙ্গ হয়ে জন্মাবার
সম্ভাবনাই যদি থাকে—তবে—না জন্মালেও ক্ষতি নেই ।

শি : (নেশাগ্রস্তের মত) না, না, তুমি আমাকে লোভ দেখিও না ।

আজকে রাত্রেই মত ইচ্ছাটা ত' একটা গর্ত পেয়েছে, কাল আবার নাও পেতে পারে।

ডাঃ : কি বাছ বানী ? তার মানে ?

শি : আম'ন ভয় করে, ভীষণ ভয় করে কাল সকালেও কি তুমি এই মানুষ থাকবে ? যদি না থাকে।

ডাঃ : তাহলে বল যে ভয় অমাকে :

শি : না, না, আমাকেও। এত পড়রের পাকা দাগ। আমার মনের কি এত জোর হবে ? অনেক দিন আমি তোমাকে মনে মনে দোষ দিচ্ছি — তোমার মনের ভেদ কম নয়। কেন তুমি বিধে করলে নলে। কিন্তু আজ মনে হচ্ছে আমাকে তো মনের জোর কমই ছিল না হলে—তোমার ওপর রাগ করে—সে লোকটার সঙ্গে এমন করে মিশলাম কেন।

ডাঃ : কেন সে ?

শি : যে বিষয়ে কথাবার লোভ দেখিয়ে, আস্তে আস্তে আমাকে এইখানে দাঁড় করিয়ে দিলে। মনের জোর থাকলে সত্য কি এমনভাবে এমনটা হত। ন ন আজ রাত্রেই আমায় মরতে হবে।

ডাঃ : 'ক' মরবে ?

শি : তা ছাড়া সত্যি আমার কোন পথ নেই !

ডাঃ : পথ নেই ? এখন যখন আম'ম বুঝতে পারছি—সমস্ত ব্যাপারটাই সহজ হয়ে এসেছে—। সত্যি শবানী, আমাব মনের সমস্ত দ্বিধা কেটে গেছে। এমনকি মা পর্যন্ত তোমাকে মেনে নিয়েছে—।

শি : তুমি তো জান না, কেন তিনি মেনে নেননি ?

ডাঃ : কেন ?

শি : ভয়ে। তিনি পুলিশ ডাকতে চাচ্ছিলেন আম'ম ভয় দেখালাম।

ডাঃ : কিসের ভয় ?

শি : তোমার এবং তাঁর চিঠি আমার কাছে আছে ! আমি সেগুলো

দেখিয়ে কেলেঙ্কারী করতে পাতি, সেই ভয় ! কখনও কাঁদতে হবে।
কখনও ভয় দেখাতে হবে, কখনও—হয়ত—। এমন করে বেঁচে
থাকতে হবে ? কেন ? অনর্থক এ সময় নষ্ট কেন ? তারপর
শরীরের এই অবস্থা, কুৎসিত রোগে—

ডাঃ : তার চিকিৎসা হতে পারে !

শি : পারব না, আমি পারব না। গায়ের দাগগুলোর দিকে তাকাব,
আর তোমার পাশে দাঁড়াব ? হয় না, হয় না। তার চেয়ে আমাকে
একটু শাস্তিতে মরতে দাও না কেন ?

ডাঃ : আমার সামনে আমি তোমাকে মরতে দেব ? তাও তো
হয় না।

শি : আজকের মত রাত কি আর পাওয়া যাবে ? উপায় নেই, আমার
কোন উপায় নেই। এমন তো হতে পারে কাল সবাই আমাকে
চিনে কেলল। আরও কত কি হতে পারে। তাই অন্তহীন অশান্তি
থেকে বাঁচবার জন্তে আমাকে মরেই বাঁচতে দাও।

ডাঃ : সত্যি পার না তুমি ? অশান্তি অন্তহীন হয়ে চিরকাল থাকবে কেন ?

শি : বাইরের ভয়, ভেতরের ভয়, কত যুদ্ধ করব আমি ?—আচ্ছা কাল
যদি কেউ আমাকে চিনতে পারে, তখন তুমি পারবে আমার পাশে
দাঁড়াতে ?

ডাঃ : (স্থির দৃষ্টিতে তাকিয়ে থাকে শিবানীর মুখের দিকে) যদি না পারি,
দুঃখ নেই এক সঙ্গে মরা যাবে।—হয়তো এই বয়সে বাইরের লোকের
কাছে হাঙ্গরই লাগতে পারে। তবু—।

শি : (একটু যেন ভয়ে) না, না।—আচ্ছা, আমি যদি হঠাৎ এখানে
মরে যাই, তুমি শিবানী পুরস্কারের নামে একটা ডেথ সার্টিফিকেট
দিতে পার না ?

ডাঃ : দেব।

শি : আঃ বাঁচালে, না হলে ওরা আমার দেহটাকে নিয়ে কাটাছেড়া

করত তো আবার। তোমার দূর সম্পর্কের আত্মীয়া তোমার বাড়িতে বেড়াতে এসে হঠাৎ মারা গেছে। তাই সংকর তো তোমাকেই করতে হবে। এই ডিস্কেটুকু তোমার কাছে না চেয়ে আমার উপায় নেই।

ডাঃ : কিন্তু সে কথা—।

[পাশের ঘরে টেলিফোন বেজে ওঠে। দুজনেই উৎকর্ষ। ডাক্তার বেরিয়ে যায়। শিবানী আবার জলের গেলাস তুলে নেয় মুখের কাছে। চাকর ঢোকে।]

চা : আপনার জল খাওয়া এখনও হয়নি।

[শিবানী চমকে গেলাস নামায়]

শি : না।

চা : মা আপনাকে ওপরে এসে খেয়ে নিতে বলছেন।

শি : আচ্ছা তুমি যাও। আমি যাচ্ছি।

চা : জলটা খেয়ে নেন না, গেলাসটা নিয়ে যাই।

শি : (হতাশায়) যাচ্ছি ! তুমি গিয়ে মাকে বল না যে আমি আসছি এখুনি।

[চাকর চলে যায়। শিবানী আবার জলের গেলাস তুলে নেয়। বাঁ হাতটা উঠে আসে মুখের কাছে। ডাক্তার আসে। শিবানী বাঁ হাতটা লুকোয়]

ডাঃ : থানা থেকে টেলিফোন করেছিল।

শি : (ভয়ে) কেন ? জানতে পেরেছে নাকি ?

ডাঃ : হালিমকে ওরা প্রেস্তার করেছে খুনের দায়ে।

শি : হালিম চাচাকে ?

ডাঃ : হ্যাঁ। আর হালিম নাকি একবার আমাকে ডাকবার অন্ত ওদের বারে বারে অনুরোধ করছে। তাই—।

শি : হালিম চাচাকে ধরেছে ওরা ?

ডা : : হাঁ, ঐরকম আঘাত একজন স্ত্রীলোকের পক্ষে দেওয়া নাকি সম্ভব নয়। তাছাড়া পলাশের চাচার নাকি বলেছে, পলাশকে ও অনেকবারই ভয় দেখিয়েছে।

শি : যদি দেখিয়ে থাকে তা'হলে আমার জন্তেই দেখিয়েছে।
(হঠাৎ হেসে ওঠে) হ'ল না, হ'ল না !

ডা : : কি হ'ল না !

শি : ইদুরটার একটা গর্ত পাওয়া হ'ল না। বড় আশা করেছিলাম, আজকের রাতটার শেষ রাত হবে। কিন্তু না আবারও সূর্যোদয় আমাকে দেখতে হবে। সূর্যোদয়ের ওপর এত লেগে কোথাও দেখেছি কি ?

ডা : : এ সমস্ত বলছ কেন ?—আমি যাচ্ছি থানায়। দেখি কি করতে পারি।

শি : কিছু করতে পারবে না ! ছোটবেলায় ঠাকুমার কাছে শুনেছিলাম—বাঘে আর পুলিশে ভুলে আঠার ঘা। পলাশের জীবনের পরিবর্তে আর একটা জীবন পুলিশেরও চাই, আর পলাশের লোকদেরও চাই। তাই পারুল না যাওয়া পর্যন্ত হালিম চাচার নিকৃতি নেই ! হ'ল না !

[বা হাতটা খুলে বড়িগুলো ফেলে টেবিলের ওপর]

ডা : : একি ! এ তুমি কোথায় পেয়েছিলে ?

শি : তোমার আলমারিতে ! কিন্তু দরকারে লাগল না ! যাক। তোমাকে হয়তো আমাকে নিয়ে বা আমার মৃতদেহটাকে নিয়ে বিপদে পড়তে হ'ত। ভগবান রক্ষা করলেন ! আচ্ছা যাই !

ডা : : বানী ! শোন—

শি : আর কোন উপায় নেই ডাক্তার !—আচ্ছা, তোমাকে ডাক্তার ব'লে অনেক চিঠি লিখেছিলাম একসময়ে, না ?—ওঃ দাঁড়াও—

পাকিস্থানে যাব বলে তোমার সব চিঠিগুলো এই ব্যাগটায়
ডরে নিয়েছিলাম, রেখে দাও এগুলো! (চিঠি বার করতে
থাকে)—যাওয়া মাত্র ওরা নিশ্চয়ই ব্যাগটা আমার কাছ থেকে
কেড়ে নেবে!

ডাঃ : এগুলো এতদিন তুমি রেখে দিয়েছিলে?

শি : [কথাগুলো খুব স্বাভাবিকভাবে মেনে চলে]

হ্যাঁ যে অবস্থাতে দেখানোই থাকে, এগুলো এখনো সজ্জা
করা! প্রথম দিকে নাকি মারোশিপ ডে দেখতাম। তারপর
এক দশ বারো বছর পড়নি, কিন্তু ফেলো দিতে পারিনি!
বিশ্ববাস কমানটা মনো হলে বাল দা ছাড়া। ভেবে
হাসিম মরবার সময় পর্যন্ত এগুলো কাছের রাখব। রাখতে
সায় হয়েচে! কিন্তু আজ যেখানে যেতে হচ্ছে সেখানে
এগুলো— (হঠাৎ থেমে যায়, তারপর হাসবার চেষ্টা করে বলে)
এখন দেখাছ তোমার চেয়েও তোমার চিঠিগুলোর ওপরই
মাথা পড়েছিল দশী! ওগুলো আমায় অনেক দিনের সঙ্গী।

ডাঃ : (অত্যন্ত অশ্রুভৃত, বিচলিত বানী দিয়ে) হ্যাঁ, এমন করে সব
শেষ হতে পারে না! না, না একটা উপায়—। আমি আগে
খানায় গিয়ে দেখি—!

শি : অনর্থক সময় নষ্ট করে লাভ নেই। (হঠাৎ উত্তেজিত হয়ে)
দেখছ না—ভগবান আমার বিপক্ষে? আমাকে ঐ ইত্বের
মতই মতে হবে—গতের বাইরে! এই, এই আমার ভাগ্য।
আমি নিজেকে কত চেষ্টা করলাম, তুমিও তো একটু আগে কত
চেষ্টা করলে—হ'ল কি কিছু? হালিম, হালিম চাচা, আমার
একমাত্র বন্ধু,—তাকে যত ভাড়াভাড়ি পারি আশ্রয় করাই
কি আমার উচিত নয়!

ডাঃ : কিন্তু—।

শি : হালিম চাচার বাড়ি গয়াজেলার কাছে কোথায় যেন ! সেখানে
ওর বৌ, ওর ছেলে মেয়েরা থাকে । প্রত্যেক মাসে ও টাকা
পাঠালে তবে নাকি চলে তাদের ! তাই কোথাও আর কোন
কিছু থাকলে চলবে কেন ?—চলি—

[দরজা পর্যন্ত চলে গিয়ে হঠাৎ ফিরে দাঁড়ায়]

ডা : বানী—। (গলা বন্ধ হ'য়ে আসে যেন)

শি : আমার ভয় করছে । ভীষণ ভয় করছে !

ডা : [কাছে এগিয়ে যায় । হঠাৎ হাত ধরে] তবে থাক ।
বানী—। [একটু শুকুতা]

শি : না : ! আজকে তোমার কাছে যা পেলাম, তাই দিয়ে বাকী
দিনকটা কাটিয়ে দিতে পারব মনে হয় । আমার জন্তে
এইটুকু শুধু কামনা ক'রো, ততটুকু মনের জোর শেষদিন পর্যন্ত
যেন আমার থাকে ।

ডা : চল আমি তোমাকে পৌঁছে দিয়ে আসি ।

শি : না । এ যাত্রার ডাক কেবল আমার একলার জন্তে । একলাই
যেতে হবে ।—আচ্ছা ডাক্তার, চলি ।

[দরজা দিয়ে বেরিয়ে যায় । ডাক্তার চূপ ক'রে দাঁড়িয়ে
থাকে । পর্দা নেমে আসে]

সুতরাং

প্রযোজনা—বহুরূপী

প্রথম রক্তনীর অভিনয়ের চরিত্রলিপি

সত্যব্রত—অরিজিৎ গুহ।

স্বত্রতা—তৃপ্তি মিত্র।

লক্ষ্মীবুড়ো/অজিত/নারায়ণ/ — কুমার রায়।

গোপালের মা/কুন্তলা/চামেলী/ — গীতা চক্রবর্তী।

মণ্টু/ফটিক/দীলু—দেবতোষ ঘোষ।

ফুণ্টু/অভী/কিবলিস--শঙ্কর ঘোষ।

গুপ্ত/মদনবাবু—শান্তি দাস।

লোকটি—অসিত দাশগুপ্ত

রামজী সিং--উৎপল ভট্টাচার্য

অত্যা ভূমিকায়—সমীর চ্যাটার্জি, অজয় সেনগুপ্ত, শ্যামজীবন ঘোষাল।

স্মৃতিস্মরণ !

॥ প্রথম অঙ্ক ॥

[কোলকাতার কাছে দক্ষিণ চব্বিশ পরগনায় কোন আয়গা। নিম্ন মধ্যবিত্তের বাড়ি। মঞ্চ সাজানোর কোন বাধাধরা নিয়ম নেই। পর্দা উঠলেই দেখা যায়, অল্প আলোয় একটি ছেলে আর একটি ঘেরে উত্তেজিত হয়ে কোন আলোচনা করছে; কিন্তু কোন কথা শোনা যায় না। আলো বাড়ল, এইবার তাদের স্পষ্ট দেখা গেল। ছেলেটির হাতে একটা পিস্তল।]

সত্য : হল তো? এবার ধর। আরে না না, ও রকম করে না।

এই রকম করে ধর। আরে কী হল?

স্বভ্রতা : না রে আমি পারবো না। ও আমার দ্বারা হবে না।

স : হতেই হবে। অবস্থা দেখছিল না চারদিকের। নে ধর, একটা অনেস্ট এফার্ট তো করবি।

স্ব : আমার ভয় করছে, আমি পারবো না।

স : ওঃ আর চোখের সামনে যদি আমাকে খুন করে যায়—তখন দেখতে পারবি তো?

স্ব : চূপ কর। অলুঙ্ঘণে কথা বলবি না?

স : অলুঙ্ঘণ! বেশ না হয় নাই বললাম। কিন্তু অনন্তদার কথা মনে পড়ে না?

স্ব : আঃ তুই চূপ করবি—

স : তোর জীবনটা নষ্ট হয়ে গেল তবু—

স্ব : কিন্তু ভেবে দেখ। একটা জলজ্যান্ত মানুষকে কী করে আমি—
অনেক বক্ত বেঁকবে তো তার। তার যা থাকতে পারে, তার বোন থাকতে পারে—

স : আর যেমন অনন্তদার তুই ছিলি, কিংবা তোর চাইতে আর একটু

ভাল অবস্থা তার। হয়তো সে বিবাহিতা স্ত্রী। আর তোর তে
বিয়েই হল না।

স্ব : হ্যাঁ, আমার বিয়ে হোল না। সেদিন আমার নিজের চাইতে বাবার
জন্তে বেশী কষ্ট হচ্ছিল। বাবা ধার দেনা করে আমার জন্তে
গয়না গডিয়ে এনেছিল।

স : আর যেদিন বাবা গয়নাগুলো বাড়িতে আনলো, সেই দিনই—মনে
আছে, মনে আছে, দিদি ?

স্ব : আছে, আছে সব মনে আছে।

স : তবে কিস্ত-বিস্ত করছিস বেন ?

স্ব : কিস্ত আমি যে শুনেছিলাম অনেক রক্ত পড়ে'ছিল ওর। অনেক
রক্ত। উঃ সেইদিন, সেইদিন ছিল একটা বিশেষ দিন। আমি
সারাদিন বাম্বা বাম্বা করে, গা' ধুয়ে ও আসবে বলে অপেক্ষা
করছিলাম।

স : কিস্ত অনস্তদা এল না। [সত্য অন্ধকারে মিলিয়ে গেল]

স্ব : তার বদলে এলি তুই। [দৃশ্যাস্তর, আবহ সংগীত এবং আলোর
বদল। স্মৃতি গুনগুন করে গান গাইছে। সত্য খুব দ্রুত প্রবেশ
করে।]

স্ব : কীয়ে, কী হয়েছে ?

স : কী আবার হবে ?

স্ব : কিছু যেন লুকোচ্ছিস ?

স : কী আবার লুকোবো ?

স্ব : তুই যখন ঘরে ঢুকলি, মনে হল তোকে কে যেন তাড়া করেছে।

স : বাবা ফেরেনি ?

স্ব : না, বাবা একটা টিউশনি নিয়েছে। হ্যাঁরে, অনস্তদা এখনে
এ'লো কেন রে ?

স : রোজ তো আর অনন্তদা আসে না।

সু : বাবে আজ যে অনন্তদার জন্মদিন, আমি পায়ের রান্না করেছি।

স : কেলে দে।

সু : ঐ রকম করে কথা বলছিল কেন রে ? বদ ছেলেদের সঙ্গে মিশে খুব ওস্তাদ হয়েছ ? না ?

স : অহুদার সঙ্গে তোর বিয়ে হবে না।

সু : তোর ছকুমে ? [কিছু লোকের গলার আওয়াজ] কিরে তুই অমন চমকে উঠলি কেন ?

স : ও কিছু না।

সু : বিয়ে হবে না কেন বললি ?

স : ওটা একটা কথার কথা। অহুদার বাবা কী সব টাকার কথা বলছিল না ?

সু : জাকা ! অহুদা যেন বাবাকে কেয়ার করেছে বিয়ের ব্যাপারে। এতদিন পরে অহুদার বাবার টাকা চাইবার কথা উঠছে কিসে রে ?

স : না, মাঝে মাঝে বঙ্গুস বুড়োর মুখটা চোখের সামনে ভেসে ওঠে।

সু : অবশ্য একটা কথা ঠিক। বাবা হয়তো ওই ভেবেই—টিউশনি নিয়েছে আর একটা।

স : আরও একটা ? বাঃ বাঃ চমৎকার !

সু : আমি অনেক করে বারণ করেছিলাম। অহুদাও খুব রাগ করেছিল। বাবা বলে—আরে ওসব না। সু বি আমার একটা মেয়ে। আমারও তো গলায় কানে একটু সোনা দিতে ইচ্ছে করে, না কি !

স : তোমারও একটু লোভ ছিল। কিন্তু—

সু : কী কিন্তু ?

স : না, কিছু না, এমনি—

সু : কী হয়েছে রে ? বেশ বাবা, না বললি না বললি। একটা কাজ করবি ?

স : কী ?

সু : একটু দেখে আসবি অহুদা বাড়ি কিরেছে কিনা ?

স : আমি পারবো না।

সু : তুই আজ এমন করছিস কেন রে ?

[বাইরে কথার আওয়াজ]

স : দিদি, কেউ ডাকলে বলিস, আমি বাড়ি নেই।

সু : কেন ? [বাইরে কণ্ঠস্বর “সত্য, এই সত্য !”] সত্য বাড়ি নেই।
[কণ্ঠস্বর : “সত্যি !”] সত্যি না তো কি মিথ্যে ! [ফিরলে
বলবেন লালুণা ডেকেছে। বেশী চপ দেবার চেষ্টা না করে
জাড়া জাড়া ডি যেতে বলবেন। ”]

সু : এই সত্য, কোথায় কী করে এসেছিস ?

স : আমি কিছু করি না।

সু : তবে ? বল সত্য, বল।

স : আমি যে দেখে ফেলেছি রে দিদি, আমি যে শুনে ফেলেছি।

সু : কী দেখে ফেলেছিস ? কী শুনে ফেলেছিস ?

স : ঐ ডোবাটার ও পাশের পোড়ে বাড়িটার কথা মনে আছে তোমার ?
ছোটবেলায় আমরা ওখানে খেলতে যেতাম, আর কী ভয় করতো ?

সু : আমার কিন্তু ভয় করতো না। না না, করতো। একটু একটু
করতো। ভয় ছাপিয়ে একটা জিনিস মনে হতো। মানে আমি
স্বপ্ন দেখতাম—হঠাৎ কোন গুপ্তধন পেয়ে যাবো ওখানে। যা
আমাদের সবাইকে বাচিয়ে দেবে। মার তখন কী ভয়ানক
অসুখ। কিন্তু ওখানে কী হয়েছে ?

স : অহুদার সঙ্গে বিয়ের কথা ভুলে যা।

সু : কী হয়েছে ? সত্যি করে বল সত্য।

স : লালু পালেয়া ওখানে অনন্তদার বিচার করছে।

সু : কী ! দু বছর আগে তো অহুদা ওদের পাটি ছেড়ে দিয়েছিল,
দু বছর পর তার বিচার কেন ? কিসের বিচার ?

স : বিচারও ঠিক নয় রে দিদি—ওরা অহুদাকে খুন করবে ।

সু : সতু—[সত্য সূত্রতার মুখ চেপে ধরে]

স : টেচাসনি দিদি । যদি বাঁচতে চান, বিষের কথা ভুলে যা ।
অহুদার কথা ভুলে যা ।

সু : আমি যাবো । [ঝেঁতে চায় । সত্য আটকাষ ।]

স : পাগলামি করিস নি দিদি মরবি ।

সু : আমি বাঁচতে চাই না । আমাকে ছেড়ে দে ।

স : কিন্তু আমি বাঁচতে চাই । তুই ওখানে গেলে সবাই বুঝতে পারবে
না আমি তোকে বলেছি ?

সু : আমি তাহলে কী করবো ?

স : কিছু না ।

সু : আমার কথা ছেড়ে দে ! অনন্তদা না থাকলে আমরা বাঁচতাম ?
তোরা লেখাপড়া হত ?

স : লেখাপড়া হবে কী হল ?

সু : কী হল ?

স : হ্যাঁ, হ্যাঁ, কতগুলো স্বপ্ন দেখতে শিখলাম । কিন্তু তারপর—

সু : কিন্তু সেজন্ত কি অহুদা দাগী ?

স : হ্যাঁ । অহুদা, বাবা, তুই, তোরা মরবি । কিন্তু কী লাভ হবে
এসব কথা ভেবে !

সু : আমার যেতে দে । তুই কোথাও পাল ।

স : কোথাও জাবগা নেই । আমি যে জেনে ফেলেছি ।

সু : তাই যদি হয়, কোন উপায়ই যদি না থাকে, তাহলে কেন অহুদাকে
বাঁচাবার চেষ্টা করবি না ?

স : লাভ নেই। পারবো না। অহুদা মার্কড, চিহ্নিত। আমি চিহ্নিত হতে চাই না।

সু : আমি পুলিশে যাব।

স : পাগল, কী হবে। ওরা এসে বড় জোর ঐ 'কচি' বলে ছেনোটাকে ধরে নিয়ে যাবে। ঐ যে বিধবা মায়ের ছেলে সম্প্রতি ওদের দলে যোগ দিয়েছে। ওর মত দু' একটা ধরতে পারে। মার দিয়ে আধমরাও করতে পারে। কিন্তু লালুদাদের তাতে কিছু এসে যাবে না—অহুদাও বাঁচবে না।

সু : ওয়ে দেরি হয়ে যাচ্ছে।

স : ঘটনাটা ঘটে গেলে ওতে কিছু এসে যাবে না।

সু : তোর মন নেই, হৃদয় নেই।

স : তাই বেঁচে আছি।

সু : আনোয়ার, দরজা ছেড়ে দে বলছি।

স : সামান্য একটা মানুষ অহুদা—স্বপ্ন দেখতো, আমাদেরও স্বপ্ন দেখাত। কিন্তু কী এসে যায় তাতে বল? [বাইরে গুলির আওয়াজ। সুব্রতা আতঁনাদ করতে যায়। সত্য ওর মুখ চেপে ধরে। সুব্রতা অবশ হয়ে যায়। সত্য ওকে আন্তে আন্তে গুইয়ে দেয়।] সামান্য একটা মানুষ অনন্ত বসু। কী এসে যায়, এঁ্যা! অনন্ত বসু—যে আমাদের স্বপ্ন দেখতে শিখিয়েছিল। ঐ যারা ওকে গুলি করল, তাদেরও শিখিয়েছিল। আজ যদি আমরা অনন্তদাকে বাঁচাতে যেতাম—পারতাম না। একটা কথা আমি বুঝতে পারছি। এখনি পারলাম। আমাকে আরও চালাক হতে হবে। বুদ্ধিটাতে শান দিতে হবে। যাতে এর শোধ একদিন নিতে পারি। অনন্তদাকে যারা মারল তাদের আমি ছাড়ব না দিদি। [সুব্রতা উঠে বসেছে। তার দৃষ্টিতে ভাষা নেই। সত্য দিদিকে ধরে নাড়া দেয়।]

- স : দিদি, দিদি, আমার দিকে তাকা। শোন, অনন্তদা নেই। অনন্তদা মরে গেছে! মরে গেছে অহুদা। কিন্তু গুপ্তধন হয়ে ঐ শোড়' বাড়িতে থাকবে। কেউ জানবে না। দিদি কেবল তুই আর আমি—অহুদাকে নিয়ে একটা লুকোচুরি খেলা শুরু হবে তোতে আর আমাতে। বুদ্ধিটাকে বাড়াতে হবে দিদি। অহুদা মরে গেছে [সুত্রতা হাহাকার করে কেঁদে ওঠে। আবার আগের জায়গায় সুত্রতা। সুত্রতা কঁদছে। আগের দৃশ্য]
- সু : কিন্তু গুপ্তধন হয়ে ত অহুদা থাকেনি।
- স : না পুলিশে লাশটা নিয়ে গিয়েছিল। বজ্রিশটা ছোরার আঘাতের ওপর একট পিস্তলের মোক্ষম মার ছিল মাথার পাশে। অহুদার মৃত্যুর ছ দিন পর পুলিশ দেহটা আবিষ্কার করলো, না?
- সু : হ্যাঁ। তার তিন দিন পরে বাবার হার্ট অ্যাটাক হল। পুলিশ এমন ভাবে কথা বলছিল যেন আমাদের বাবাকে আমরাই খুন করেছি।
- স : সত্যি। যারা খুন করে তাদের ধরতে পারে না।
- সু : ইচ্ছে করলে সবই পারে।
- স : এক বছর হয়ে গেল—আমাকে ধরতে পেরেছে?
- সু : সত্য! ও কথা উচ্চারণ করিস না। এখানকার হাওয়ায় কথা উড়িয়ে নিয়ে যায়।
- স : কিন্তু ভাবতেও ভাল লাগে যে দিদি, যে, ঐ লালু পাল আর পৃথিবীতে নেই।
- সু : কিন্তু ওর চেলারা আছে।
- স : তাই তো বলছি দিদি, ওর চেলারা যেদিন মারতে আসবে—
- সু : আসবে?
- স : আসবেই। সেদিন তোকে যেন দাঁড়িয়ে দাঁড়িয়ে কঁদতে না হয়।
- সু : না। কঁদবো না। কেঁদে যে কিছু হয় না তাতো জানি। কিন্তু

তবু কাদি—আবার ভাত খাই। ভাত খাই বলে রেশনে লাইন দি, কেরোসিনে লাইন দি, জলে লাইন দি। কাদি, তারপর আবার উত্থন ধরাই, কুটনো কুটি, ভাতের জল চাশাই—আবার কাদি—তরকারীতে খাদ আনার জন্তে বাগানে লক্ষা তুলতে যাই—আবার কাদি! এই যা—একদম ভুলে গেছি!

স : কী ভুলে গেলি?

সু : তুই সকালে যাবার সময় বলে গেলি না, তোর বাগানে জল দিতে—বিবেল গড়িয়ে সন্ধ্যা হ'ল—

স : কী আশ্চর্য, তুই জল দিসনি! আর আমি নিশ্চিন্ত হয়ে তোকে পিস্তল চালানো—যা: চন্দ্রমল্লিকার চারাগুলো বোধ হয়—[সত্য বাগানে চলে যায়। কোথাও কোন আশ্রম জাতীয় জায়গা থেকে সংকীর্ণনের সঙ্গে প্রচণ্ড খোল করতাল বেজে ওঠে।]

সু : এই শোন. তোর কুমড়ো পাতাগুলোতে বোধ হয় পোকা লেগেছে, একবার দেখে নিস। প্রথম যখন এ পাড়ায় আসি তখন ১০.১২ বছর বয়স আমার। পূর্ব পাকিস্তান থেকে কী একটা ব্যাপারে পালিয়ে নৌকো স্টিমার, রেল, তারপর হাঁটা পথ—বেনেপোল—একে টাকা, ওকে গয়না দিতে দিতে বাবা আর মা যখন আমাদের নিয়ে এখানে এসে পৌঁছালো তখন, তখন সব নিঃশেষ। সত্য তখন এইটুকুখানি, একটুকু এক বাচ্চা। তখন ঐ অহুদা, অনন্ত বহু নিজের বাবার সঙ্গে ঝগড়া করে এই জায়গাটা আমাদের পাইয়ে দিল। কোথা থেকে কী ঋণ এনে দিল বাবাকে—ঘর উঠল—বাবা ওই ছোট বাগানটা করলো। কিন্তু মা-র কীয়ে অসুস্থ হল! বাগান করার খাতটা সত্য অবিকল বাবার মত পেয়েছে। কিন্তু এই খুন করবার খাত? সে বুঝি এই শহরতলির খাত? নাকি রাজনীতির শিকারদের বুঝি এই রকম খাত হয় কিন্তু অহুদা, অহুদা তো কাউকে—তবে কেন এমনভাবে—উঃ মাগো! সত্য

প্রতিশোধ নিয়েছে। লালু পালের দেহটাকে অনেক ফুল দিয়ে সাজানো হয়েছিল। লালু পাল তো শহীদ! আর অনন্তদার—! সত্যকে ওরা ভাকতে এসেছিল—সত্য তখন জরে অজ্ঞান। ওরা জানতো সত্য ওদেরই একজন। অনন্তদার মৃত্যু—বাবার মৃত্যু, সত্যকে ধূর্ত করে তুলেছে। আর আমাকে—আমি কী করতে চাই আমি জানি না। [কেঁদে ফেলে। সত্য ঢোকে—হাতে দুটো ফুল।]

স : এই নে! গাছে জল দিসনি বলে এই একটা পুস্কায়। (একটা ফুল দেয়) আর পিস্তল ছোঁড়া শিথলে পারিসনি বলে এই আর একটা...। এইবার একটু চা কর। নাকি আমি নিজেরই করে নেব? তুই বরং বসে বসে ভাব আর একটু কাঁদ। ওরে বেন এমন হল রে! ওরে গত বছর কত ভাল ছিলুম রে! ওরে সত্যর চাকরিটা কবে পাকা হবে রে! হাসছিল কী? কাঁদ। আমি বলে তোকে হেল্প, করবার চেষ্টা করছিলাম আর তুই হাসছিল। যাই চা-টা করে ফেলি—তোর চায়ে চিনি দেবো না হুন দেবো? চিনি দিলে চোখের জল পড়ে বিভূত বিশ্বাদ হবে, তার চাইতে হুন দিই।

স্ব : কোথায় যাচ্ছি—আর আমাকে একটু হেল্প, কর তোর কথাই ঠিক। তৈরী থাকতেই হবে। প্রতিশোধের যুগ তো!

স : (হাসি মুখে এগিয়ে আসে)। শোন আগে কয়েকটা খুব দরকারী কথা বলি। যদি একেবারে সরিয়ে ফেলতে হয়, আর খুব ভাড়াভাড়ি, তাহলে সোজা বৃকে এই রকম জারগায়। আর কোন লোককে, খর তুই কষ্ট দিতে না চাস, সরিয়ে ফেলতে চাস জানতেই দিতে চাস না—তাহলে ঘুমের মধ্যে মাথার ঠিক এই জারগাটাতে। আর যদি সিচুয়েশন এমন হয় যে...তাহলে যে কোন জারগায়।

তলপেটে মারলে অনেককণ ছটফট করবে—আর বুঝতে পারবে তো যে এইবার মরতে হবে অথচ কিছু করার থাকবে না। মেধর, এইবার টান।

সু : কিছু আওয়াজ হবে যে !

স : ধুর ! আজকাল এরকম আওয়াজ তো এখানে ওখানে কত জায়গায় হচ্ছে। পাশের আলমে কীর্তন হচ্ছে, তার হরে কৃষ্ণ হয়ে রামের আড়ালে...

[গুলির আওয়াজ। অল্প দৃশ্য, ছুটি ছেলে।]

১ম : সমস্ত ব্যাপারটাই বাজে। চারদিন হয়ে গেল একটা লোকের খবর নেই...আর...

২য় : এ রকম কি প্রথম হল নাকি ? যত ছেলে এখান থেকে নিখোঁজ হয়েছে সবায় খবর পাওয়া গেছে ?

১ম : ঠিক। আর যখন পাওয়া যায় তখন মামুষটা আর মামুষ থাকে না—লাশ হয়ে যায়।

২য় : কেয় শালা লাশ। হাজারবার বলেছি না যে লাশ বলবি না, বলবি নিরুদ্দেশ।

১ম : সুবিদিটার কপালই খারাপ। অন্যদুটা ওই রকমভাবে মারা গেল—বাবাটা তার পরেই গেল, এখন ভাইটার খবর নেই।

২য় : এখন কোনদিন আর খবর এলে হয়।

১ম : তাহলে মাইরি সুবিদিটা কী করবে ?

২য় : কিছু ভাবনা নেই রে—কথায় আছে না—তুমি যাও বড় কপাল আছে সঙ্গে। কপাল ঠিক একদিকে নিয়ে যাবে। মেয়েছেলের কপাল সাংঘাতিক কপাল রে। কে জানে ! লক্ষী বুড়োর সেবা করে বাকী জীবনটা কাটাতে হবে কিনা ?

১ম : সুবিদি !

২য় : আরে যাঃ যাঃ ওরকম অনেক দেখা যায়। জানি জানি প্রথমে

আমরাই সিটি দেবো—রাস্তায় চলার বায়োটা বাজাবো—ভারপর
সুবিদি যখন অনেক পরসা করবে—তখন ফাংশনে সুবিদিকেই
প্রেসিডেন্ট করে নিয়ে আসবো।

১ম : মাইরি। আমরা শালারা এক একটা চীজ রে !

২য় : শুধু তাই নয়রে। যে সব বড় বড় লোক প্রধান অতিথি হয়ে
আসবে, তারা সুবিদির সঙ্গে হাওশেক করবে।

২য় : কথাটা গুরুত্ব ভাবে বলবার কিছু নেই। যারা জাল করছে,
খাবারে গুরুত্ব ডেজাল দিচ্ছে—ঐ লক্ষী বুড়োরা, তাদের সঙ্গে
যদি হাওশেক করা যায় তবে এসব মেয়েরা তো তুচ্ছ, তুচ্ছ।

১ম : এই যা বলেছ রাজা।

২য় : বরং বল—আমাদের বলা উচিত, মাতৃগণ তোমাদের জন্ত যাহা
করার দরকার ছিল আমরা তাহা পারি নাই—সেজন্ত আমাদের
কমা করিও।

১ম : তুই শালা একেবারে ব্যাকডেটেড। আজকাল কারো জন্তে কেউ
কিছু করে না। সব নিজের জন্তে। [স্বরতা ঢোকে]

স্ব : এই যে ফুন্টু, কোন খবর এখনও পাওনি ?

ফুন্টু : ভাবনা নেই সুবিদি, এরকম কত হয়।

স্ব : তাই জন্তেই তো ভয়।

ফু : না না তা বলছি না—হয়তো কোন কারণে আপনাকে ঠিক বলে
যেতে—

সন্টু : সতুদা ! সতুদা তো ইন্টারভিউ দিতে গেছে।

স্ব : ইন্টারভিউ ? কোথায় ? কৈ আমাকে তো—

সন্ : কী করে বলবে ? পোস্ট অফিস থেকে তো চিঠিটা নিল। আমি
তো বাই চান্স সেখানে ছিলাম। বলল “সন্টু, কাউকে বলিস
না, ফিরে এসে দিদিকে এ্যাইসা একটা স্টান্ট দেখ না।”

স্ব : বাঃ ! তোমাকে এই রকম বলে গেছে, আর তুমি আমাকে বলোনি। বাঃ আশ্চর্য !

সন্ : কী করবো ! সতুদা বার্ষণ করল !

স্ব : তবু আমাকে তোমার বলা উচিত ছিল। ছিঃ ছিঃ, আমি চারদিন ধরে পাড়ার লোকদের উদ্বাস্ত করে বেড়াচ্ছি। ছিঃ ছিঃ ছিঃ !
[চলে যায়]

ফু : এই, এরকম ঢপ দিলি কেন রে ?

সন্ : মেয়েছেলের চোখে জল দেখলে আমার ভেতরটা হাঁচড় পাঁচড় করে। মাইরি এত কষ্ট হচ্ছে।

ফু : কিন্তু এখন কী হবে ? এরপর যদি কিছু হয়, সুবিদি তো বলবে সন্টু অমুকদিন, অমুক সময় সতুকে দেখেছিল, তখন ?

সন্ : মাইরি এতো দেখছি একটা কেলো হয়ে গেল। একদম মনে হযনি এই কথাটা, মনে হল সুবিদিকে তো কাদতেই হবে সারাজীবন— একটা পুরিষা দিবে, দি এখন—গিষে ভাতটাত থাক—

ফু : তুই কিন্তু ডেজাবাশালি সাশের গর্তে পা দিলি ! এ যে কে কোনদিক থেকে কী করছে বোঝবার জো নেই !

সন্ : যাক, যা হবার হবে। সাত বছর ধরে বেকার বসে আছি। বাড়িতে মা বলে ভাত দেব না, ছাই দেব। বাবা শালা তো কথাই বলে না। যদি এই হাজামায় কিছু হয়ে যায় তো হয়ে যাক। আর ভাল লাগে না। বোস্। সেই সকাল দিয়ে একটা কথা মাশায় ঘুরছে মাইরি—তাকে তখন বললুম বটে কিন্তু সতুদাটা গেল কোথায় ?

ফু : যায়নি। নিয়ে গেছে। একটা কথা কানে এসেছিল দোস্ত। কাউকে যদি না বলিস তো বলি।

সন্ : বল না ভাড়াভাড়ি।

ফু : অনেকে সন্দেহ করছে, লালুদার খুনের সঙ্গে ওর সম্পর্ক আছে।

সন্ : বাঃ তা কী করে হবে ? ও তো বলতে গেলে লালুদার ডান হাত ছিল।

ফু : আমিও তো তাই জানতাম। কিন্তু—

সন্ : তুই যা বলছিল তা যদি সত্যি হয় তাহলে একটা আয়গায় খোজ করা যায়।

ফু : কোথায় ?

সন্ : বেঁচে আছে কি না জানি না। ওদের টর্চার চেয়ার আছে না ? তার পাশের গলিটার কাছে।

ফু : পাগল হয়েছিল নাকি ? ওইখানে কে বাবে ? জানের ভয় নেই ? জানের মায়। থাকে তো এইখানে—

সন্ : আরে না না। আমরা কি আর শোভাযাত্রা করে যাচ্ছি। তুই একদিক দিবে, আমি একদিক দিয়ে, গিয়ে শুঁকে নিয়ে ফের এইখানে এসে ডিসপার্স।

[ওরা চলে যায়। দৃশ্যান্তর। স্বতন্ত্রাদের বাড়ি]

স্ব : এ কী এক অন্ধকার যুগ ! ভয়, খালি ভয়। আমাদের সমস্ত অহুভূতি চাপা পড়ে একটা অহুভূতিই বড় হয়ে উঠেছে—ভয়। আমরা কিছুই তো পাই না আমরা খেতে পাই না, কাপড় পাই না। শুধু নিজের লোকের একটু ভালবাসা, তাও পাব না। তাও আমরাই নষ্ট করে দেব ? [চিৎকার করে। সত্য তুই কোথায়— সত্য ! [লক্ষ্মীবাবুর প্রবেশ]

ল : সত্য কোথাও নেই।

স্ব : কোথাও নেই ? আপনি জানেন নাকি ? খবর পেয়েছেন কিছু ?

ল : আমি কোথেকে খবর পাবো ? তুমি সত্য সত্য করে চেষ্টা করলে, তাই বললুম, সত্য এ জগতে কোথাও নেই। আমি তোমার ভাই সত্যর কথা বলিনি। তোমার দুঃখর কথা কদিনই শুনছি, তাই ভাবলাম একটা খবর নিয়ে যাই। গোপালের মা, মানে আমার

দ্বী, বলছিলো মেয়েটার দুঃখ দেখলে চোখে জল রাখা যায় না। একা একা বাড়িতে চমকে চমকে উঠছে। আমাদের বাড়িতে এসে কদিন থাকতে বলো।

স্ব : আপনাদের বাড়িতে ? না না, তাহলে সত্যর গাছে জল দেবে কে ?

ল : তুমি এই তুচ্ছ ব্যাপার নিয়ে মাথা ঘামাচ্ছ ! ছিঃ ছিঃ ছিঃ ! সে আমার অনেক লোকজন আছে, পাঠিয়ে দেব। চল, চল।

স্ব : তাছাড়া ইন্টারভিউ দিয়ে যখন ফিরে আসবে—

ল : ইন্টারভিউ দিতে গেছে ? সত্য ? [খ্যাক খ্যাক করে হাসে] কে তোমায় বললে এসব কথা ?

স্ব : [হঠাৎ সাবধান] ওঃ তা ইন্টারভিউ দিতে যাবনি সে কথাই বা আপনাকে কে বললে ?

ল : এখানে আর কে কী বলে বলো—সব বুঝে নিতে হয়।

স্ব : আপনি কী বুঝে নিয়েছেন ?

ল : যে তুমি এবার থেকে আমাদের বাড়িতে থাকবে।

স্ব : কেন ?

ল : একলা থাকা উচিত নয় বলে। বয়সটা তো ভাল নয়।

স্ব : আপনার বয়স তো বেশ ভাল জায়গায় পৌঁছেছে। আপনি একলা থাকেন না কেন ?

ল : একলা, আমি ? কোন্‌ দুঃখে ? একলা থাকতে পারিও না, আর তোমাদেরও একলা রাখতে চাই না। শোন, ভাই আর কিয়বে না, এস। দুঃখ থাকবে না। কী করবো বলো আইনে আটকায়, নইলে বামুনের ছেলে শালগ্রাম শিলা রেখেই……

স্ব : তবে যে বলেছিলেন গোপালের মা দুঃখ দেখে আমাকে—

ল : ওটা বলতে হয়। তোমাকে একটু বুঝে নিচ্ছিলাম।

স্ব : তা কী বুঝলেন ?

ল : সোজা আঙুলে না উঠলে বঁাকা আঙুল লাগে।

সু : তার দয়কার হবে না। সত্যর খবর ঠিক করে বলুন। সত্যি করে বলুন। তাহলে আপনার সোজা আঙুল সোজাই থাকবে।

ল : সত্যি বিশ্বাস কর, সত্য আর কোনদিন কিরে আসবে না।

সু : কেন ?

ল : তোমার ভাই আর কোথাও নেই। কী করবে বল, সবই অদৃষ্ট ! চল এবারে।

সু : কোথায় ?

ল : ঐ যে বললে সোজা আঙুলেই হবে।

সু : ও আমি আপনাকে বুঝে নিচ্ছিলাম।

ল : দেখ, ভাল করলে না, ভেবেও দেখলে না। কারণ রেহাই তুমি পাবে না। ঐ লালুর চেলাচামুণ্ডারা তোমাকেও রেহাই দেবে না। তাছাড়া অনন্তর সঙ্গে তোমার সম্পর্কটা তো কারো জানতে বাকি নেই—বলতে গেলে তুমি তো তার রক্তিতাই ছিলে।

সু : আপনি একটা আস্ত শয়তান !

ল : হেঁ, হেঁ, ডাক্তারের কাছে কী সব করতে টরতে গিয়েছিলে—

সু : মিথ্যে কথা। একেবারে মিথ্যে। কী সাংঘাতিক !

ল : আর সতীপনা দেখিও না। ডাক্তারের খাতায় সব লেখা আছে।

সু : বেশ, বেশ, যদি তাই হয়, তাতে আপনার কী এক্তিরার জন্মায় আমাকে এসব কথা বলার। শয়তান, বদমাশ, পাজী কোথাকার।

ল : আহা যাও কোথাও। তুমি রাগলে না আমার বেশ ভাল লাগে। বেশ ঠিক আছে, তুমি এখানেই থাক, আমি এখানেই সব ব্যবস্থা করে দেব। [দূরে একটা আওয়াজ, লক্ষ্মীবাবু চমকে ওঠে।]
ও : ভালো মাহুষের কাল নেই। মনে রইল শয়তান, বদমাশ, পাজী,—সবগুলোরই নম্বর ধরা হবে। মনে রেখ এক মাঘে নীভ পালায় না। [চলে যায়। ফুলটু ঢোকে।]

ফু : সুবিদি, সতুতার লাল পড়ে আছে খালের ধারে।

হু : কী ?

ফু : আপনাত সন্ধে কথা বলাত সময় নেই। কেউ দেখলে বিশদে পড়বো। পুলিচে বান। যা হয় কৰুন, চললাম।

[দৃশ্যান্তৰ। লক্ষ্মীবাবুৰ বাড়িৰ সামনেৰ দাওয়া।]

সণ্টু : ঠিক শালা কাজেৰ সময় লেট, [ফুলটু শিস দিয়ে চোকে।] কী
য়ে, দেৱি কেন ?

ফু : ফিন্ শালা সেই হাৰুৱ হাজামা। কীয়ে তোৱ লক্ষ্মীবুড়ো কোথায় ?

সন্ : বোস্ না শালা চেপে সিট্-ডাউন্ কৰে। বুড়ো যখন কথা দিয়েছে
ঠিক টাইম্‌লি আপিয়াৰ দেবে। সতুদাটা মাইয়ি বেঁচে গেল।
কী জান ৰে !

ফু : সেই অজয়দা একবাৰ কোন ৰাজাৰ পুৰুত না কাৰ কথা বলেছিল
—সেই যে বিষ খেয়ে হজম কৰে দিয়েছিল।

সন্ : ৰাজা না, ৰাজা না। জাৰ, ৰাশিৱাৰ জাৰ।

ফু : ওই হোলো। ৰাজাও যা জাৰও তা। পুৰুতটোৱ নাম কিৰে ?

সান্ : ৰাগপুটিন—বিষ খেয়ে হজম কৰে দিয়েছিলো আৰ আমাদেৱ
সতুদা গুলি খেয়ে হজম কৰে দিলে—তিন তিনটে বুলেট !

ফু : তবে বলা যায় না ! এখনও হাসপাতালে। দেখ কী হয়।

সন্ : আয়ে ডেন্‌জাৰ যখন পেরিয়ে গেছে তখন ভয় নেই। ও ঠিক সোজা
হয়ে দাঁড়াবে। চেহাৰাটা দেখিসনি কী ৰকম পাট্টা জোয়ান।

ফু : সুবিদিৱও মনেৰ জোৱেৰ তাৰিফ কৰতে হয়। অত ৰাত্ৰে পুলিশ
নিয়ে গিয়ে হাজামা কৰে লাশ নিয়ে এলে তোথানায়। আমি
তো শালা বলেই ভৌঁ দৌড়—ৰাত্ৰে শালা ভাত গিলতে পাৰি না।
কেবলই মনে হয় কেউ বুঝি দেখে ফেলেছে—কেউ বুঝি দেখে
ফেলেছে—সে এক কেছা।

স : তবে থানাত দাৱোগাটা নতুন এগেছিল তাই—আগেৱট থাকলে
অত ৰাতে পুলিশ নিয়ে খালধাৰে যেত খোড়াই !

কু : কিছ বেঁচেই বা কী হবে বলো ? সেই এইখানেই তো আসতে হবে। থাকগে পরের কথা অতো ভেবে কী হবে ? দে, বিড়ি দে একটা। [লক্ষ্মীবাবুর প্রবেশ]

লক্ষ্মীবাবু : এই যে সন্টু ফুন্টু, শুনেছ, সতু আর হুবি নাকি আজ ফিরে আসছে কোলকাতা থেকে। তোমাদের দলের ঐ নিমে আর ককরে আমার পিছনে লেগেছে। বলেছে, সতু ফিরে এলে নাকি আমার মাথার খুলি উড়িয়ে দেবে। এসব কী অত্যা কথাবার্তা বল দিকি। মেয়েটা একলা বাড়িতে চমকে চমকে মরছে দেখে গোপালের মা আমাকে বললে—

গোপালের মা : গোপালের মা তোমাকে কোন কথা বলেনি। গোপালের মায়ের তো আর খেয়ে-দেয়ে কাজ নেই—কোথায় কোন বয়স্হা মেয়ে চমকাচ্ছে, তাই দেখে দেখে বেড়াচ্ছে।

ল : তোমাকে কে এখানে আসতে বলেছে, এ্যা !

গো মা : এত বোমা চারদিকে ফাটছে, তোমার মাথায় একটা ফাটে না গা।

সন্ : স্মার, আপনাদের দাম্পত্য কলহের ব্যাপারে আমাদের আর কেন —আমরা যাই।

ল : না না, বসো। [গোপালের মা কাছে যায়।]

ল : (হিংস্রভাবে) ভেতরে যাবে কি না ? তোমার লেকচার শুনতে এখানে কেউ আসেনি। শংকর মাছের চাবুকের কথাটা ভুলে গেছ, না দাগটা মিলিয়ে গেছে।

গো মা : মাঝে মাঝে ভুলে যাই। সত্যি ভুলে যাই। যে কথা একলা তোমার সামনে বলতে ভয় পাই, সামনে লোক থাকলে সাহস আসে। তাই বলি তোমার সর্বনাশ হোক, তাই চাই ! তবু কিছু হোক, কোথাও একটা কিছু হোক।

সন : তা হলে আমরা যাই স্মার ?

ল : আরে না না। তোমাদের কাকীমা তোমাদের অল্প চা করে আন ছ। যাও তো একটু চায়ের ব্যবস্থা করো। [গোপালের মা চলে যায়] হ্যাঁ সনটু, যে কথা বলছিলাম—বোস বোস। তখ, তোমাদের মত ছেলেদের আমি 'চংকালই সাহায্য করে এসেছি এবং এখনও কংবো লালুর দল তছনছ হয়ে গেছে, নাকি ?

সন. ফু : আজ্ঞে তা শো গেছেট।

ল : এই দল—দল টিকিয়ে রাখা এও এক মস্ত আর্ট, মানে শিল্প বুঝলে না—লালু মএ গেল বস্তু আর এমটা ল'লু হল না, তা না হলে তোমাদের এই সতুকে ঘাড়ে গদান নিয়ে ফিরতে হত—নাকি ?

সন : হ্যাঁ, সে তো একশোবার।

ল : তাই বলছিলাম, এমন একটা জোযান নেই যার পরে ভরসা করা যায়, সবই যেন এলোমেলো হয়ে গেছে। কিন্তু এই এলোমেলো অবস্থাটা থাকার ঠিক বাঞ্ছনীয় নয়। লালুকে আমি সাহায্য করতাম। তাই তার দল শক্তিশালী হয়েছিল। তার শ'গরেনগুলো কোন কাজের নয়। তা থাকগে। সনটু তুমি যদি বাবা দল করো, তবে আমি তোমাদের সাহায্য করবো—যত টাকা লাগে দেব। তারপর তা দিয়ে তোমরা কালীপুজা কর কি বে'মা বানান, তাতে আমার দেখার দরকার নেই! টাকা দিচ্ছি বলে তোমাদের স্বাধীনতার আমি হস্তঃকপ করতে চাই না। তবে ঐ নিষে আর ফকরেকে একটু শাসনে রাখবে। কে ওদের রসদ যোগান দিচ্ছে—সেটা ওদের বুঝিয়ে দেওয়া চাই। [সনটু ছুঁটু পরস্পরের দিকে তাকায়।] সতুটা একটা ওগু, শয়তান, শেরালের মত ধূর্ত। লালুকে ওই খুন করেছে। কিন্তু এমন ভাবে করেছে, কোন ব্যাটা ধরতে পারলো না! ওকে তোমাদের শাসনে রাখতে হবে। তারপর অল্প দিকের ব্যবস্থা। তার জন্তে তোমাদের বিবর্ত করতে

যাবো না। আমার অতুলোক আছে। কী রাজী? ঠিক আছে, ভেবে ঠিক কর। আমি ভেতরে গিষে দেখি তোমাদের চাষের ব্যবস্থাটা—[চলে যায়]

সন্ : কী শব্দতান রে! উরি বাসরে।

ফু : হিন্দু চান্দটা ভেবে ছাখ। সতুকা বেঁচে উঠেছে শুনেই লাশুদার পয়ল নম্বা শ গবেদ ভোলা, সত্যি সত্যি নিরুদ্দেশ হয়েছেন। এ এলাকা ছেড়ে পালিয়েছেন। ময়দান ফাঁক। ভেবে ছাখ।

সন্ : সাত বছর বেকার। চাকরি হবে না নিশ্চিত। কী করব রে শালা, বল না?

ফু : মল্লি তো। হিন্দু থাকে ঝুলে পড়। তবে তখন সুবিদি বা অমুককে তমুককে সিঁপাখি দখানো চলবে না।

সন্ : ঐ যে বললো না, তোমরা খালি সতুর ওপর নজর রাখবে। অত ব্যবস্থা আমি দেখবো—তার মানে বুঝিছ তো?

ফু : তাই তো বলছি রে। তা সুবিদির কপালে যা থাকবে হবে। আমাদের তাতে কী?

সন্ : ঠিক বলেছিল। আমাদের কী? হ্যাঁরে এই এম্মিটা পুরো আমাদের হবে? মাইরি?

ফু : পেট ভরে খাওয়া, ভাল সিগারেট, ভাল মাল, উরি বাপরে বাপ। [লম্বাবাবু ঢাকে]

সন্ : [উঠে দাঁড়িয়ে] সত্যি সত্যি, আপনার কথাটা আমার মনে একটা উত্তেজনা এনে দিয়েছে। এই এম্মিটাকে তো এই রকম ললেসু করে কেলে রাখা যায় না। বিশেষ করে সতুর মত গুণ্ডা বধন করে আছে।

ল : এস ভেতরে এস। তোমাদের কাকীমা তোমাদের অত চা আর ছলুরি নিয়ে বসে আছে।

[দৃষ্টান্তর। সন্ধ্যা। দূরে হিন্দুস্থানীরা হোলির গান গাইছে।
সত্য খেতে বসেছে। মঞ্চের মাঝখানে স্তম্ভতার ওপরে আলো]

সু : সেই—সেইদিন যখন ফুলটু এসে খবর দিল—দৌড়ে গেলাম খালের
ধারে। মরা ভাইকে দেখব বলে দৌড়েছিলাম। স্থানকালের
জ্ঞান ছিল না। গিয়ে দেখি গা তখনও গরম। কেমন যেন একটা
আওয়াজ হোল। বললাম, ভগবান সতুকে বাঁচিয়ে দাও।
দৌড়লাম খানায়। মনে পড়ল ফুলটু বলে ছিল, পুলিশে যান, যা
হয় করুন। কোথা থেকে অত শক্তি এসেছিল কে জানে। আজ
মনেই পড়ে না ডাল করে খানার ও. সি-র মুখটা। কেবল মনে
পড়ে কত দ্রুত পুলিশ নিয়ে তিনি বেরিয়ে এসেছিলেন। মাঝে
মাঝে এক একটা ব্যতিক্রম থাকে বলেই বোধহয় মানুষ আলো
দেখে। তারপর কেমন করে কোলকাতার হাসপাতালে পৌঁছলাম
আমার মনে নেই। কানে এসে সতুর দেহে অপারেশন হবে। হল।
জ্ঞান আসবে, না আসবে না! এক একটা মুহূর্ত যেন এক একটা
যুগ। জ্ঞান এল। কোলকাতার ডাক্তারেরা চেষ্টা করে সতুর দেহে
প্রাণ ফিরিয়ে আনলেন। সতু চোখ মেলল। কিন্তু কোথায় সেই
চোখ! চোখ যেন বোবা। পুলিশ গেল জবানবন্দী নিতে। সতু
হাসতে লাগল। তারপর সত্যি কথাটা জানা গেল। ভগবান
সত্যি সতুকে বাঁচিয়ে দিয়েছিল। সতু চিনতে পারে, বলতে পারে,
কিন্তু আগের মত নয়। অত বড় শরীর যেন ১০ বছরের ছেলে।
সতুর বুদ্ধিতে আর শান দেওয়া হ'ল না! (তালো বড় হয়)

স : বুদ্ধিটারে দিও জোরে শান। চল চল শ্রমণ। কী সুন্দর বাজনা
বাজছে। নাচবি দিদি ?

সু : না।

স : জল পড়ে, পাতা নড়ে।

সু : জানিস সতু—

স : না না আমি কিছু জানি না।

স্ব : এই সতু কী সব বল'ছস ! তোর বেকফুল গাছে কুঁ ড আসছে।

স : কে আসবে ? না, কেউ আসবে না।

স্ব : সতু তোর বাগান দেখতে যাবি ?

স : বাগান ! চল নীগগিরি চল।

স্ব : না, আগে খেয়ে মে, তারপর যাব।

স : বাগানে জল নিয়েছিস ? শার আনতে হবে না ? নাহলে চন্দ্র-
ম লক্ষণগুলো বড হবে কী করে ?

স্ব : সতু সতু তোর মনে পড়ছে ? মনে পড়ছে ? তুই আমাকে
সেই লিন্ডল ছোঁড়া শেখাচ্ছিল। আমি গাছে জল দিতে ভুলে
গিয়েছিলাম। মনে পড়ছে ?

স : [ভেংচ কাটে] মনে পড়ে'ছ ? কোন লগনে জনম আমার—
কাছে আশ্রক না ঘাড মটকে দেবো। [বিড়বিড় করে আঙুল
চাটেতে থাকে] হাত নো'রা হয়ে গেল।

স্ব : আয়, হাত ধু'ব আয়। [লক্ষ্মীছেলের মড হাত ধুতে যায়।]
আনার কথা সব শুনবি তো সত্য ? দিদির কথা শুনতে হয় না ?
বাডি থেকে বেশী কোথাও যাবি না।

স : [একগাল হেসে] হ্যাঁ শুনবো। কী একটা ঘেন মনে আসছে,

স্ব : কী ? কী ? মনে আসছে ?

স : বাগানে জল দেবো।

স্ব : কাল সকালে নিজে হাতে জল দিবি।

স : তুই একটা গল্প বল।

স্ব : কোনটা ?

স : ওই যে, ওই যে, আঃ বলনা একটা।

স্ব : সেই ছেলেবেলার মতো ? অনন্তদার গল্প শুনবি ? সে সবাইকে
দ্বন্দ্ব দেখাত।

স : অনন্তদা, কোন্ অনন্তদা ? কত অনন্ত আছে। এক দুই তিন...
[দৃষ্টান্তের সকাল। সত্য গাছে জল দিয়ে ফেয়ে। আলো কমে,
তারপর সকালের আলো।]

সু : সত্য বাগানে জল দিয়েছিল ? গাছগুলো কেমন দেখলে রে ?

স : জল, একদম জল। আমি রোজ বাগান পরিষ্কার করি তবু
জল। জলগুলো কে লাগিয়ে দিয়ে গেল রে ?

সু : অনেক দিন আমরা এখানে ছিলাম না।

স : ছিলাম না !

সু : মনে নেই ? তুই হাসপাতালে গিয়েছিলি—কোলকাতায় !

স : হ্যাঁ হ্যাঁ আমার কী হয়েছিল রে ?

সু : তোকে ভোলায়া ধরে নিয়ে গিয়েছিল। তারপর—

স : হ্যাঁ আমাকে মেরেছিল, খুব মেরেছিল। এই দিদি, আবার যদি
মারে ওরা। তুই কিন্তু আমায় লুকিয়ে রেখে দিস। তারপর
একদিন সবাইকে খুন করে দেবো।

সু : না না ওসব কথা কখনও বলবি না, সত্য, সেই বাবা যেমন বলতো,
তেমনি করে আমরা একটা বাগান করবো ! আমরা হাঁস মুগী সব
পুষবো। আমি বলে কয়ে দেখি মেয়েদের স্কুলে সেলাইয়ের টিচারিটা
যদি পাই। বিজে তো নেই!—তার সঙ্গে যদি একটা গরু রাখা যায়।

স : হাঁস মুগী ! খুব মজা হবে। [সুত্রতার খোলা চুল হাত রাখে]
কী নরম তোমার চুলগুলো ! [চুলগুলোতে হাত বোলাতে
বোলাতে হঠাৎ শক্ত করে ধরতে থাকে।]

সু : এই সত্য, লাগছে। ছেড়ে দে, এই সত্য, সত্য, কী হচ্ছে ! [সত্য
আরও জোরে পাক দিতে থাকে—সুত্রতা আর পারে না। প্রাণপণে
ওর গালে একটা চড় মারে। সত্য বাচ্চ' ছেলেদের মত ভয় পেয়ে
ছেড়ে দেয়, তারপর কাঁদতে থাকে।] আমার লাগছিল। তুই
কী হয়ে গেলি, সত্য !

স : আর করবো না। তুই আর মারিস না। [স্ত্রীতা কেঁদে কেলে।
সন্টু আর ফুন্টু চোকে ।]

সন্ : যা: বাবা। ব্যাপারটাকী ? ভাই বোনে মিলে নাটক হচ্ছে না কি রে ?

স : আমি আর করবো না।

স্ : সন্টু ফুলটু, ভাল আছ তো ?

ফু : কী হয়েছে সুবিদি ?

স্ : না, কিছু না। অনেকদিন পর বাড়িতে এসে—ফুলটু, তুমি সেদিন
যা উপকার করেছিলে।

ফু : আমি ! আমি আবার কী করলাম ?

স্ : তুমি সেদিন সত্যর খবরট—

ফু : কী সব আবোল তাবোল বকছেন ? মাথা খারাপ হয়েছে না কি ?

সন্ : থাক থাক সে সব বাজে কথা। এই যে সতুদা কেমন আছ ?
অমন ফ্যালফ্যাল করে চেয়ে আছ কেন ? কী হয়েছে ?

স : কী হয়েছে ?

সন্ : কী, দেখছো কী ? ভাবছ, সন্টু চোখে চোখে রেখে কথা কইছে
কী করে ? দিনকাল পালাট গেছে। এই পুরো এরিফাটা এখন
আমাদের আগুয়ে। শোন, এখানে যদি টিকতে চাও তো খাও
দাও, আপনা কাম করো। আর কোথাও মাক গলাতে যেও না।
আমি জানি অবশ্য—যে আমাকে তুমি বেখাতির করবে না। তবে
ঘোড়া রোগে যেন তোমাকে আবার না পেয়ে বসে। বয়সে আমি
ছোট, কিন্তু বুদ্ধি তোমার চাইতে আমার কম কিছু নেই। তাই
আমায় ছেলেদের বিগড়োবার বুদ্ধি তুমি কোর না। সুবিদি,
আপনাবোধ বলে দিচ্ছি, এখানে থাকতে গেলে এঁজারগার চাল
চলন মেনেই থাকতে হবে। বেশী চোটপাট দেখাবেন না। একে
শয়তান, ওকে পাজী এ সব বলে বেড়াবেন না। বড়দের একটু
সম্মান করে কথা বলবেন।

স্ব : তোমরা হঠাৎ এসে এসব কেন বলছ! আমি কিছুই বুঝতে পারছি না।

সন্ : বুঝবেন। শীগগিরই বুঝবেন। সতুদা! ঠিক আছে?

স : ঠিক আছে।

সন্ : বেশ, খুব ভাল! আমি জানি তোমার বুদ্ধিটা ঠিক রাস্তা দিয়ে চলে। মাঝখানে ভোলায় শব্দে কি যে কেলো করে বসলে—তবে ভোলা হাওয়া। আর আমায় ফলো করলে এখানে কোম শালা তোমার কিছু করতে পারবে না। তবে অস্ত্র কোনো পথ নিয়েছ কি—(ভঙ্গী করে)। ভুল করে কোনো বেচাল করেছ কি কেচাইন হয়ে যাবে। পাছে করে বস, তাই আগে থাকতে কথাগুলো বলে গেলাম! ঠিক আছে?

স : ঠিক আছে।

সন্ : এস হাওশেক। আমরা ফ্রেণ্ডস্, কী বল!

[হাত বাড়িয়ে দেয়; সত্য হাত ধরে।]

স : (হঠাৎ চিনতে পেয়ে) স-ন-টু! সন্ টু!

[উৎসাহিত হয়ে জোরে হাত চেপে ধরে।]

সন্ : ঠিক আছে ঠিক আছে—আরে ছাড় মাইরি। সতুদা, এবার লাগছে ছাড়, ছাড় বলছি।

[সনটু যত টেঁচায় সত্য যেন ভয় পেয়ে ওর হাত আরো জোরে চেপে ধরে।]

স : আঃ টেঁচাচ্ছ কেন? সবাই যদি এসে পড়ে!

সন্ : হাত ছাড় সতুদা। মাইরি বাড়াবাড়ি হয়ে যাচ্ছে। সতুদা—

[ওর মুখে যন্ত্রণা ফুটে ওঠে। ফুলটু অবাক হয়ে তাকিয়ে থাকে।
স্ট্রাগল্ চলে। স্বত্বাং ব্যাপারটা বুঝতে পারে।]

স্ব : সতু, সতু! ছেড়ে দে বলছি। সতু!

ফু : সতুদা, কী ইয়াৰ্জি হছে ?

স্ব : হতভাগা, সন্ টুয় হাত ছেড়ে দে। ছাড়, মার খাবি সতু।
[মারতে থাকে। সত্য সত্যি পেয়ে সন্ টুয় হাত ছেড়ে দেয়।]

সন্ : কাজটা ভাল করলে না, সতুদা। গায়ের জোর দেখাচ্ছ আমাকে ?
আজকাল গায়ের জোর দরকার হয় না, বুদ্ধির জোর চাই। মনে
হচ্ছে কলকাতায় বুদ্ধিটা বাঁধা দিয়ে এসেছ। ভালো, বোঝা
গেল। আবার দেখা হবে চলি। [ওরা চলে যায়]

স্ব : হতভাগা কী করলি ?

স : আর করব না। সত্যি বলছি তোকে, দিদি, আর করব না। ও
চৈতাল কেন ? আমার মনে হলো যদি চিংকার শুনে ভোলারা
এসে পড়ে ! তুই আমায় মার, মার, মার।

স্ব : ভোলারা আসবে না। এবার সন্ টু ফুল টু আসবে। ওদের চোখ
মুখ আমার ভাল লাগল না। ওরা যদ আবার তোকে মারে।

সন্ : ওরা আবার আমাকে মারবে ?

স্ব : তোকে 'নয়ে আমি কী করবো ! বৃত্তে পারছি এখানে আর
খাকা যাবে না ওদের চে.খ মুখ আমার ভাল লাগল নায়ে।
কিন্তু কোথায় পালাব ?

স : চল দিদি আমবা পালাই।

স্ব : কথা দে আমার কথা শুনবি ? আমি যেটা বাদল করবো সেটা
কখনো করবি না। বল, করবি না ?

স : কখনো করবো না।

স্ব : মনে থাকবে ?

স : থাকবে।

স্ব : তাহলে চল এখনি বেরিয়ে পড়ি।

স : চল ! কী কী সঙ্গে নিবি রে দিদি ?

সু : এই তো বেশ কথা বলিস। তবে মাঝে মাঝে তোর কী হয় ?
শোন, মনে থাকবে তো ?

স : থাকবে যে দিদি, সত্যি থাকবে দেখিস। [ওরা আড়ালে যায়।
মঞ্চে কিছুক্ষণ কেউ থাকে না। একটা সুর ভেগে আসে শুধু।
তারপর ওরা দুজনে বেরিয়ে আসে।]

স : সব দরকারী জিনিস নিয়েছিস তো দিদি ?

সু : হ্যাঁ। সব দরকারী জিনিস। কিন্তু সত্যি, এ রকম ভাবে যাওয়া
যাবে না। দুজনে জিনিসপত্র নিয়ে একসঙ্গে বেরোলেই লোকে
সন্দেহ করবে। একটা কান্স করতে পারবি ?

স : কী ? বল।

সু : এই দিক দিয়ে—এই ভেতরের রাস্তা দিয়ে পশ্চিমের ঝিল অবধি
যেতে পারবি ?

স : একা ?

সু : হ্যাঁ একা। পারবি ?

স : পারবো। তারপর ?

সু : সেখানে গিয়ে দাঁড়িয়ে থাকবি। এই দুপুরে কেউ সন্দেহ করবে
না। তারপর আমি গিয়ে ‘কু’ দেব। তখন রেল লাইনের দিকে
চলতে থাকবি। পারবি ?

স : পারবো। তাহলে দে, আমাকে পোটলাটা দে। তুই স্টকেসটা
নিস।

সু : না। তুই এমনি যা। যেন বেড়াতে বেড়াতে যাচ্ছিস। জিনিস
আমি নিয়ে যাব। মনে আছে তো সব ?

স : আছে। ভেতরের রাস্তা দিয়ে পশ্চিমের ঝিলে যাব। তারপর
তুই গিয়ে ‘কু’ দিলেই রেল লাইন।

সু : এই তো ! কে বলে তোর বুদ্ধি নেই। এগো। [সত্যি ধূর্তের
মত হেসে চলে যায়।] পারবে তো। তাছাড়া আর উপায়ও তো

নেই। নাঃ দুটো নেওয়া চলবে না। [দ্রুত স্ট্রেক্‌স্টার কিছু জিনিস পোটলার মধ্যে ঢুকিয়ে নেয়। তার মধ্যে একটা পিস্তল দেখা যায় তারপর চলতে থাকে। ঘুরে ঘুরে মঞ্চের সামনে আসে। আলো বদলাতে থাকে। কু... কু। [সত্য আসে]

স : দেখেছিস, কিছু ভুলিনি ? সব মনে আছে।

স্ব : [চারিদিক চেয়ে] কাঁচকলা মনে আছে। কথা ছিল 'কু' শুনে শুনে তুই যেল লাইনের দিকে হাঁটবি। আমার সঙ্গে কথা বলবার কথা ছিল না। [সত্য কোনো কথা না বলে দ্রুত হাঁটতে থাকে। স্বতন্ত্রাও। ট্রেন আসবার শব্দ।]

দ্বিতীয় অঙ্ক

[মঞ্চসজ্জায় সামান্য বদল দেখা যায়। একটা ট্রে-র ওপর অনেকগুলো গ্লাস নিয়ে সত্য মঞ্চ পেরিয়ে চলে গেল। স্বতন্ত্রা এল। কোনো একটা ঘরোয়া কাজ করতে করতে সেও চলে গেল। সমস্ত কাজের মধ্যে একটা বস্তুতা। একটু পরেই স্বতন্ত্রা আর ঐ বাড়ির বর্জ্য কুস্তলা ঢুকলেন।]

কুস্তলা : স্ববাসিনী, এইবার আইসক্রীম পাঠিয়ে দাও।

স্ব : এক্ষুণি দিচ্ছি (চলে যায়)।

ক : উঃ বন্ধঃ। এক একটা পাঠি হয় আর প্রাণ বেড়িয়ে যায়। [ছোট একটা পাখা নিয়ে নিজেকে বাতাস করেন।] তবু ভাগা, এই মেয়েটা এসে পড়েছিল!

অজিত : [হাতে গ্লাস] তুমি এখানে এসে বসে পড়লে! আর ওদিকে—

ক : ওদিকে যা হয় হোক্‌গে! আর পারি না।

অ : তা বললে কি চলে নাকি!

ক : এখন থেকে চলবে।

অ : কী ব্যাপার ! হঠাৎ মেজাজ খারাপ।

ক : হঠাৎ আবার কী ? প্রত্যেকবার তোমার ঐ গুপ্তা সাহেবের ঐ একই রসিকতা শুনতে শুনতে আর ভালো লাগে না। আচ্ছা লোকটা ইংরিজিতে ঐ অসভ্য রসিকতা করা ছাড়া আর কিছু জানে না ?

অ : হোঃ হোঃ হোঃ ! এই ব্যাপার ? এতদিনে আমি ভেবেছিলাম এগুলো তোমার গা সওয়া হয়ে গেছে।

ক : সহ করে নিই বলেই গা সওয়া হয়ে যায় না ?

অ : কুন্তী ! এভাবে এখানে বসে থাকলে ব্যবহারটা খুব অভদ্র দেখায়।

ক : কিন্তু অজিত, এই সব করব বলে কি আমরা জীবন শুরু করেছিলাম ?

অ : না, দেশের চেহারা পান্টে দেব বলে শুরু করেছিলাম, কিন্তু তা যখন পারলাম না তখন নিজেরাই পান্টে গিয়ে বেশ খাপ খাইয়ে নিলাম।

ক : তুমি কবিতা লিখতে, গান লিখতে—

অ : আঃ এতদিন বাদে এ সমস্ত কথা কেন ? আজ কী ছইকিটা বেশী খেয়েছ ?

ক : কোনো সত্যি অল্পভূতির কথা বললেই কি ভোমাদের মনে হয় ছইকির জন্তেই মানুষ ঐ সব কথা বলে ?

অ : আসলে কথাগুলো বাজে, মিথ্যে। সাময়িক উচ্ছ্বাস মাত্র।

ক : ফর ইয়োর ইনকর্পোরেশন, আজ আমি এক ফোটাও ছইকি খাই নি।

অ : তাই বল ! তাহলে এটাই তোমার এখন বিশেষ দরকার, আরে ! আমার গেলাসটাও তো গুখানে ফেলে এলাম।

ক : সব সময় এই সব কথাগুলো অ্যাভয়েড করো কেন বলতো ?

অ : কারণ পোস্টমর্টেম আমার কোনো দিনই ভালো লাগে না।

ক : কিন্তু ঐ পোস্টমর্টেমই আজ বিশেষ দরকার । [অজিত চলে যায় ।
সত্য ঢোকে ।]

স : কবে পোস্টমর্টেম হবে ? পোস্টমর্টেম করে ব্যাটারী কিছু ধরতে
পারে নাকি !

ক : (আশ্চর্য) তুমি পোস্টমর্টেম সম্পর্কে কী জান ?

স : আমি আবার কী জানব ? আমি কিছু জানি না [স্বভ্রভা ঢোকে]

স্ব : গুপ্তা সাহেব তোকে কী নিয়ে যেতে বলেছিলেন ?

স : ও হ্যাঁ, একটা গেলাস ।

স্ব : তুই বোতল থেকে কিছু খেয়েছিস ?

স : না না [দ্রুত চলে যায় ।]

স্ব : ও আপনাকে বিরক্ত করছিল ?

ক : না, না তোমার ভাই মাঝে মাঝে বেশ কথা বলে । ছুঁচারাটে
ইংরিজিও তো বলে । পোস্টমর্টেম কথাটা বেশ বুঝতে পারল ।

স্ব : ও ! আমার ছোটবেলায় যখন পাকিস্তানে ছিলাম তখন একটা খুন
হবার পর ঐ কথাটা সবাই খুব বলাবলি করত । সেইটা ওর
মাথায় ঢুকে গেছে ।

ক : তোমাদের দেখে খুব আশ্চর্য লাগে !

স্ব : কী ?

ক : আচ্ছ , তোমার ভাই-এর কি জন্ম থেকেই এইরকম পাগলামি ভাব ?
না—

স্ব : এঁ্যা ? হ্যাঁ । ছোটবেলায় ওর একবার ভীষণ টাইফয়েড হোলো...

ক : কাজ তো ভালোই করে । বাগানটার চেহারা ফিরিয়ে দিয়েছে ।

স্ব : হ্যাঁ । বাগান করতে সবচেয়ে ভালোবাসতো । তবে ওর সঙ্গে
যত কম কথা বলা যায় ততই ভালো । বেশী কথা বললেই ও যেন
কেমন হয়ে যায় ।

ক : তুমি তো দেখি মাঝে মাঝে খুব কথা বল।

সু : হঁ আমি তো বলতে হয়। আমি ওর ছোটবেলার কথাগুলো ওকে শোনালে ও খুব শান্ত থাকে।

ক : সাইকোলজিক্যাল কেস্। বোঝা? মনের ব্যাপার। [দুহাতে মাথা চেপে ধরে।]

সু : আপনার কি আবার মাথা ধরেছে?

ক : হ্যাঁ আমার ড্রেসিং টেবিলের ওপর সেই ছোট্ট শিশিটায় ছোট্ট ছোট্ট ট্যাবলেট আছে—যাও তো নিয়ে এস।

সু : আপনি এত রাতে আবার ওগুলো খাবেন? সকালে দুর্বল হয়ে পড়বেন যে।

ক : তবু এসব ছাইপাঁশ গেলার চাইতে অনেক ভালো।

সু : কাল সকালে যে কি মিটিং আছে বললেন?

ক : ও, হ্যাঁ, (হাসে) স্নাত্রে পিটি কর, মদ খাও। আর সকাল বেলা বালিকা বিত্তালয়ে যা ডিস্টিংগুইশন উপলক্ষে মেয়েদের কর্তব্য সম্বন্ধে বড় বড় লেকচার দাও।

সু : তাহলে? আনবো?

ক : আনো! পারব না! শেষকালে সেবারের মতো হয়তো জিনিসপত্র ডাঙতে শুরু করব।

সু : কী বললেন?

ক : না: তুমি তখন ছিলে না। [স্মৃতি চলে যায়।] কী যে করব! [একটা গান ধরে।]

অবঃ ভ্রমে পতাকা নাচত হয়.....[অজিতের প্রবেশ। হাতে গ্লস।]

অ : এই নাও। চল ওদিকে।

ক : চল! কত কথাই বলতাম। বিসিস্, আন্টিবিসিস্, সিন্‌থেসিস্—মদের সঙ্গে চমৎকার সিন্‌থেসিস্ তৈরী হয়েছে।

অ : এমন ভাবে কথা বলছ যেন তুমি কোন এক সলো বালিকা ছিলে।

আমিই তোমাকে জোর করে এই খারাপ পথটা ধরিয়ে দিয়েছি।

ক : আমি এতটা চাইনি।

অ : চাওয়া শুরু করলে, তখন তোমার মজি মত জায়গায় এসে সব কিছু খেমে যাবে নাকি ?

ক : কিন্তু তোমার মজি মত সব কিছু বেড়ে যাবে এরই বা কী কথা ছিল ?

অ : পছন্দ যখন হ'চ্ছিল না, তখন চলে গেলেই পারতে।

ক : চলে তো যেতে চেয়েছিলাম একবার। তখন পায়ে ধরে সেধে রাখনি !

অ : সেটা কি এই গার্টি ইত্যাদির কারণে, না একটা পেটি জেলাসির জগ্গে ? তবে শেদিন বড় ভুল করেছিলাম। একবার দেখলে পারতাম কত দূর যেতে, বা যেতেই কি না আটাই অল !

ক : কী ! তুমি কী মনে কর—দোষগুলো লোকের সামনে বড্ড চেপে রেখে দিই, তাই না ! তাই এখনো সকলের শ্রদ্ধের অজিতদা ! না ?

অ : চুপ কর !

ক : চুপ করে থেকে আর সহ্য করেই তো তোমার প্রগ্রেস্ এড বেড়ে গেছে। মস্ত বড় প্রগ্রেসিভ ! কোন জিনিগটা বাকী আছে ?

অ : ইউ স্ল টু..... যখন আদর্শের জগ্গে না খাওয়ার পথ ধরেছিলাম, না খেয়েও যখন কবিতা লেখা ছাড়িনি, তখন কে বলেছিল যে ইউনিভার্সিটির ফার্স্ট ক্লাস পাওয়া ছেলের এরকম ভাবে শুকিয়ে মরণার কোনো মানে হয় না। কে মাথার ঢুকিয়েছিল যে চারি-দিকের সবই যখন ভেসে যাবে, যে যার গুছিয়ে নিচ্ছে, তখন তোমার বোকার মত পড়ে পড়ে মার খাওয়ায় কোনো মানে হয় না ? কে ? কে ?

ক : তার মধ্যে নিশ্চয়ই এই কথা ইম্প্রায়েড ছিল না যে তুমি তোমার বন্ধুর গ্রীষ্ম সঙ্গ শারীরিক প্রেম করতে যাবে ?

অ : ওঃ তাইতে বড্ড গায়ে লাগে, না ? আর, কুস্তী, ব্র্যাক মামি দিয়ে গরনা গড়াতে তো ৪৭ সালের সেরা প্রগতিপরায়ণা মেয়েটির এতটুকু বাধে না ! কী ! বল, উত্তর দাও ? তারপর ফাউ হিসেবে আমি বাই করি না কেন !

ক : শাট্ আপ্, ইউ ডিভচ্, [৩ দিকে রেকর্ডে রবীন্দ্রসঙ্গীত হচ্ছে ।
হৈ হৈ আওয়াজ । ফটিকের প্রবেশ ।]

ফটিক : অজিতদা ! ও এখানে ! ডিস্টার্ব করলাম ! আমি যাই ।

অ : আরে না না । এটা এমন একট কিছু বাপার না । তুমি এমন ভাবে পালাচ্ছ যেন ভীষণ একটা কোমল প্রেমে বাধা দিলে ! কী ব্যাপার বল ।

ক : না, একটা মতুন কবিতা লিখেছিলাম, আপনাকে না শুনিয়ে—

অ : পড় পড় ! [হুত্রতা ঢোকে । কুস্তলার হাতে শিশিটা দেয়, কুস্তলার এক হাতে মদের গ্লাস, উত্তেজনার মুহূর্তে যা সে মাঝে মাঝে খাচ্ছিল । হঠাৎ যেন তার মনে পড়ে যায় ।]

ক : এই, বলনা, এটা খেয়েছি, এর সঙ্গে কি আবার এই ওষুট্টা খাওয়া ঠিক হবে ?

অ : না না, কী আশ্চর্য, শুভে বারবিটোন্ আছে না ! [কুস্তলা হুত্রতার হাতে ওষুন্দের শিশিটা দিয়ে দেয়, হুত্রতা চলে যায় ।] কী হলো ? পড়, ফটিক পড় । [ফটিক পকেট থেকে সিগারেটের ছেঁড়া প্যাকেট বার করে সেটা সোজা করতে থাকে ।] উরি বাবাঃ কী দারুণ ইন্স্পিরেশন ! সিগারেটের খোলায় কবিতা ।

ক : আপনাদের বাড়িতে এলে এমন একটা ইন্স্পিরেশন্ পাই সত্যি । বিশেষ করে কুস্তীদিকে যখন দেখি—

অ : কুস্তী ! ইউ আর দি ইন্স্পিরেশন ! পড় পড় ।

ক : নিশ্চুপ সমুদ্র যেন / চোখের তারায় আজো কাঁপে / বর্ষায় আবেগে

বজ্রার বর্ষর প্রতিশ্রুতি / উবশী কি ক্লাস্ত হলো ? / উন্নয়ন পৃথিবী
চক্রাকারে ঘুরে চলে। / বন্দী শুধু তুমি। উবশী ! উবশী !

অ : তারপর ?

ক : না, এই পর্যন্তই।

অ : এঁয়া, এতখানি ইন্সপিরেশন্-এর অপমৃত্যু ঘটালে !

ক : আপনার ততটা ভালো লাগল না, না ?

অ : কে বললে, আরে কুস্তী সম্পর্কে কেউ এতটুকু ভালো কথা লিখলেই
আমার দারুণ ভালো লাগে।

[অভী বলে একটি ছেলে দৌড়তে দৌড়তে আসে হাসি যেন আর
ধরে রাখতে পারছে না।]

ক : আরে, কী বলবে তো ?

অভী : গুপ্তদা আপনাদের ঐ সতুকে খুব খাইয়েছে। উঃ উঃ ! আর
তারপর সরসীদিকে পার্টনার করিয়ে বলডান্স শেখাচ্ছে। রবীন্দ্র-
সঙ্গীতের সঙ্গে বলডান্স উঃ বাবা, আর পারছি না !

ক : সরসী ! সরসীও মাতাল হয়ে গেছে নাকি ? উঃ তোমার ঐ গুপ্তদা
আজ কি করছে ?

[বাইরে সত্যর উত্তেজিত আওয়াজ। অভী চলে যায়। অজিত
ফটিকও উঠে দাঁড়ায়। বাইরে স্বরতার বর্ষস্বর : “ছেড়ে দিন,
আপনি ছেড়ে দিন।” বলতে বলতে সতুকে নিয়ে আসে। সতুর
মুখটা ঝাঁচল দিয়ে চেপে ধরেছে। ওপাশে গুপ্তার গলা—“আই
উইল্ কিল্ ডাট্ সান্ অফ এ বিচ, !”]

ক : কী হয়েছে ? কী হলো ?

স্ব : আমি জানি না। গিয়ে দেখি গুপ্তা সাহেব সতুকে এলোপাথাড়ি
মারছে। যখনই ওকে গেলাস নিয়ে যেতে বলেছেন আমার
তখনই—। সতুকে মদ খাইয়ে মজা দেখবার কী দরকার ছিল ?

ক : আমি জানি, পারভার্ট কোথাকার !

অভী : (চোকে) কুস্তীদি, আপনার শ্বেলিং সল্টটা দিন তো !
সরসীদি অজ্ঞান হয়ে গেছেন ।

ক : সে কী ?

অ : আমি আসছি । [বেরিয়ে যায় । গুপ্তা আসে ।]

গুপ্তা : কোথায়, কোথায় গেল শয়তানট ? আমি ওকে খুন করব !

স : দিদি ! অমকে লুটিয়ে রাখ দিদি ।

ক : কী ? ছ কী, গুপ্তা, নিরীহ সল্টটাকে—

গু : নিরীহ ! পাক্ষা বদমায়েস ডু শউ নো, সরসী অজ্ঞান হয়ে গেছে ?

স্ব : আপনি কেন ওকে মদ খাওয়াতে গেলেন ?

গু : কুস্তী আমি তোমার মেহডু এগ কাছে অপমানিত হবার জন্তে
আসিনি । ছোটলোক !

স্ব : তা ছোটলোককে মদ খাওয়াতে, নাচ শেখাতে গিয়েছিলেন কেন ?

ক : জবাব দাও, গুপ্তা ?

গু : তুমি তোমার বিএর পক্ষ নিয়ে আমায় অপমান করছ ? কোথায়
নেমে যাচ্ছ, কুস্তী ! [অজ্ঞিত দ্রুত এ পাশ থেকে ওপাশে চলে
যায় ।] অল রাইট । তোমাদের সাথে এই শেষ ।

ক : ডোন্ট বি গিল, গুপ্তা । কী হয়েছে ?

গু : স্কাউনড্রেল্ট সরসীকে এমন ভাঙিয়ে ধরেছে—

স : মিথো কথা, আমি কাউকে জড়িয়ে ধরিনি ।

গু : দেখ তোমার নিরীহ ছেলেকে—পাক্ষা শয়তান । হোয়াইট্ ফেসড,
লায়ার ! গৌব হলেই সরল হয় না কুস্তীলা । আমি তোমার এই
সরল বিটির সম্পর্বেও সাবধান । হারামজাদী আমার হাত কামড়ে
দিয়েছে ।

স্ব : এতাদম ভাবতাম, এই সমস্ত গালাগাল বুঝি আমাদের গৌব-ঘরেই
চলে । আপনারাও কম যান না ।

কু : [ধমকে] সুবাসিনী, তোমাদের ঝি চাকরের মত রাখি না বলে
বড় বেড়ে যাচ্ছ, না ? আমার সামনে আমার আত্মকে—

সু : মাপ করবেন। মাথাটা ঠিক—

গু : আর্ম বলছি, দে আর নট্, স্ট্রেট্ পীপল্। সত্যি ভাই বোন কিনা
ক জানে !

ক : তুমি অনর্থক উত্তেজিত হচ্ছে।

গু : এতটা বিশ্বাস করে ভানো করছ না।

ক : তুমি তো আমার চেয়ে বেশী বিশ্বাস করে সরসীকে গুর সাথে
নাচতে পাঠিয়েছিলে।

গু : তাইতেই তো বোঝা গেল। [অজিত ঢোকে]

অ : সরসীর জ্ঞান ফিরে এসেছে। শুকে বাড়িতে পৌছে দেওয়া
দরকার। আমি না তুমি, গুপ্ত—

ক : ও ! তুমি এতক্ষণ সরসীকে নার্স করছিলে !

অ : হাঁ হাঁ আমাদের স্টেট্‌দের সম্পর্কে আমাদের একটা কর্তব্য আছে।
আমার সরসীকে নার্স করা কর্তব্য, আর তোমাদের গুপ্তাকে ঠাণ্ডা
করা কর্তব্য।

ক : চল তাহলে আমি তুমি গুপ্তা সরসী সব একসঙ্গেই যাই। অভয়
ফটিচ আর অগ্রেগা—

অ : মিস্টার ও মিসেস রায় তো আগেই চলে গিয়েছেন। দুজন ঘুমিয়ে
পড়েছে। আর ভাদুড়ী—

ক : থাক। হিসেব চাড়াছি না, তুমি এক-এক সময় এমন করো না,
চল, তাহলে আমরা সবাইকে পৌছে দিড়ে আসি। সুবাসিনী,
এসে যেন সমস্ত ঠিক-ঠাক দেখি !

গু : তোমরা ওদের বেশী ইন্ডালজেন্স দিচ্ছ। [সবাই বেরিয়ে যায়।]

সু : হতভাগা, ওসব খেতে গিড়েছিল কেন ? বল ! তোকে ইশারায়
বারণ করলাম না আমি ?

স : আর করব নায়ে দ্বিদি সত্যি বলছি আর করব না।

স্ব : প্রত্যেক বার তোর ঐ “আর করব না” শুনে ভালে লাগে না, আর করব না কোন্ আরগায় বলতে হয়, সেদিকে তো টনটনে জ্ঞান আছে। কেন নাচতে গিয়েছিলি?

স : আমাকে অনেক কথা জিজ্ঞাসা করছিলো। তুই তো আমাকে বলতে বারণ করেছিলি।

স্ব : তাই তুই নাচতে গিয়েছিলি?

স : হ্যাঁ—না, ঐ মেয়েটা বললো, এস না, কী হয়েছে? আমাকে এক, এক, দুই, তিন করে সব শেখাতে লাগল। তারপর তারপর...

স্ব : তারপর?

স : মনে নেই, হ্যাঁ, আমাকে বললো, ভয় পাচ্ছো কেন? আমি বললাম, কোনো শাল। আমাকে ভয় দেখাতে পারবে না। ঐ লোকটা যে আমাকে মারছিল, “বাক আপ, বাক আপ,” বলে চেষ্টা। আমি বললাম শুকে চেষ্টাতে বারণ কর। গানটা তাহলে শোনা যাবে না। নাচব কী করে। মেয়েটা আমার মুখের কাছে মুখ এনে বললো, স্নাইট, স্নাইট্। আমি বললাম, মেয়েরা মদ খেলে আমার বিক্রী লাগে। তা বললে, তোমার বউকে মদ খেতে দিও না, কেমন। আমি বললাম আমি তোমাকে বিয়ে করবো। তারপর তারপর, কী হলো—দেখি ওই লোকটা আমাকে মারছে। ভীষণ মারছে।

স্ব : তোকে নিয়ে মজা করছিলো। ঠাট্টা করছিলো। বুঝতে পারিস না? তোকে একশ বার বলেছি—খালি নিজের কাজ করবি, আর কিছু করবি না।

স : করিনি তো—আমাকে জোর করে—

স্ব : করিনি তো আমাকে জোর করে—কেন? একটা মিথ্যে কথা ওদের বানিয়ে বলতে পারলি না? আমার বেলায় তো খুব মিথ্যে

বলতে পার—জিজ্ঞেস করলাম, বোর্ড থেকে কি খেয়েছিলি, তখন তো না, ন, না, কিছু শাইনি বলে বেশ পাশ কাটিয়ে চলে গেলি। কেন রে? কেন? তখন বুদ্ধি আসে [কান ধরে।] কোথেকে রে তোর?

স : আর করবে না দিদি, সত্যি বলছি আর করবো না।

স : [এক চড মারে] জ্ঞানার মতো সব সমথ 'ঐ আর করবো না' শুনে আমার গায়ে জ্বর আসে সত্য! জ্ঞান! এর আগে তিন আয়গায় তুই একটা না এটা কাণ্ড করেছিলি, আর আমাদের পালাতে হয়েছে। এর আগে বাবাকপুয়ে ষাদের বাড়িতে ছিলাম—সেখানে তো মরতে মরতে বেঁচেছিলি। তাদের ছেলে তো তাকে গুলি করে মারতো, তার বার সেখানে বারণ করিনি যে ওদের কুকুর নিয়ে গরকম আদিখ্যেতা করবি না। না, রেক্স আমাকে ভালবাসে। ভালবাসে তো সেটার ষাড মুটকে মারলি কেন?

স : বারে, রেক্সই তো আগে আমার হাত কামড়ে দিল! আমি কত করে বললাম, রেক্স কামড়াস না, লক্ষী ছেলে, রেক্স কামড়াস না, তবু—

স : মিথ্যে কথা বলছিস, শবতান। আমি দেখিনি কিছু ভাবিস? তুই কিছুট দেখিয়ে ওকে ভুলিয়ে ছাতে নিয়ে যাসনি। বল, বল হস্তভাগা—

স : ইঁা নিয়েছিলাম সে তো ওর সাথে খেলব বলে। তা ও আমাকে কামড়াবে কেন?

স : তোমার খেলার রকম আম জানি না?

স : [হাসে] খুব নরম নরম লোম ছিল রেক্সের। আর আমি যদি বলতাম দে একটু চটে দে, অমনি আমার হাত চেটে দিত।

স : শোন সত্য, তুই যদি একটার পর একটা এই রকম কাণ্ড করিস, তাহলে কিন্তু এবার কোথাও চাকরিপাব না, কী করে খাব বলতো?

স : না, না, না খেয়ে আমি থাকতে পারবো না। উ : কী খিদে পেয়েছে দিদি।

সু : না, আজ তোর খাওয়া বন্ধ!

স : বারে কেন? আমি কী করলাম? যেকোনো তো আমাকে আগে কামড়ে দিচ্ছিলেন।

সু : উঃ সত্য, আজকে কী কাণ্ডটা করলি—এই মধ্য ভুলে গেলি?

স : আজকে?

সু : এতটুকু আগে কার সঙ্গে নাচছিলি?

স : ও হ্যাঁ হ্যাঁ। দিদি আমি ঐ মেয়েটাকে বিয়ে করবো। কী নরম গরম চুল। ঠিক এই পর্যন্ত কী সুন্দর।

সু : মেয়েটা খেয়েটা কী? তোর চাইতে বয়সে অনেক বড়, আর বিয়ে করবি কী? এঁদের সব মেমসাহেব বলতে হয়। তাকে আমি কত শ্রদ্ধা! সত্য ঠাট্টা নয়, আবার কোথায় পালাব বল দোষি? কত পালাব?

স : পালাব দিদি? আবার পালাবি? এবার কোথায় গিয়ে লুকিয়ে থাকবো বল?

সু : পালাবি? খুব মজা না? কী করে চাকরি যোগাড় করতে হয়। না পালাব না। যেমন করে পারি এই মেমসাহেবের হাতে পায়ে ধরে এখানেই থাকব। এই মেমসাহেব তবু অনেকের চেয়ে ভালো। শরীরে একটু দয়াময়ী আছে। জানিস সত্য, তুই অহুদা তোরা সব যেমন পাটি করতিস, এরাও আগে তেমনি পাটি করত। এখন অবস্থা এই রকম পাটি করে। কী করব বল, কি যখন হয়েছি, ঝি-রা যা যা করে সব শিখতে হবে। কথা ছিল অনন্ত বোসের বৌ হবে আমি সংসার করবো। জানিস সত্য, যদি আমার বিয়ে হত, তাহলে দেখতিস ঠিক আমি ঐ বঙ্গুস বুড়োকে, আরে ঐ অনন্তদার বাবাকে রশ করে কেঁতাম। আমার ওপর রাগ করতেই পারতো

না, তুই বল সতু, এতগুলো বাড়িতে কাজ করলাম, কেউ কি আমার ওপর রাগ করতে পেরেছে? শেন. তোকে একটা কাজ করতে হবে। তুই বলবি, আমি গুপ্তা সাহেবের কাছে মাপ চাইব— বল কী বলবি?

স : 'আমি গুপ্তা' সাহেবের কাছে মাপ চাইব।'

স্ব : রাজ্য যেটা আমাকে বলিস সেটা বলবি।

স : কী?

স্ব : ঐ যে "আর করব না।"

স : কিন্তু ঐ লোকটা আমাকে খুব খারাপ কথা বলেছে। আমার মনে পড়েছে, আমার বাপ তুলে গালাগাল দিয়েছে। আমাকে 'এলিফ্যান্ট, এলিফ্যান্ট' বলেছে। আর ঐ মেয়েটাকেও আমার নামে কী সব বলেছে! আমি ওর কাছে মাপ চাইব না।

স্ব : চাইবি না তো?

স : না, চাইব না।

স্ব : চাইবি না?

স : না, চাইব না।

স্ব : বেশ তুই তা'লে থাক। আমার যেদিকে চোখ যায় আমি চলে যাই।

স : নাহে, আমাকে ছেড়ে তুই যাস না।

স্ব : তাহলে মাপ চাইবি বল?

স : তখন থেকে বলছি আমার খিদে পেয়েছে, তা তোর কোন গরজই নেই।

স্ব : দেখি কী কী বেঁচেছে!

স : অনেক বেঁচেছে রে দিদি। সব ঐ টেবিলের ওপর আছে। চল আমি টেবিলের ওপর বসে খাব।

স্ব : টেবিলে বসবি কিরে, বল চেয়ারে বসে টেবিলে খাবি। না বাবা,

তুমি এখানে বস, আমি নিয়ে আসি। একদিন চেয়ারে বসলে কবে ওদের সামনেই চেয়ারে বসে পড়বি। তোমার গুণের তো ঘাট নেই।

স : কেন, আমি কি চেয়ারে বসতে জানি না? আমাদের বাড়িতে কি চেয়ার ছিল না? না, এত ভালো ভালো চেয়ার ছিল না। কিন্তু আমি কি চেয়ারে বসে টেবিলে বই রেখে পড়াস্তা করিনি?...
- আমাকে কি কেউ কোন দিন ভেরি গুড্ বলে নি? ঐ... ঐ...কে?

সু : বল কে? বল সতু!

স : সেই যে চশমা চোখে ছিল।

সু : হ্যাঁ তারপর অনন্ত বসু।

স : অনন্ত বসু। অনন্তকুমার বসু।

সু : অহুদা, আমাদের অহুদা, যে আর একটা চেয়ারে বসে তোকে পড়াতো—ইংরেজী, গামার, অঙ্ক, এ্যালজেব্রা। মনে পড়ে সতু, মনে পড়ে? যে হঠাৎ এসে বলতো, পড়বার মজুদী দাও সুব্রতা, এক কাপ চা, আর আমি চায়ের সঙ্গে মুড়ি দিয়ে এলে বলত—দেখ সতু, তোমার দিদি বাড়তি জিনিস দিচ্ছে কেন? নিশ্চয়ই আর একটা বাড়তি কাজ করিয়ে নেবার মতলব আছে—আর তুই হাসতিস। যে তোকে প্রথম...

স : [চিৎকার করে] ঔ, ঔ, ঔ—অহুদা, অহুদা গো, তুমি কোথায়?

সু : চূপ কর। মনে পড়ছে কি তোর?

স : হ্যাঁ, মনে পড়ছে, সব মনে পড়ছে। ঐ বেটা গুপ্তা, ঐ তো খুন করেছিল!

সু : আবার কী যা তা বলছিস? ও কেন খুন করবে! সে তো লালু পাল।

স : লালু পাল না। গুপ্তা, গুপ্তা, না লালু পাল না। এরা সবাই বদমাশের

দিদি, এরা সবাই বদমাশ। আমাকে বলে কিনা বাস্টার্ড। আমি ওকে খুন করব। আমি ওকে ছাড়ব না।

স্ব : সতু, সতু।

স : আমি তো কিছু পারি না। আমাকে তুই লুকিয়ে রাখিস।

স্ব : তোকে নিয়ে সবাই মজা করে, ঠাট্টা করে, তুই কিছুই বুঝতে পারিস না।—প্রথম যে বাড়ীতে গিয়ে আশ্রয় চেয়েছিলাম—স্বতরাং নাম আর স্কুল কাইনাল পাশ শুনে সে বাড়ির গিন্নী বললেন—বাবাঃ, তোমার মত বিদ্রোহীকে আমি কি কাজ দেব বল! তারপর কত সন্দেহ।...অবিশ্রি দেখা মাত্রই মাহুম মাহুমকে বিশ্বাস করবে সে-অবস্থা তো মাহুম রাখে নি। তবু বড়লোকেয়া—ভদ্র-লোকেয়া, নিজেদের কোনো কাজই তো নিজেয়া করে নিতে পারে না, তাই স্বযোগ পাই! যদি বিশ্বাস করাতে পারি যে আমি চোর নই, অসল নই, আমি অল্ল মাইনে নেব। হরে দরে তোমরা আমাকে সস্তাই পাচ্ছে—তাহলে টিকে যাই। কিন্তু টিকেতে পারি না ঐ সতুর জন্তে। সতু তো নয়, শত্রু, শত্রু! [গাড়ির আগুয়াজ, কুম্ভলা ও অস্ত্রের প্রবেশ।]

ক : ডাই'নং কমে সব তেমনি পড়ে আছে, তুমি কী করছিলে স্ববাসিনী?

স্ব : সতুর মাথার খুব যন্ত্রণা হচ্ছিল আর—

ক : বাঃ তাই বলে—

স্ব : আমি একুনি যাচ্ছি। [চলে যায়।]

ক : বোগাস। এদের মত যে বলবো এরা সে মুখও নষ্ট করে দেয়।

অ : হঁ! কী করবে এদের নিয়ে?

ক : ভাবছি।

অ : ভাবাভাবির আর কী আছে। আন্ফেয়ার হবার দরকার নেই। এক মাসের মাইনে বেশী দিয়ে—

ক : বাঃ চমৎকার ! মদ খেয়ে গুলার হ'ল উচ্ছ্বাস—চাকরের সঙ্গে
বেরাদরী করতে গেলেন— এখন তার খেসারত দিতে হবে ওদের
আর আমাকে ?

অ : তোমার আবার এতে কী ?

ক : নাঃ, আমার তো কিছু না। তোমার এইসব পার্টি সামলাতে
হবে। তোমার সঙ্গে পার্টিতে যেতে হবে।

অ : থাম। সব সময় তোমার ঐ এককথা ভাল লাগে না। এসব যদি
সত্যি বন্ধ হয়, তখন আবার এসব কেন হচ্ছে না বলে ঘানঘান
শুরু করবে।

ক : বেশ, পার্টির কথা না হয় ছেড়ে দিলাম। সামনের মাসে বাবুল
ছুটি নিয়ে আসছে না ?

অ : সে ক'চ খোকাটি নয়। মিলিটারি অ্যাকাডেমিতে পড়ছে—তার
জন্তে তোমার এতো ভাবতে হবে না।

ক : আর রি'কু ? তার সামার ভেকেশন্ আসছে না ? না কি
ভেকেশন্গুলোতেও তাকে এবার থেকে আনবে না ?

অ : বাঃ বাঃ বাঃ ! বাড়িতে ঝি চাকর না থাকলে বাড়ির মেয়ে বাড়িতে
আসবে না ?

ক : ঝক্কিটা সামলাবে কে ? সে এলেই তো তার আবার একপাল
বন্ধুগান্ধব আসতে থাকবে। আর তারা তো না খেয়ে যাবে
না।

অ : হোটেল থেকে আনিয়ে দেওয়া যাবে।

ক : ঐ ভাবে খরচ করলে জমা'নো টংকা কতদিন শুনি ?

অ : মেয়ে ভেকেশন্গুলোতেও আসবে না বলে কান্নাকাটি করছিলে।
এখন যখন ব্যবস্থার কথা বলছি তখন টাকার জন্ত হা হুতাশ শুরু
করে দিলে।

ক : তবু এদের ত্যাগাতেই হবে !

অ : কটা দিন কষ্ট হবে। আবার লোক জুটে যাবে। এরা আসার আগে একমাগ কী করেছিলে ?

ক : সেট জানি বলেই তো বলছি। উঃ! উইদাউট্ হেল্পার আমি আর পারবো না। ছেলেটা তোমার বাগানের চেহারা ফিরিয়ে দিয়েছে। দিয়েছে কি না বল ? আর সুবাসিনী—এরকম বিপাওয়া বিজ্ঞ শত্রু হবে বলে দিচ্ছি! ক্লাস কাইড-সিক্স্ পর্যন্ত পড়েছে, যে কোনো কাক্সের বইয়ের নাম করলে এগিয়ে দিতে পারে। রান্না-বার্না, কাপড় জামা ইস্তিরি করা থেকে কি না করছে। তার উপর যদি বলি মাথাটা টিপে দাও, পাটা টিপে দাও—কখনো বিরক্তি প্রকাশ করে না।

অ : ওদিকে দেখ কত কী সরাচ্ছে।

ক : না, আমি খুব লক্ষ্য করে দেখেছি—ও দোষ তুমি ওকে দিতে পারবে না। এরকম লোক আর একবার পাবে না এ আমি তোমাকে বলে দিচ্ছি।

অ : কিন্তু কী করা যাবে। দেখলে তো গুপ্তার নেশা ছুটে যাবার পয়ও কী রকম ভিহিমেন্টলি বলছিল—ওরা বাড়িতে থাকলে কিছুতেই আসবে না। সবসীও ভীষণ ডয় পেয়েছে।

ক : থাম। [কৈদে কেলল!] ওই বা কোন্ বুদ্ধিতে নাচতে গিয়েছিল ? দুবার ডিভোর্স করেছে—কচি খুকি তো নয়। আর অভী বলল—

অ : কী বলল ?

ক : কী আবার ! খুশি হয়ে করছিল আর কি ?

অ : জজ্জাবতী লতা হয়ে গেলে নাকি !

ক : গুপ্তা সংসীকে বিয়ে করলেই তো পারে।

অ : হি ইজ্, নট্, ম্যারিয়িং টাইপ্। কিন্তু বাকগে। ওরা এখন

এতো বেশী হয়ে করছে—ধর ওদের বাড়ির চাকর যদি তোমাকে এরকম করে। সেই চাকর থাকলে আমরাই কি যেতে পারতাম ওদের বাড়িতে ?

ক : কিন্তু বার বার বলছি যে ওকে ও রকম করতে বাধ্য করা হয়েছে।

অ : না না কুস্তী, এখানে তোমার সঙ্গে আমি একমত হতে পারছি না। যত বাই হোক, ওর ওরকম করে জড়িয়ে ধরার কোন জাস্টিফিকেশন নেই।

ক : জানই তো ওর মাথায় ছিট আছে।

অ : যতই ছিট থাক। কচি খোকা তো নয়। তাছাড়া ঐ রকম একটা ইম্বেসিলের জন্ত আমি আমার বন্ধু-বান্ধব ভাগ করতে পারবো না।

ক : ওঃ ভক্তলোকের ফ্র্যাটারনিটি ! “লিবার্টি, ইকুয়ালিটি, ফ্র্যাটারনিটি।” দুনিয়ার মজদুর এক হও”—এর বদলে “কোলকাতার ভক্তলোক সব এক হও।”

অ : হাঃ, হাঃ, হাঃ ! দারুণ বলেছ কুস্তী। আমি এবটু আয়েও, করি কুস্তী। বল—“কোলকাতার অভিজাত মাতালেরা এক হউন।”

[স্তব্ধতা চোকে।]

ক : হয়েছে ? ওদিকে গেছলে ? খেয়েছ তো ?

অ : কুস্তী, বলে দাও ওকে—

সু : আপনাদের কথা আমি একটু শুনে ফেলেছি। আমি কথা দিচ্ছি ও আর কখনো ও রকম করবে না।

অ : তুমি কথা দিলে তো হবে ন।

সু : সত্য গুপ্ত সাহেবের কাছে মাপ চাইবে।

ক : কী, এতেও হবে না ?

অ : দেখি, ডাকতো ওকে। [স্তব্ধতা মঞ্চের যেদিকে সত্য ঘুমোচ্ছে সেদিকে এসে ওকে অনেক কষ্টে তুলে নিয়ে অজিতের সামনে আনে। সত্য উদ্ভ্রান্ত।]

অ : আমি কী বলব, তুমিই বল কুন্তী।

ক : বাঃ, বেশ আমার ঘাড়ে চাপিয়ে দিলে। স্বাসিনী, তুমিই ব্যাপারটা ওকে বুঝিয়ে বলো।

স্ব : সত্য, তুই আজ খুব অজ্ঞায় করেছিস তো ? গুপ্তা সায়েব এলে তুই তাঁর কাছে মাপ চাইবি।

স : কী ?

স্ব : গুপ্তা সায়েবের কাছে তুই মাপ চাইবি। বলবি, আর কখনো এরকম করবো না।

স : হ্যাঁ।

অ : না, খালি মাপ চাইলেই হবে না। কখনো গুপ্তা সায়েব এলে তার সামনে যাবার সাহস যেন ওর না হয়।

স্ব : শুনাল তো ?

স : হঁ, হঁ।

অ : কাল বিকেলে আমি গুপ্তা সায়েবকে নিয়ে আসব। তার পায়ে হাত দিয়ে মাপ চাইবে।

ক : তুমি গুপ্তাকে কাল নিয়ে এসো।

অ : ঠিক আছে। কাল বিকেলে গুপ্তাকে নিয়ে আসব। চলো।
[অজিত, কুন্তী যেতে থাকে।]

স্ব : তাহলে কাল বিকেলে গুপ্তা সায়েব এলে তুই মাপ চেয়ে নিবি,
কেমন ?

স : কোথায় গুপ্তা সায়েব ? কোথায় গুপ্তা সায়েব ? ওকে আমি খুন
করবো। [সবাই স্তম্ভিত। পর্দা।]

তৃতীয় অঙ্ক

[কোম্পানীর মালিক মদনবাবু টেলিফোনে]

মদন : হঁ হঁ ওতো আমি সমঝে নিলাম নারানবাবু। আপনি যে তিন-

জনের কথা বলেছেন তাদের ভি আমি আমার লিষ্টে ইন্সকুড করেছি। আরে ছিঃ ছিঃ! তারা কামে আশুক না আশুক পে-র কোনো গড়বড় হোবে না। হঁ হঁ সমঝলাম, সমঝলাম। একস্কুডিংলি বিটুইন্ আওয়ারসেল্‌স্—তারপর বলুন, আর খবর বলুন। আমার যাওয়া হলো না। আপনার ভাতিজার জামাই কেমন হলো? ডেরি গুড। হ্যাঁ একটা কথা, রামজী যেন ছাড়া না পায়। একটু খেয়াল রাখবেন। বেখানে আছে আছে। ওটা যেন গড়বড় না হয়। হাঃ হাঃ হাঃ, ডেরি গুড। হাঁ অ'রে আশুন না একদিন। একটু আড্ড দিব। হাঃ হাঃ আপনাদের বাঙ্গালীদের এই আড্ডা আমার ভাণী পছন্দ। কিন্তু আমরা শালারা ওটার দাম দিতে এখনও শিখলাম না। কাম, কাম, কাম! এত কাম করলে কি আর্ট, কালচার কিছু হোয়? বিজনেস্ করছি, টাকা কামাচ্ছি। আখির কী লাভ হলো! বোলেন তো? হাঃ হাঃ, ফিকর করবেন না। সব ঠিক হবে! রাম রাম। [ফোন ছেড়ে দেয়। বেল বাজায়। কাউকে উদ্দেশ্য করে বলে—‘আনে বোল’। [‘দীহু’র প্রবেশ। একটা খাম দীহুর হাতে তুলে দেয়। তারপর একটা কাগজে কিছু লেখে—দীহুকে পড়তে দেয়—পড়া হলে কাগজ ছিঁড়ে ফেলে। দীহু চলে যায়। অজ্ঞ জায়গা। কিব্লিস্ ধাড়িয়ে আছে। দীহু আসতে ওকে ফলো করে। ও চলতে থাকে। তারপর এক জায়গায় দু’জনে দাঁড়ায়।]

দীহু: এই নে [টাকা দেয়।]

কিব্লিস: এ কি—মাত্র ৫০ টাকা? না, না দীহুদা। আর কিছু দাও। না হলে মাইরী মরে যাব।

দ: তাখ, কিব্লিস, সব সময় ওরকম ব্যানঘ্যান করবি না। যা দিলাম সোনা মুখ করে নিয়ে যা।

কি: জান হিস্ক করে কাজ করব আর—

দ : কিব্লিস্ জানের রিস্ক, দীর্ঘ চক্রবর্তীকে দেখাবি না। অনেক রিস্ক নিয়ে এই দীর্ঘ তৈরী হয়েছে। টপ্-এ আসতে চাও তো রিস্ক নিতে হবে।

কি : দেখ দীনদা, তোমাকে সব কণ্ডিশন বলেছি। বাবাটার এক্স-রে করতে হবে। তাছাড়া ছে ট ডাইটার স্কুলর মাইনে—

দ : ওগব ইঙ্কল টিঙ্কল করে কি হবে! দলে ভিড়িয়ে নে না।

কি : কী যে ঠাট্টা কর মাইরি! ন বছর তো বয়স মোটে।

দ : আরে এই বয়সে ট্রেনিং নিলে ভালো হবে বুঝলি না। পাক্স মাল হয়ে বেরবে!

কি : তার ওপর ছোটো পোষ এসে জুটেছে! বাবার গ্রামের লোক। দু'দিন ধরে আছে। বাবা বলে ওদের বাবার কাছে নাকি পড়াশোনা করেছিলো। বলেছে, কাজ দেখে দে চলে যাবে। বল দীনদা ফি করি। অর কুড়িটা টাকা দাও—মা কালীর দিব্যি, না হলে ধরে যাব দীনদা।

দ : তুই এখন কুকুরের মতো কেঁই কেঁই করিস না—এখন বোকাই যায় না যে জান কুল করে তুই রামজী সিংকে মারতে গিয়েছিলি।

কি : বল তাহলে, তোমার দলের আর ক'জন আছে যে অমনি করে কাঁপিয়ে পড়বে। তাইতেই তো রামজী সিং ধরা পড়ল। যদন বাবুর কত সুবিধে হল বলো? যদি মরে যেতাম সেদিন! রামজী তে চেঁচায় বার করেছিলো। যদি হুঁড়তো গুলিটা!

দ : তাহলে আপদ চুকতো। কেঁই কেঁই শুনতে হতো না।

ক : দীনদা—ওরকম করে কথা বলবে না বলছি—আর কোন শর্যাকে পেয়েছিলে রামজীর সামনে দাঁড় করাবার জন্ত। আমি তোমাকে ভালবাসি দীনদা আর তুমি—

দ : এ্যাই দেখ! এই কিব্লিস, তুই একটা ব্যাবসা। এই নে ধর। দশ টাকা নে। আর পারবো না। অনেক জামগায় ভাগ দিতে হবে।

কি : না না, আমি টাকার কথা বলছি না। এখন রামজী যদি জামিনে ছাড়া পায় তখন রিস্কটা কার বল ? আমাকে ছাড়বে না কি ও ?

দ : আরে জামিন ফামিন পাবে না।

কি : কী করে জানলে ? ওতো নারানদার দলের লোক। আর নারানদার আবার উপর তলায় শৌকান্ত কি আছে।

দ : এই চকোত্তি সব জানে যে সব জানে। মালিক নারানদাকে বলে দিয়েছে।

কি : এ্যা।

দ : তবে বলছি কী ? মালিক নারানদার আরো তিনটে শোয়াকে পুষবে। ঠিক হয়ে গেছে। মদনবাবুর কাছে পে-রোল আমি দেখে এসেছি।

কি : ইস—আমি শালা একটা চান্স পাই না।

দ : তোর চান্সটাই বা কম কী হচ্ছে ? মাসে পাচ্ছিস কত ? কম কী হলো ?

কি : তুমি পাণ্ডাটা দেখছ দীনদা। আর ভ্রব্যমূল্য বিক্রি দেখছ না, তোমার আর কী। তুমি তো একটা দোকানের সামনে গিয়ে দাঁড়ালেই তোমার বাড়িতে হুড হুড করে জিনিস চলে যায়।

দ : আরে লেগে থাকতে হবে। আমারই কি একদিনে হচ্ছে নাকি ? যে কোন কাজে সাক্সেস পেতে হলে লেগে থাকতে হয়। সিন্সিয়ারিটি। কিন্তু কাবলা একটা লোক চাই।

কি : লোক ? কী হবে ?

দ : নারানদার হাঁড়ির খবর চাই।

কি : ঐ ছোটোকে নিয়ে আসবে দীনদা একবার ?

দ : তাদেরকে বিশ্বাস করবো কী করে ?

কি : না, না বিশ্বাস করা যায়।

দ : বিশ্বাস করা যায় ?

কি : তুমি চেষ্টা করলে কী না হয় ? বইলে যাবজীকে পুলিশে ধরে ?
আনব দীনদা ?

দ : দাঁড়া । প্যান্টা করতে দে ! আচ্ছা মালগুলোকে নিয়ে আর
দেখি কেমন । [একটু সময় যায়, কিবলিসের সঙ্গে হুতরা ও সত্য
আসে ।]

দ : তোমরা কোথেকে আসছ ?

হু : কোলকাতা । ওখানে এক বাড়িতে কাজ—

দ : কাজ গেল কেন ?

হু : তাদের পুরোনো লোক এসে গেল তাই ।

দ : রেফুউজী ?

হু : আজ্ঞে হ্যাঁ ।

দ : ওটা কে ?

হু : আমার ভাই, মাথায় ছিট আছে ।

দ : কেন ?

হু : টাইফয়েড হয়েছিলো ।

দ : বাড়িতে আর কে আছে ?

হু : কেউ না ।

কি : আমার বাবা ওদের খুব ভাল বললে ।

হু : আমার বাবাকে এনারা চিনতেন ।

ম : নাম কি ?

হু : আমার নাম সুবাসিনী, ওর নাম সত্য ।

দ : সেখাপড় ?

হু : আমি ক্লাস লিক্স ও ক্লাস এইট ।

দ : ওটা কী কী করতে পারে ?

হু : বাগানের কাজ, গাড়ি ধোওয়ার কাজ ।

বলি-১০

- দ : একটা বাড়িতে তোমাদের লাগাবার চেষ্টা করব কিছ—। কিব্লিস্, এইটাকে নিয়ে সর তো। [কিব্লিস্ সত্যকে নিয়ে যায়।]
আমার সম্পর্কে কিছু শুনেছ ? [সুব্রতা ঘাড় নাড়ে] কী শুনেছ ?
- সু : আপনার অনেক প্রতিপত্তি। আপনি ইচ্ছে করলেই আমাদের চাকরী হয়ে যেতে পারে।
- দ : তোমাদের জ্ঞান আমি চেষ্টা করব। কিন্তু তোমাকে একটা কাজ করতে হবে। নারান চৌধুরীর নাম শুনেছ ?
- সু : না, আমরা তো সব এসেছি।
- দ : নারান চৌধুরী এ এলাকার খুব নামকরা লোক। নেতা। তাছাড়া অনেক রকম কাজ করার আছেন, সে আমি তোমাকে সব বুঝিয়ে বলব। আমি এখন তোমাকে যে কাজটি করতে বলবো তাতে রাজি হও ভালো, না হলে এখনি তোমাদের টিকিট কেটে ফেরত পাঠিয়ে দেওয়া হবে।
- সু : না, না, আপনি বলুন।
- দ : ঐ নারান চৌধুরীর বাড়িতে লোকের দরকার। বৌদি মানে নারানদার বো—ভাল লোক—তাকে বলে ও বাড়িতে আমি তোমাদের লাগিয়ে দেব। মাইনে কড়ি নিয়ে বেশী হামলা কোরো না। যা বলবে, দু'একবার গুঁইগাঁই করে তাতেই রাজী হয়ে যাবে। তারপর নারানদা কী করে—তার বাড়িতে কে আসে না আসে—কী ধরনের কথাবার্তা হয়—বৌদি কখন কোথায় কতটাকা রাখেন—না, না কোন অসুবিধে হবে না। এসবগুলো একটু চালাকি করে জানবে আর আমাকে জানাতে হবে।
- সু : তার মানে ? আমি.....
- দ : তা না হলে তো বললুম—ফেরত যেতে হবে। তোমার ভয় নেই। এ কথা কাকপক্কীতেও টের পাবে না। আমার সম্পর্কে তুমি বেশী জান না। তবে দীর্ঘ চকোত্তি কথা দিলে কথা রাখে—

হু : না, না তা নয়। আমি যদি সব পেরে না উঠি, অত বুদ্ধি যদি আমার না হয় ? তখন যদি আপনি মনে করেন—

দ : আমার তো মনে হচ্ছে তুমি পারবে। আর সত্যিই তুমি পারছো না, না: ইচ্ছে করে করছ না—ও আমি ঠিক ধরতে পারবো। লোক চরিয়ে যেতে হয় আমাকে। যদি সত্যিই না পারো—তোমাদের এখুনি চলে যেতে বলবো—আর যদি চালাকি করো—তাহলে...বুঝতেই পারছো।

হু : না না, আপনার সঙ্গে আমি চালাকি করবো, ছি:।

দ : চলো তা হলে। [দৃশ্যান্তর—টেলিফোন:]

না : সত্য, এই সত্য আমার জুতো জোড়া নিয়ে আর, হ্যাঁ হালো, হালো, আমি নারান চৌধুরী বলছি, আমি যা বলছি তা'ই হবে। ...ক'টিন ?...হ্যাঁ...না অত ছাড়তে পারবো না...টাকার খুব দরকার—হ্যাঁ হ্যাঁ—ইলেকশানে দাঁড়াবো। দাঁড়াবোই...[সতুকে] হাঁ করে দাঁড়িয়ে দেখছি কি ?...পরিয়ে দে, ঐ কথাই রইলো...না, এবার ছাড়তে পারবো না। আমি আসছি। [সতুকে] বললাম না জুতোটা পরিয়ে দিতে ? [সত্য জুতো পরাতে থাকে—টেলিফোন বেজে ওঠে]। হালো—হ্যাঁ আমি বলছি। কী ? খাতাগুলো নিয়ে পুড়িয়ে ফেল—হ্যাঁ। [উঠে দাঁড়ায়] অত সোজা না। [চলে যাচ্ছে—হুতরাং ঢোকে।]

হু : বৌদি আপনাকে একবার ভেতরে ডেকেছেন।

না : বল সময় নেই। সত্য ব্রিফ কেস্ গাড়িতে দে। [সত্য, নারান বেরিয়ে যায়। হুতরাং দাঁড়িয়ে থাকে। চামেলী আসে।]

চামেলী : কী হলো ? বলেছিলে আমার কথা ? [হুতরাং ঘাড় নাড়ে।]
তা কী বললে ?

হু : একটা টেলিফোন এল তাই বোধ হয়—

চ : তোমাকে কেউ ওকালতি করতে বলে নি—কী বলছেন তাই বল।

স্ব : সময় নেই।

চ : চিরকাল শুনিছি সময় নেই, সময় নেই, তা বিয়ে করতে কেন গিয়েছিলে? কেন? পাটিতে গিয়ে, মেয়েদের সঙ্গে আড্ডা দেবার সময়তো সময় হয়, তাদের সব নিয়ে গাড়িতে পৌঁছে দেবার সময় সময় হয়। আমার বেলায় শুধু সময় নেই—কেন?

স্ব : আপনি বয়স ভেতরে চলুন।

চ : তুমি আমাকে ভেতরে যেতে বলার কে? একদিন সব আগুন লাগিয়ে দেব। পলিটিক্স করছেন! আমিও পলিটিক্স করনোয়লা ঘরের মেয়ে। আমাকে চেনে না। আমার বাবা এম. পি. হয়েছিলো। এম্ এল্ এ হতে গিয়ে হেরে ভুত তার আবার। [সত্য ঢোকে, হাতে একটা ফুলের তোড়া।] দেখি দেখি কী! আমার জন্ম এনেছ? বা: সত্যি তুমি কি স্বন্দর বাগান করতে পার। এত স্বন্দর কাজ শিখলে কোথায়?

স্ব : আমার বাবার খুব বাগানের সখ ছিল।

চ : আমার বাবারও সখ ছিল আমাদের বাড়ির বাগান—সে কত বড়। তিনজন মালী খাটতো। এদের মতো এতটুকু বাগান নাকি? সত্য, তোমাকে একদিন আমার সাপের বাড়িতে নিয়ে যাব। হানাঘাটে। বাগান বাক্যে বলে তুমি একবার দেখবে। যাবে? [সত্য ঘাড় নাড়ে।] অচ্ছা, তুমি কথা বল না কেন? সব সময় দি দকে এত ভয় পাও কেন? দিদির দিকে তাকিয়ে আছ কেন?]

স্ব : নিশ্চয় যাবে আপনি যখন বলেছেন।

চ : সত্যকে কথা বলতে দাও। কী, সত্য?

স : আপনি যখন বলেছেন।

চ : ও: তোতা পাখীয়ে! সুবাদী, যাও নিজের কাজ দেখ গে। [হুত্বা

চলে বেতে গিয়ে পেছন থেকে ইশাৰা কৰে সত্যকে চলে যাবাৰ
অন্ত।] সত্য, এ জায়গাটো তোমাৰ কেমন লাগছে ?

স : খুব ভালো, যাই বাগানে জল দিই গে।

চ : খুব, দুটোৰ সময় কেউ জল দেয় নাকি !

স : তাহলে অন্ত কাজ কৰি গে।

চ : বোলে, তুমি ভাল কৰে খেয়েছ তো ?

স : না, আমাকে ভাত কম দেয় ! আমাৰ পেট ভৰে না, আমি আরো
খাব।

চ : সে কী ? তোমাকে পেট ভৰে খেতে দেয় না ! সুবাসী, সুবাসী—

স : দি দিকে ডাকবেন না, দিদি নিজেৰ ভাত থেকে তো আমাকে
দিয়েছিলো। তবু আবার আমাৰ খিদে পেয়ে গেল। আমি
আরো খাবো। [স্বভাৱ আসে।]

চ : শৰীৰটো তো কম নয়, খিদেৰ দোষ কী ? আমাৰ বাপেৰ বাড়িতে
এ রকম দশ বারো জন লোক খায়। কৈ, সেখানে তো শুনি নি যে
কাকৰ পেট ভৰে না। ঐ বাড়িৰ হাওয়াই আলাদা। সুবাসী,
তুমি বেশী কৰে চাল নেৰে। দেথবে সত্য'ৰ যাতে খাবাৰে কম না
পড়ে। [বাইৰে থেকে দীহুৰ গলা।] এস, এস দীহু। কী
খবৰ ? সেই যে এদের দিয়ে গেলে আৰ পাভাই নেই।

স : সময় পাই না বৌদি। তা এয়া কেমন কাজকৰ্ম কৰছে ?

চ : সুবাসী, তুমি সত্যকে নিয়ে গিয়ে দিছ খেতে দাও। [ওয়া ভেতৰে
যায়।]

দীহু : কেন, খায়নি বুঝি ?

চ : আৰে নাঃ। আমাদেৰ বাড়িতে খাবাৰ অভাব নাকি ? আমাৰ
বাবা সে রকম ঘৰ দেখে তো আৰ বিয়ে দেয় নি। আসলে খাই।
অতবড় চেহাৰাটো তো ! আৰ বলতে কি—খাটেও কম না। ঐ
দেহে যেন মোষেৰ শক্তি।

দ : কমিশন্ দিন বৌদি, কমিশন দিন। এত কম মাইনের ছ'ছটো লোক। তার ওপর মোষের মত খাটছে।

চ : ফাজলামি কোরো না। আর খবর বল।

দ : খবর তো আপনি দেবেন বৌদি। দাদার মন যেজাজ কেমন?

চ : তোমার দাদার কথা আর বোলো না। সে তার কাজ নিয়ে রয়েছে। এই মিটিং, এই কে কোন করল, এই কী হলো। আমি এসে পড়লে আবার ফোনে সাটে কথা বলে। আমার বাবাও পলিটিক্‌স্ করতো। কিন্তু এমন ব্যবহার বাবার কাছে তোমরা পাবে না। যেমন লম্বা চণ্ডা চেহারা, তেমনি কথা কি কাজে, কি রসিকতায় সমান ভাল।

দ : কিন্তু বৌদি, আজ একটা প্রার্থনা নিয়ে এগেছি। মঞ্জুর করতেই হবে।

চ : কী?

দ : একশোটা টাকা দিতে হবে বৌদি।

চ : না ভাই এত ঘন ঘন টাকা চাইলে—

দ : বৌদি, মনে করে দেখুন দেড় মাস আগে একবার চেয়েছিলাম। সেবার অর্ধেক দিয়েছিলেন—এবার ভাইয়ের মুখটা একটু রাখবেন বৌদি।

চ : ফাজিল ছেলে। কিন্তু তোমার দাদাকে কিছুতেই এ টাকার কথা বলতে পারবে না।

দ : সে কি আমি জানি না বৌদি। ওঃ বৌদি, আপনার ঐ সুবাসীকে দিয়ে এক গ্রাস জল পাঠিয়ে দেবেন তো। বাপরে যা রোদ বাইরে। [চামেলী ডেভরে যায়। দীর্ঘ গান ধরে। একটু পরে সুবাসী জল নিয়ে আসে।] চটপট বলো কি খবর?

সু : এদের ভাবগতিক কিছু বুঝতে পারি না।

দ : চটপট বল। সময় বেশী নেই।

স্ব : অনেক টাকা বৌদির কাছে আছে। কিন্তু কোথায় তা এখনও বুঝতে পারিনি। একটু আগে—বাবু কার সঙ্গে ফোনে কথা বলতে বলতে বললেন ‘পুড়িয়ে ফেল।’ কিন্তু কী, আমি বুঝতে পারিনি আর আমি এলেই বাবু ইংরাজীতে ফোনে কথা বলেন।

দ : কিছুই বুঝতে পারো না ?

স্ব : যা বুঝতে পারি তাতে কিছুই আশ্বাস করতে পারি না।

দ : বাকুগে পরশু রাতে সজাগ থাকবে। অনেক মাল এ বাড়িতে আসবে—অবশ্য প্রান যদি না বদলায়। আমার বিশ্বাস এ বাড়িতে চোরা কুঠুমী কিছু আছে। সেই পুরো খবরটি আমাকে ভাল করে বলতে হবে।

স্ব : আমার ভীষণ ভয় করছে। এ আপনি কী বলছেন! এ আমি কী করে করব ?

দ : করবে, না করলে তো চলবে না। এর জন্ত তোমাকে আলাদা মজুমদার দেওয়া হবে। এই যে বৌদি চটপট আসুন। [সত্য আর চামেলীর প্রবেশ।] তখন থেকে এই ভোঁদাটার সঙ্গে কী কথা বলছেন!

চ : তুমিই বা স্বাধীন সঙ্গ কী বলছিলেন ?

দ : জিজ্ঞাস করছিলাম, কী রকম লাগছে। ও তো আপনাদের প্রশংসায় পঞ্চমুখ। বলছে এর আগে এমন মনিব পায়নি।

চ : তা আমার বাড়িতে তো কোনো ঝামেলা নেই। আর আমার মনও ভেমন নয়। ঝি-চাকরকে ঝি-চাকরের মত আমি দেখতে পারি না। এই নিয়ে আমার গুরু সঙ্গ কত সময় তর্ক হয়। মুখে বলবে শোস্তালিজম, আর ঝি-চাকরের সঙ্গে ব্যবহারের বেলায়—

দ : বৌদি, দাদা সম্পর্কে এটা বাজে কথা।

চ : এই নাও ভাই, [টাকা দিলেন] এর মধ্যে ১০০টা টাকা বেশী দিলাম। সত্যকে একটু নিয়ে যাও। গুরু একটা প্যাণ্ট, শার্ট কিনে

দিত। ওর কাপড় আর জামার বা অবস্থা ! দেখলে তো বাজে বকছিলাম না। কাজে কথায় এক।

দ : নারানদার যোগ্য সহধর্মিণী আপনি, বৌদি। নারানদা বক্তৃতা দিচ্ছেন—আর আপনি কাজে করে দিচ্ছেন—নারানদার পরিপূরক। সুবাসিনীর জন্ত একটা শাড়ী হবে নাকি ?

চ : তোমার কি শাড়ীর দরকার আছে ?

সু : না না আমার কিছু দরকার নেই।

দ : তাহলে চলো সত্যপদ, দেখি !

সু : আপনি ওকে বাড়ি পৌঁছে দেবেন, নইলে—

দ : কোন ভাবনা নেই। যদি ম্যানেজ করতে পারি তোমারও একটা শাড়ী হয়ে যাবে।

চ : দীহু, বাজে খরচ করবে না একদম !

দ : আর একটা জিনিস—একটা বেবী ফুড।

চ : বেবী ফুড ? বাড়িতে বেবীই নেই তার—

দ : হয়ে যাক একটা বেবী ফুড সত্যর জন্ত। কি বলেন বৌদি ? বাড়িতে স্টক আছে ?

চ : কি যে সব হেঁয়ালি কর বুঝি না। তোমার দাদা কোন কালে বেবী ফুডের ব্যবসা করেছিল।

দ : ঠিক বলেছেন বৌদি, আবার যে করবে না তার ঠিক কী ? ওটা বাদই দি। [দীহু আর সত্য বেরিয়ে যায়]

চ : দীহুর সঙ্গে সাবধানে মিশো। অত গদগদ হওয়া ভালো না, ওর চরিত্র সুবিধের নয়।

সু : উনি আমাকে কাজের কথা জিজ্ঞাসা করছিলেন।

চ : কাজেই তো অকাজের শুরু।

সু : আপনার বাবার বাড়িতে লোকের দরকার নেই ?

চ : কেন ?

হু : না, তেমন হলে আমরা সেখানে গিয়েও কাজ করে দিতে পারি।

চ : যেই শুনেছ আমার বাবা আরো বড়লোক, অমনি লোভে হুড়হুড়ি লেগেছে না? এখানের মত আপনা হাত জগন্নাথ সেখানে হবে না। তবে তুমি যদি চাও, আমি তোমাকে ওখানে পাঠিয়ে দিতে পারি।

হু : আমাকে একলা? কিন্তু সত্য?

চ : তোমার ভাই কি কচি খোকা নাকি?

হু : তা নয়। কিন্তু ওর মাথায় একটু—

চ : কিছু নেই। তুমি বলে বলে এ রকম করেছ। একটু বোকা আছে। তাই বলে—দাঁড়াও, মাকে একটা ফোন করে দেখি। মা কেবলই বলে একটা ভাল লোক দেখে দে।

হু : না, শুধু, ওকে ছেড়ে আমি যেতে পারব না।

চ : আদিখ্যেতা! এখানেও কাজ, সেখানেও কাজ?

হু : আমি যাব না।

চ : বাবে না মানে? তোমাকে যেতেই হবে। মা আমার বাতের ব্যথায় কষ্ট পাচ্ছে। কত বার বলেছে, একটা ভাল লোক দে। আমি যদি বলি তোমাকে যেতে হবে।

হু : দেখুন ভুল করে কথাটা বলে ফেলেছিলাম। আমি কোথাও যেতে চাই না, এখানেই থাকবো।

চ : আহা হা, কেন বলোতো! এখানে নিশ্চয় কারো না কারো সঙ্গে একটা ফ্যান্সাদ বাঁধিয়েছ। কী, দীহর সঙ্গে!

হু : এসব কী বলছেন?

চ : ঐ সবই হয়। দীহর যখন শাড়ীর কথা তুললে তখনই বুঝেছি।
[নারান ব্যস্ত হয়ে ঢোকে।]

ন : তোমরা এখানে কী করছ—ঘর থেকে বেরোও তো।

চ : অমন কুকুরের মত ডাড়াচ্ছ কেন!

ন : কেন আসো এই ঘরে ! [চামেলীরা যায় ।] হ্যালো । ৪৪-৩২৮৭,
আমি একটু মি; ভোমিকের সঙ্গে কথা বলতে চাই । বলুন, আমি
কল্যাণীর চৌধুরী কথা বলছি—নারান চৌধুরী । দাদা—আমি
নারান কথা বলছি । সেদিন গাড়িতে সেই যে একটা কথা
বলেছিলাম না, রামজি সিংএর আমিনের ব্যাপারে । ব্যাপারটা
খুবই তুচ্ছ । এঁা, হ্যাঁ, লোয়ার কোর্টে মুক্ত করবার জন্য উকিল-
বাবুকে আসতে বলেছি । আচ্ছা, আচ্ছা, আপনি কেমন আছেন ?
আচ্ছা, রাখছি তাহলে নমস্কার । [বসার পর উকিলবাবু চোকে ।]

উকিল : কী ব্যাপার ! একেবারে জোর তলব ?

ন : রামজির কথা নিশ্চয়ই মনে আছে ।

উ : হ্যাঁ, মনে আছে ।

ন : ওর একটা আমিনের ব্যবস্থা করতে হবে ।

উ : আমিন ! মানে রামজি সিংএর ! আরে মশায় ওর নামে যে
অনেক কেস্ রুলছে তাছাড়া গোড়ার দিকে আপনিই তো
বলেছিলেন ও যাতে ছাড়া না পায় সেই ব্যবস্থা করতে ?

ন : হ্যাঁ ঠিক । কিন্তু সিচুয়েশন এখন পালটে গেছে । রামজি সিং
ছাড়া আমি একেবারে অচল ।

উ : বেশ, কাল কোর্টে একটা মুক্ত করে দেখছি । কিছু টাকা পরসাদ দিন ।
বুঝতেই তো পারছেন । ওদিকে আবার অনেক খরচ পত্তর রয়েছে ।

ম : খরচ পত্তরের জন্য আপনি ভাবছেন কেন ? এই নিন [খাম
এগিয়ে দেয়] এতে পাঁচশো টাকা আছে ।

উ : আপাতত এই দিয়েই চলুক । পরে দেখা যাবে । একটা কথা ।
রামজি ছাড়া পেলে কিবলিস্ ছেলেটার খুব বিপদ হবে । গত
ইলেকশনে কিবলিস আপনায় হয়েই ধেটেছিল ।

ন : আরে মশাই কিবলিসের চেয়ে রামজি অনেক বেশী কাজের লোক ।
আর ইলেকশন হচ্ছে মন্তব্য একটা বস্তুর মত, বা ঘূর্ণের মত ।

এতে দু'একটা বলি এদিক ওদিক হয়েই থাকে। ও আমাদের কিছু করার নেই। [উকিল যায়, টেলিফোন বাজে।] হ্যালো। হ্যাঁ, হ্যাঁ পরন্তু অ্যাট মিডনাইট। না মোড়ের মাথায় থামবে, নিয়ে আসার অজ্ঞ ব্যবস্থা। হ্যাঁ হ্যাঁ। [ছেড়ে দেয়] এই মাল-গুলো আটকে রেখে যদি ঠিক সময়ে ছাড়তে পারি তাহলে—আশা করা যায় কিফ্‌টি থাউজ্যান্ড। সত্য। সত্য। [স্বতরাং ঘরে চোকে।]

স্ব : সত্য বাড়িতে নেই।

ন : বেরিয়েছে? কার ছকুম?

স্ব : বৌদি পাঠিয়েছেন।

ন : কোথায়?

স্ব : দোকানে।

ন : বেন? [চামেলীর প্রবেশ।]

চ : ওর আমা কাপড়গুলো একদম ছেঁড়া ছিল—তাই পাঠিয়েছি। কী হয়েছে তাই?

ন : আমি যখন বাড়ি আসব আমার চাকর তখন আমাকে অ্যাটেণ্ড করার জ্ঞান এইখানে থাকবে।

চ : বল না তোমার কী চাই? স্থানান্তর করে দিচ্ছে।

ন : আমার কী চাই, বাড়িতে এতক্ষণ পরে এসে আমাকে বলতে হবে?

স্ব : একটু চা করে আনব?

ন : হ্যাঁ যাও। [স্বতরাং চলে যায়] তোমার চাইতে তোমার বি-এস বুদ্ধি অনেক বেশী।

চ : অমনি করে কথা বলছো কেন? ও যদি শুনে ফেলতো। আমি কি তোমার দু'চোখের বিষ হচ্ছে? বিষে বরেন্ধিলে কেন?

ন : পলিটিক্সের ঘর দেখে বিষে করলাম। ভাবলাম একটু সাহায্য হবে।

চ : তুমি তো আমাকে কিছুই করতে দাও না !

ম : কাকে দেব ? দিনরাত তো খালি হিন্দী সিনেমা দেখবে।

চ : এই ঝাখ, এ পোড়া আয়গাষ হিন্দি সিনেমা ছাড়া তো আসেই না,
তা কি দেখব ?

ম : উঃ ভগবান। সে সব কথা নয়। তোমার মন অস্ত্র দিকে। এ
বাপাওটা তুমি বোঝই না। থাক্গে, কথা বলে সময় নষ্ট করে
তো কিছুই লাভ নেই।

চ : আমার সঙ্গে কথা বললে তোমার সময় নষ্ট হয়, না ?

ম : প্যানপ্যানামি ভাল লাগে না যাও। আমার অস্ত্র চিন্তা আছে।

চ : অস্ত্র চিন্তা মানে তো কী করে কার সর্বনাশ করবে তাই !

ম : চামেলি, বড্ড বাড়াবাড়ি হচ্ছে।

চ : একদিন তোমার ঘরে আগুন লাগিয়ে দেবো।

ম : চেষ্টা করো। এই নাও দু হাজার আছে এখানে, হিসেব রেখ।

চ : এত টাকার হিসেব রাখা যায় নাকি ?

ম : তা হলে দাও।

চ : ইঃ, একবার যখন দিয়েছ ফেরত পাচ্ছ যেন— [হাসতে হাসতে
বেহিষে যায়।]

ম : ইডিয়ট। এই বুদ্ধি নিয়ে আমাকে হেলপ করতে এলেই হয়েছিল
আর কি। [স্তব্ধতা চা নিয়ে ঢোকে।] এতদিন তোমাকে ভাল
করে লক্ষ্যই করিনি। তোমার তো বেশ বুদ্ধি আছে মনে হয়।
সুনেছিলাম ভদ্রঘরের তোমরা। তুমি কি বিষবা ?

সু : না, আমার বিয়ে হয় নি।

ম : কেন ?

সু : আমাদের অর্থ ভাল ছিল না।

ম : ওঃ ! অস্ত্র কোন কারণ নয় ?

সু : আজ্ঞে না।

ন : তোমাকে বিশ্বাস করা যায় কি ? বিশ্বাস করা যায় তোমাকে ?

সু : অবিশ্বাসের কাজ তো কিছুই করিনি।

ন : দীহু বলে যে লোকটা আসে এখানে, ও এসে এখানে কী করে না করে, একটু লক্ষ্য রাখবে। কী, পারবে না ?

সু : আচ্ছা, আমাকে আর কোথাও পাঠিয়ে দেবেন না, আপনাদের এখানেই যেন কাজ করতে পাই।

ন : আচ্ছা সে দেখা যাবে।

দীহু : [বাইরে] আসছি বৌদি।

ন : এস এস দীহু।

দ : আরে দাদা যে, অনেকদিন দাদার খবর নেই। খুব ব্যস্ত না দাদা ?

ন : তোমার খবর কী ?

দ : আপনার আশীর্বাদে চলে যাচ্ছে। বাজারে একটা খবর শুনলাম। সত্যি ? দাদা, আপনি নাকি ইলেকশানে দাঁড়াবেন ?

ন : তুমি কী বল ? দাঁড়ালে কেমন হয় ?

দ : ভালই হবে দাদা।

ন : এই সত্য, জুতোটা পালিশ করে দে ! তোমরা কোন দিকে থাকবে ?

দ : আপনি যেমন বলবেন।

ন : তোমাদের ভারত মিলে কেমন কাজ হচ্ছে ? মদনবাবু আছেন কেমন ?

দ : আমি চুনাপুঁটি, মালিকের খবর কী করে রাখবো দাদা, দেখি কলকাতা থেকে গাড়ি করে এল, গাড়ি করে চলে গেল।

ন : হঁ অনেক টাকা করলো লোকটা.....যাই বেয়োই তুমি যাবে নাকি ?

দ : চলুন—এক মিনিট—দাদা—বৌদিকে একটা কথা বলেই আসছি।

[দৃশ্যের অন্তরিকে। সতু নতুন জামা কাপড় পরে দাঁড়িয়ে আছে। সুরতা আর চামেলী দেখছে। সতু খুব খুশী।]

দ : এই নিন বৌদি, ঐ একশো টাকার থেকে কেয়ত চল্লিশ টাকা।
স্বাসী, তোমার জন্ত আর শাড়ী কিনলাম না। ওটা বৌদির বাজে
খরচ হয়ে যেত।

চ : অতই যদি ইয়ে নিজের পয়সা দিয়ে কিনে দিও।

দ : স্বাসী, এক গ্রাস জল। যাই বৌদি, দেরি হলে দাদা খেপে যাবে।
[চলে যায়।]

চ : সে তো খেপেই আছে। বা : চমৎকার দেখাচ্ছে। সত্য বসো
এই চেয়ারটাতেই বসো না।

স : এই চেয়ারে ?
[অজ্ঞদিকে—]

দ : আজ কে এসেছিল ?

স্ব : একটা লোকের সঙ্গে অনেক কথা বললেন।

দ : পুলিশের লোক ?

স্ব : এমনি আমি কাপড় ছিলো তো।

দ : চোখ কান খোলা রাখবে। [নারানের গলা—কৈ, দৌহু !] বাজি
দাদা। [বেরিয়ে যায়। অজ্ঞদিকে—]

চ : চমৎকার দেখাচ্ছে, কে বলবে তুমি চাকর—একেবারে যেন
আমাদের মত। বসো চেয়ারটাতে।

স : অনেকদিন পর চোরে বসলাম। আপনি রাগ করবেন ন তো ?

চ : ওমা, রাগ করবো কেন ?

স : না, অনেকে করে।

চ : আমি করি না। মুখে বলব, গোস্তালিজম্। আর ঝি-চাকরের
সঙ্গে ব্যবহারের বেলায় ?

স্ব : (চুকে)। একী ওঠ, ওঠ, [সত্য উঠতে যায়।]

চ : আঃ, কী হচ্ছে কী ? বোসো সত্য। বাও, তুমি বৎ আমাদের
জন্ত দু পেয়লা চা করে নিয়ে এস। [স্বতরাং চলে যায়।] এই

শাটটাতে তোমাকে খুব ভাল দেখাচ্ছে। [হাত ধরে] বোলো, আমি বা বলবো তাই শুনবে। দিদিকে অত ভয় পাও কেন ?

স : দিদি বকবে।

চ : আমার সামনে বকুক তো, তোমাকে বলে বুদ্ধু। মাথায় ছিট আছে।

স : কোন্ শালা বলে মাথায় ছিট আছে।

চ : তোমার দিদি তো সব সময় সকলের কাছে বলে। নিশ্চয় কোন মতলব আছে। তোমাকে পাগল সাজিয়ে কোনদিন কার সঙ্গে ভেগে পড়বে।

স : মতলব বার করে দেব না।

চ : হিঃ হিঃ, রেগে গেলে তোমাকে বেশ দেখায়। তোমার দিদি তোমাকে মাথা ধরাপ বলে কেন ?

স : জানি আমার বিরুদ্ধে একটা ষড়যন্ত্র চলছে। আমাকে মারতে এলে আমিও এইসা দেবো।

চ : মারতে এলে তুমি সহ্য করবে কেন ?

স : একবার দিয়েছিলাম একটাকে। খুব পাঞ্জি ছিলো লোকটা—কে ? কে ঘেন ? ভেবেছিলো কেউ আর দেখেনি। কিন্তু আমি তো দেখে ফেলেছিলাম, তারপর কী সব হয়েছিল। আমাকে খুব ভালবাসতে লাগলো লোকটা। আমিও খুব ভালবাসলাম—কিন্তু মনে মনে। তারপর ? তার পর সেদিন ওদের বাড়ীর সবাই সিনেমা গেছে—আমি চুপি চুপি পিছন দিক দিয়ে গিয়ে, আমাকে তখনও দেখতে পায়নি—শয়তান ! ওকে যদি আবার পাই—আবার পাই—

চ : বিড়বিড় করে কী বলছো ? [চূলে হাত দেয়।]

স : দিদিকে বিধবা করেছিলো, শয়তান—[স্বরভাষে চোকে।]

চ : তোমার দিদি বিধবা নাকি ?

স্ব : আমি বিধবা হতে বাব কেন ?

চ : এই যে তোমার ভাই বলছিলেন ?

স্ব : ও ! [হাসে] ও : সেই কথা । আমার বিয়ের দিন বিয়ের আগেই আমার বর কলেরাতে মারা যায় । সবাই বলতে লাগল বিয়ে না হতেই মেয়েটা বিধবা হয়ে গেল । ভাই ওর মাথায় ঢুকে গেছে বিধবা ।

স : মিথ্যে কথা বলবি না দিদি ।

স্ব : তোর মাথাটা একদম খারাপ হয়ে গেছে ।

স : খবরদার বলছি দিদি, ও রকম বলবি না ।

চ : হিঃ হিঃ । তোমরা ভাইবোনে ঝগড়া কর আমি মাকে একটা ফোন করি । [চলে যায়]

স্ব : তুই কী সব যা তা বলছি ল ।

স : বেশ করবো বলবো, আমি কি তোর চাকর ? দূর, গল্পটা ওকে বলাই হলো না ।

স্ব : কোনো গল্প তাকে বলতে হবে না ।

স : কেমন জামাকাপড় দিয়েছে ! আমার জামা হিঁড়ে গিয়েছিলো তোর যেন গরজই ছিল না ।

স্ব : ফাঁদে পা দিগ না । ও ভাল নয় ।

স : না, ও খুব ভাল । আমাকে বলেছে, যত ইচ্ছে চেয়ে নিয়ে থেও, আমি বলে দেব । তোর খুব হিংসে হচ্ছে । হিংস্টে কোথাকার ।

স্ব : এই, কী বলছিল !

স : বলবই তো । তুই কেন বন্ডিস আমার মাথা খারাপ ? ও বললো আমার মাথায় কিছু হয়নি । মাথা খারাপ তো সেটাকে সাবডালাস কী করে ?

স্ব : সত্য, কেউ শুনে কেলবে ।

স : ব্যাটা লালুপাল মেঘ দেখছিলেন ।

সু : লালু পালের কথা থাক্ সতু, থাক্ ।

স : চমকে ভাকাল, সঙ্গে সঙ্গে গুড়ুম । বাজ পড়ল । মেঘ ডাকল ।
আমি বদলা নিলাম ।

সু : তখনই মেঘ ডেকেছিল—বাজ পড়েছিল—তাই কেউ ধরতে
পারেনি সেদিন তোকে । কিন্তু সতু—

স : আমি তো কিছুই পারি না !

সু : বাগানে যাযি না ? জল কে দেবে ?

স : ওঃ হ্যাঁ । গাছে তো জল দিতে হবে । [চামেলীর প্রবেশ ।]

চ : পাওয়া গেল না । রানাবাট লাইন খাপ খাপ বললে । এ কী,
চললে কোথায় সতু ?

সু : গাছে জলটা দিয়ে আসুক । না হলে গাছগুলো শুকিয়ে যাবে ।

চ : বাও, গাছে জল দিয়েই কিন্তু ছুটে আমার কাছে চলে আসবে ।
কেমন ? সুবাসী, এখানে দাঁড়িয়ে কেন ? রানাবাটা দেখ গে ।
যত সব ফাঁকি দেবার চেষ্টা । [দৃশ্যান্তর]

কিব্লিস্ : রামজী ছাড়া পাচ্ছে কথাটা ঠিক ?

দীহু : আমি জানি না ।

কি : বা বলেছিলে, সব ঝুট ?

দ : জানি না, যা ।

কি : তোমার নারানদা কী বলে ?

দ : নারানদা কিছু জানে না ।

কি : আর মদনবাবু ?

দ : কিছু জানে না !

কি : আমি কী করবো বলো ? তোমরা তো কেউ সামনে যাওনি ।
আজ যদি আমাদের—

দ : টাকা দিচ্ছি—পালিয়ে যা এখান থেকে ।

কি : কোথায় পালাব ? বাবাটা খুঁকছে, ভাইটা পড়ছে । যা-টা
বলি-১১

সর্বক্ষণ খাটছে—ওদের ছেড়ে আমি কোথায় পালাব দীহুদা ?
ওদের কে খাওয়াবে ?

দ : অত মায়া ভো মন্তান হতে এগেছিলি কেন ?

কি : আমি এসেছিলাম না তুমি আমাকে এনেছিলে ?

দ : ই: কচি খোকারে ! মায়ের কোলে শুয়েছিলি তাকে আমি কুসলে
মিয়ে এলাম !

কি : তোমার কথায় পড়াশোনা ছেড়ে দিয়েছিলাম ।

দ : ফের কেই-কই । যা ইচ্ছে করগে যা ।

কি : আমাকে রামজী মেরে ফেলবে !

দ : আমাদের কপালই এই । ঐ মোটা লোকগুলোকে বাঁচিয়ে রাখবার
জন্ত আমাদের মরতে হবে ।

কি : কেন ? কেন তা হবে ?

দ : এই নে একশোটা টাকা । গা ঢাকা দে কদিন । সুবিধা বুঝলে—

কি : আমার মা বাবার—

দ : চেষ্টা করবো কিছু করতে । তুই এখন যা । [অঙ্ককার । একটা
তীক্ষ্ণ আওয়াজ । আবছা আলোয় দেখা যায়—কিবলিস পালাচ্ছে,
বিস্ত রামজী সিং ও তার দল ঘিরে ফেলেছে । তাদের হাতে
গ্নিভলভার, ছোরা, কিবলিসকে ধরে টানতে টানতে নিয়ে গেল ।
স্বতন্ত্রার প্রবেশ ।]

স্বতন্ত্রা : এই যে এখন আমি সেখানে বাছি—মিষ্টি কিনতে—মিষ্টি
কেনার দরকার কতটা ছিলো, জানি না, আমাকে বাড়ি থেকে বার
করে দেবার দরকার ছিলো । যখন কাজে ঢুকলাম তখন বলেছিলো
“বেশী ব্যয় হওয়া আমি পছন্দ করিন ।” ওখানে কী হচ্ছে ?
খুন খুন হচ্ছে ! ওরা একটা ছেলেকে গাছের সঙ্গে বেঁধেছে ।
দুজন আছে—আঃ ওরা একটু একটু করে মারছে । ওকী, ওর
হাত গেল—পা গেল, এবার চোখ—ও মাগো ! অথচ আমার

কিছু করার নেই।—একী, এ যে কিবলিস! আমি জানি না এখানে কোথায় পুলিশ, থানা! আমি কিছুই জানি না! আর জেনেও বা কি?—এই যে শুনছেন—শুনুন—ও দীহুবাবু এই গাছের আড়ালে আছেন। ঐ দিকে তাকান! দেখুন কী হচ্ছে!

দ : তুমি শুদিকে তাকাচ্ছ কেন? তাকিও না।

স্ব : তার মানে আপনি জানান।

দ : আমি কিছু জানি না। তুমিও কিছু জান না। যদি বাঁচতে চাও তাহলে—তাহলে এসব জান না। রামজী সিন্কে চেন না। ঐ রামজী, ওর সম্পর্কে কিছু জানতে নেই।

স্ব : হায ভগবান, কেউ কিছু জানে না। কেউ কিছু জানে না। একটা ছেলেকে—কেউ কিছু জানে না। ভগবান তুমি বলতে পার না একবার যে এই পৃথিবীটাকে সৃষ্টি করেছিল কে আমি জানি না। চল্লি সূর্যের কোনটি একবার বন্ধ করে দিতে পার না।

দ : ভগবান! শালা! এটা পৃথিবীর ঘরোয়া ব্যাপার। ভগবানের এখানে কিছু করার নেই। বাড়ি যাও! নিজের কাজ করো। নিজের জান সম্পর্কে খেয়াল রাখ যেমন করে হোক বাঁচ। যা দেখলে সব ভুলে যাও। [দীহু চলে যায়।]

স্ব : ভুলে যাও। যেমন করে হোক বাঁচো। এমন বেঁচে থাকতে আমি চাই না। [দৃশ্যাস্তর]

[টেলিফোনে নারানবাবু।]

নারান : [টেলিফোন] না, না, তা কেন? জামিনে যখন ছাড় আছে হাজিরা দেবে বৈকি, দেয় নি? আমি দেখছি এখুনি। কোন স্টেপ নেবেন না। কিবলিসের ডেডবন্ডি পাওয়া গেছে। রামজীই যে এটা করেছে এমন তো কোন প্রমাণ নেই? সন্দেহের বলে অবশ্য আপনারা অনেক কিছুই করতে পারেন। ও: চলে আসুন।

[সতু অস্ত্রমনস্কের মত এসে দাঁড়ায়। হাতে মিষ্টির ঠোঙা।] এ
কী? তুমি এখানে এসেছ কেন? কখন এসেছ? তুমি টেলি-
ফোনের কথা শুনেছ?

সত্য: না।

ন: তুমি তো কিবলিসকে চিনতে না?

স: হ্যাঁ, ওর মা আমায় খেতে দিত। বলত, এই রান্ধস কবে যাবে।
হা, হা—।

ন: যাও এখান থেকে। হয় তুমি সত্যি পাগল, নয় তুমি আস্ত শয়তান,
নাঃ কাউকে বিশ্বাস করা ঠিক নয়। দেখি আজকে রাতের ব্যাপারটা
মিটে যাক্ তারপর। [প্রস্থান]

[অস্ত্র দৃশ্য। সুত্রতা অবসর। বগে আছে। সত্য ঢোকে।
হাতে একটা প্লেটে অনেক মিষ্টি।]

স: চামেলীদি আমাকে কত মিষ্টি খেতে দিয়েছে!

সু: চামেলীদি!

স: হ্যাঁ, আমাকে বললো তুমি আমাকে বৌদি বোল না—চামেলীদি
বোল। মাঝে মাঝে চামেলী বললেও আমি কিছু মনে করব না।
নে দিদি, তুই দুটো খা।

সু: তুই খা সতু, আমি খাব না।

স: তুই আমার ওপর রাগ করেছিস? তবে খাবি না কেন? খা দিদি।

সু: সতু, আমার কিছু ভাল লাগছে না।

স: বুঝেছি। আমাকে জামাকাপড় দিয়েছে ভাল খেতে দিচ্ছে, তোর
সহ হচ্ছে না।

সু: তোর পায়ে পড়ি, তুই যা।

স: তা ভাল লাগবে কেন? ঐ যে দীন্ন, ও দিলে বুঝি খুব ভাল
লাগতো?

সু: কী বললি? যত বড়ো মুখ নয় তত বড় কথা! বদমাইশ! [চড়

মায়ে।] কবে খুন হয়ে যেতিস। আগলে আগলে নিয়ে বেড়াচ্ছি। বড়ো বাড় হয়েছে, না? এত লোক মরছে তুই মরিস না, তুই খুন হয়ে যা।

স : কেউ খুন করবে না—না। আমি লুকিয়ে পড়বো, আমি মরব না। [চামেলীর প্রবেশ]

চ : কে খুন করবে? কী সব কথাবার্তা? ওকে ও রকম করে ভয় দেখাচ্ছ কেন, স্বাসী!

স : আপনি কেন আমার ভাইকে নিয়ে এ রকম করছেন!

চ : কী করেছি? দেখো আমার নামে বদনাম দেবার চেষ্টা কোর না, নষ্ট মেয়েছেলে! নিজে দীহুর সঙ্গে ফটিনটি করছ বলে—

স : চূপ করুন, আমার ভাইকে নষ্ট হতে দেব না। এখুনি এখান থেকে চলে যাব।

চ : সতু, চলে যাবে নাকি? আমাকে ফেলে?

স : না।

স্ব : সতু।

স : না। ও আমাকে কত আদর করে। চূলে হাত বুলিয়ে আমাকে ঘুম পাড়িয়ে দিয়েছিল কালকে।

[নারানের প্রবেশ]

ন : কী হয়েছে? চাঁচামেচি কিসের?

চ : ছট করে বলছে, “আমরা চলে যাব।”

ন : তার মানে? মতলব কী?

চ : আমিও তো তাই বলছি। ছট করে এখনই লোক পাই কোথায়।

ন : ভেবেছিলাম সরল লোক, তা নও। সত্য, তুমি ও ঘরে দাঁড়িয়ে ছিলে কেন? এঁ্যা, তারপরেই চলে যেতে চাইছ। ব্যাপারটা—

চ : না, না ওর এখানেই কাজ করার ইচ্ছে। এই সুবাসীই যত নষ্টের মূল।

ন : তা যেতে চাইছো কেন ?

চ : আমি বলছি ও যেয়েছেলে মোটেই সুবিধের নয়। দীহুর সঙ্গে কষ্টিনষ্টি...

ন : তাই নাকি ?

সু : একদম মিথ্যে কথা। বিশ্বাস করুন—আমার কোন বদ মন্তব্য নেই, কেবল ভাইকে নিয়ে এখান থেকে ভালয় ভালয় চলে যেতে চাই।

ন : ব্যস্ত কেন ? যাবে। অস্ত্র তো কিছুতেই যাওয়া হতে পারে না। সপ্তাহ খানেক যাক। যদি দেখি সব ঠিকঠাক আছে তখন যাবে।

চ : চল সতু, তোমার অনেক কাজ পড়ে আছে। সেয়ে নেবে চল।
[সতু, চামেলী যায়।]

ন : দীহুর সঙ্গে তোমার সম্পর্ক কী ?

সু : অ্যা, কিছু না। বিশ্বাস করুন, উনি আমাকে চাকরী যোগাড় করে দিয়েছেন।

ন : চাকরী যোগাড় করে দিয়েছিল না অস্ত্র কথা বলে পাঠিয়েছিল ?

সু : না, অস্ত্র কিছু বলে পাঠায়নি।

ন : রামজী সিং সম্পর্কে কিছু জান ?

সু : কিছু জানি না। এখানে একদিন দেখেছি।

নারান : দেখা নয়। দেখা, ঐ রামজী দীহুর চেয়ে অনেক বেশী সাংঘাতিক। মনে রেখ ! যাও ! [প্রস্থান]

সু : বাড়িতে বাড়িতে কাজ করে শুভ্রভাবে জীবনটা কাটাও ভেবে-ছিলাম। এরা শুভ্রলোক ! হায় শুভ্রবান !

[দৃষ্টান্তর]

সত্য : এটা কোন জায়গা ? এখানে আমি কী করছি ? হৃদয় বাড়ি।
আমার মাথাটা—আমার মাথাটা—উঃ উঃ, হ্যাঁ হ্যাঁ, আমি সিগারেট
কিনছিলাম। ভোলা আমাকে ডাকল। তারপর—হঁ হঁ—
তারপর নিয়ে গেল। সেই ঘরে—মারল আমাকে। প্রচণ্ড মার।
বল শালা বল। লালুদাকে কে মেরেছে বল ? আমি জানি না।
জানি না, তোর বাপ জানে। বদলা নেওয়া কাকে বলে জানিস
না সতু ? ছেড়ে দে। আমি কিছু জানি না। আঃ আঃ দিদি,
কী অঙ্ককার, অঙ্ককার ! মনে পড়েছে—অহুদা, দিদি। দিদির
বিয়ে হবে। বাবা, অহুদা—খুন, খুন সব খুন, হয়ে যাবে।

চ : কী হলো ? দিদি মাথায় ঢুকিয়ে দিয়েছে তো ? আমি থাকতে
কে তোমার গায়ে হাত দেবে ? এসো, এসো বলছি !

স : দিদি, দিদি কই ?

চ : তোমার দিদির কত ঢং। মাথা ধরেছে বলে স্ত্রীর পড়লো। আমি
বলি ভালই হয়েছে। তোমার সাথে একটু নিশ্চিন্তে কথা বলা
যাবে। পান খাবে ? এই নাও।

স : পান আমি খাই না।

চ : কেন ?

স : এমনি। দিদি বলে, যত খরচ বাড়ানি তত বাড়বে। টাকা না
জমালে কোন দিন তো মুক্তি পাব না। তাই আমি সিগারেট
খাওয়াও ছেড়ে দিয়েছি।

চ : [সত্যর গায়ে হেলান দিয়ে বসে] সুবাসীর যত উদ্ভট কথা। পরস
জমাতে হবে বলে মানুষ সব ছেড়ে দেবে ? খাও ! [পানটা মুখে
দিয়ে দেয়]

স : না। বাঃ পানটাত বেশ ভাল।

চ : একদিন তুমি আর আমি দুজনে মিলে রান্নাঘাটে যাব। এই দেখ
তো, আমার এইখানটার কী ? [সত্য তাই করে।] তুমি এখন

থেকে কখনও বেগ না। স্বাসীর এখন কারো সঙ্গে ভেগে পড়বার মতলব।

স : দিদি ভেগে যাবে বলছ কেন ?

চ : যাবে বধন দেখবে। তোমার বোন হলে কী হয়—আমি বলছি স্বাসী নষ্ট।

স : স্বাসী বলছ কেন ? স্বততা বলতে পার না ?

চ : স্বততা আবার কে ?

স : নষ্ট বলছ কেন ? ভাল বলতে পার না ?

চ : আঃ আমার চুলে লাগছে। ছাড় বলছি।

স : আঃ টেচিও না। সবাই এসে পড়বে। [আরো জোরে চুল টানতে থাকে]

চ : ছাড়, ছাড় বলছি ! লাগছে !

স : বলছি টেচিও না। ওরা এসে পড়বে। [চামেলীর মুখ চেপে ধরে। চামেলী ছটকট করে। ক্রমশ অসাড় হয়ে যায়। সত্য ছেড়ে দেয়। স্বততা আসে। চামেলীকে দেখে।]

স্ব : কী করেছিল হতভাগা—কী করেছিল ?

স : ও টেচাল কেন ?

স্ব : [এদিক ওদিক দেখে] এখন আমি কী করি ! শোন ! আসার সময় তোকে যে ভাঙা শিবমন্দিরটা দেখিয়েছিলাম মনে আছে ? [সত্য ঘাড় নাড়ে।] ঐখানে গিয়ে লুকিয়ে থাকতে পারবি ? [সত্য ঘাড় নাড়ে।] তবে এই জানলা দিয়ে লাফিয়ে পড়ে ওই রাস্তাটা ধরে সোজা চলে যা। যতক্ষণ না আমি যাই, ওখানে বসে থাকবি। আমি যাবই। [দুজনে দুদিকে যায়। নারান ও'রামজী চোকে।]

ন : রামজী তুমি মোড়ের দিকে লক্ষ্য রাখো। আমি চাবিটা নিয়ে আসছি।

র : ঠিক হায় বাবুজী।

ন : চামেলী, চামেলী—কুঠুরির চাবিটা দাও। এ কী? সত্য, সত্য, সুবাসী! [চামেলীকে গিয়ে নাড়া দেয়, নিঃশ্বাস অহুত্ব করে। ডাক্তারকে কোন করে] কী হয়েছে বুঝতে পারছি না, ডাক্তার। তুমি এলুনি এসো। ঝি আর চাকরটা পালিয়েছে। হ্যাঁ, হ্যাঁ তোমার বৌদি। ভাড়াভাড়া এসো, আর শোন, কাউকে বোল না। [ফোন ছাড়ার একটু পরেই আবার ফোন বাজে।] হ্যালো। অ্যা! তুমি! তোমার আবার কী! স্টার্ট করেছে! দশটা পনেরো মিনিটের মধ্যে আসছে? ঠিক আছে। [ফোন ছাড়ে। চামেলীর কাছে যায়।] চাবিটা—না চাবিটা ঠিকই আছে। সোনাদানাও নিয়ে যাবনি কিছু। চামেলী, চামেলী! আঃ আজকেই এই কাণ্ড করলে! কদিন থেকে দেখছিলাম ঐ ইভিট ছিলেটার সঙ্গে একটু বেশী—ইভিট, শরতান কোথাকার! নারান চৌধুরীকে চেননি এখনও, আর রামজীকেও জান না। রামজী, রামজী, [রামজী চোকে।]—

র : জি, ক্যা হুয়া? ভাৰীজি কো ক্যা হুয়া? কুছ বাস জখমি তো নেহী হুয়া?

ন : না, না, বেঁচে আছে। অজ্ঞান হয়ে গেছে! ও দুটো পালিয়েছে। মদনবাবুর লোক। দীর্ঘ দিয়েছিলো।

র : পুলিশ কো খবর তো নেহী দিয়া? মাল আনেওয়ালা।

ন : ডাক্তারকে ডেকেছি। শোন প্রথমে স্টেশনটা দেখে এসো। লাস্ট ট্রেন যদি চলে যায় তবে কিছু করার নেই। ঐ দুটোকে যেমন করেই হোক ধরতে হবে। শুধু ধরলেই চলবে না। একেবারে শেষ করে দেবে। ঐ ছেলেটাকে এমন ভাবে মারবে যেন ও বুঝতে পারে যে ও মরেছে।

র : ব্যায়সা কিবলিস কো?

ন : কিবলিস কে কী করেছ জানি না, বাও—মোড়ের মাথা আমি দেখছি।

মোট কথা কাল সকালে ওদের যেন চেনা না যায়। [অন্ত দৃশ্য। শিব মন্দির। সত্য প্রায় ঘুমিয়ে পড়েছে। সুত্রতা আসে।]

সু : [হাতে রিভলভার নিয়ে] সত্য, এইটে হাতে নিয়ে তুই একদিন বলেছিলি বুদ্ধিটাকে শান দিতে হবে! কিন্তু শান দেওয়া আর হল না! অনন্তর স্বপ্ন দেখতে শেখাল—সে স্বপ্ন অনন্তদার সঙ্গে সেই পোড়ো বাড়িতে গুপ্তধন হয়ে রয়ে গেল। আর তুই আর আমি আজ এই শিব মন্দিরে গুপ্তধন হয়ে থাকব। কিন্তু তবু ঐ গুণ্ডাগুলোর হাতে তোকে আমি কিছুতেই তুলে দেব না। এই সত্য! সত্য!! তবু ঐ গুণ্ডাদের হাতে তোকে আমি ছেড়ে দিতে পারব না।

স : (ঘুম ভেঙে) দেখেছিস দিদি, আমি কিছু ভুলি নি ঠিক জায়গায় এসেছি। বড়ো শীত করছে রে দিদি।

সু : নে এই শাড়ীটা গায়ে জড়িয়ে নে। [একটা শাড়ী দেয়। সত্য জড়িয়ে নেয়।] তুই কি ঘুমিয়ে পড়েছিলি?

স : হ্যাঁবে। ঘুমিয়ে একটা স্বপ্ন দেখছিলাম।

সু : কী স্বপ্ন?

স : আমাদের বাড়ির স্বপ্ন। একটা মস্ত বাড়ি, বিরাট বাগান। আমি সেই বাগানে কাজ করছি। বাবি?

সু : হ্যাঁ বাব। আজই যাবো। সেখানে আর একটা নতুন বাড়ি তৈরী করবো। মস্ত বাড়ি, তাতে কতো ঘর থাকবে। আর সঙ্গে মস্ত বড় বাগান। তার মধ্যে আম-কাঁঠালের গাছ, জাম, লিচু, ফলসা, নারিকেল আরো কত গাছ। একটা মস্ত বড় পুকুর। তাতে কত মাছ খেলা করে বেড়াবে। এক পাশে থাকবে হাঁস মুরগী রাখার জায়গা।

স : হাঁস, মুরগী? আর?

সু : আর একপাশে থাকবে গোয়াল—কত গরু থাকবে তাতে। কত দুধ হবে। সেই দুধ আমরা বিক্রি করব।

স : দিদি, রেক্স-এর মত একটা কুকুর রাখবি ? আমি নিজে তাকে চান করিয়ে দেব, খাওয়াব । না, না, দেখিস, এবারে আর মায়বো না ।

স্ব : আমি, তুই আর কখনো কারুর গায়ে হাত দিবি না । কেবল ভালবাসবি, আদর করবি ।

স : কেবল ভালবাসব আর আদর করব ।

স্ব : কতরকমের পাখি থাকবে । সকাল সন্ধ্যা তুই তাদের ছোলা খাওয়াবি । তারা তোকে দেখলে আনন্দে চিৎকার করে বলবে—এই যে সত্যব্রত এসেছে—যে আমাদের ভালবাসে । আর অতবড় বাড়িতে আমরা দুজনেই থাকব নাকি ভেবেছিল ? অনেক বাচ্চা, বাচ্চা ছেলেমেয়ে, যাদের কেউ নেই, তাদের নিয়ে আসবো । তারা সবাই সেখানে থাকবে, বাগানে কাজ করবে, আর গান করবে । আর সেই গান শোনার জন্য কতলোক আসবে । তারা বলবে, এত সুন্দর গান তোমরা কোথায় শিখলে ? ছেলেমেয়েরা বলবে—ওই তো, সত্যব্রতর কাছে, যে আমাদের ভালবাসে । বাগানের ফুলগুলো বলবে এত সুন্দর করে কে আমাদের ফুটিয়েছে !—ওই সত্যব্রত । ক্ষেতের মধ্যে ছোট ছোট চারাগাছগুলো বলবে, আমরা এত তেজী হয়েছি কেন ? ওই সত্যব্রত করেছে, যে আমাদের ভালবাসে । আর তাই দেখে আকাশটা খুশী হয়ে শীতকালে দেবে শিশির আর রৌদ্র—আর গরমে বখন অতিষ্ঠ হয়ে উঠবে সব, তখন দেবে মেঘ আর বৃষ্টি । আর তাইতে খুশী হয়ে গাছগুলো আরো লম্বা আরও তেজী হবে.. আরও লম্বা । আরও তেজী । [পিস্তল বের করে সত্যর মাথার দিকে নিয়ে যায় । মঞ্চের উপরিভাগে রামজি সিংকে দেখা যায় । সে তার দলবলকে ইশারায় ডাকে । প্রত্যেকের হাতে অস্ত্র । স্তব্ধতা সত্যকে জ্বাল করে । রামজি সিং'রা একটু এগিয়ে আসে । স্তব্ধতা রামজিদের দিকে পিস্তল উঠিয়ে ধরে । পর্দা ।]